

МОЛИТВОСЛОВ

Содержание:

Молитвы начальные	2
Молитвы утренние	3
Молитвы на сон грядущим	13
Последование ко Святому Причащению	23
Молитвы по святом Причащении	43
Канон покаянный ко Господу нашему Иисусу Христу	48
Канон умиленный с акафистом ко Господу нашему Иисусу Христу	54
Канон молебный ко Пресвятей Богородице	69
Канон благодарный с акафистом ко Пресвятей Богородице	77
Канон и акафист святителю и чудотворцу Николаю	92
Канон Ангелу Хранителю	109
Канон Честному и Животворящему Кресту.....	115
Канон чтимый за болящего	123
Часы св. Пасхи	130
Чин дванадцати псалмов	132
Правило от осквернения.....	144

МОЛИТВЫ НАЧАЛЬНЫЕ

Аще иерей: Благословѣн Бог наш:

Аще ли не иерей: Молитвами святых отец наших, Господи Иисусе Христе, Боже наш, помилуй нас, аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас. **Трижды.**

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй, **трижды.** Слава, и ныне :

Отче наш, Иже еси на Небесех, да святится имя Твое, да приидет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Таже: Господи, помилуй, **12.**

Слава Отцу и Сыну и Святому Духу, и ныне и присно и во веки веков. Аминь.

Приидите, поклонимся Цареві нашему Богу.

Приидите, поклонимся и припадем Христу, Цареві нашему Богу.

Приидите, поклонимся и припадем Самому Христу, Цареві и Богу нашему.

МОЛИТВЫ УТРЕННИЕ

Воспрянув без лености, и истрезвився, встав от сна, рцы сие:

Во імя Отца, и Сына, и Святаго Духа. Амѣнь.

Посем постой мало молча, дондеже утишатся вся чувства: и тогда сотвори три поклоны, глаголя:

Господи Иисусе Христе, Сыне Божий, помилуй мя, грешнаго.

Таже начни сие:

Молитвами святых отец наших, Господи Иисусе Христе, Боже наш, помилуй нас, амѣнь.

Слава Тебе, Боже наш, слава Тебе.

Царю Небесный: **Трисвятое** и по Отче наш:

Тропари Троичны:

Воставше от сна, припадаем Ти, Блаже, / и ангельскую песнь вопиѣм Ти, Сильне: / Свят, Свят, Свят еси, Боже, / Богородицею помилуй нас.

Слава: От одра и сна воздвигл мя еси, Господи, / ум мой просвети и сердце, / и устне мои отверзи, / во еже пѣти Тя, Святаѣя Троице: / Свят, Свят, Свят еси, Боже, / Богородицею помилуй нас.

И ныне: Внезапно Судия придет, / и коегждо деяния обнажатся, / но страхом зовѣм в полунощи: / Свят, Свят, Свят еси, Боже, / Богородицею помилуй нас.

Господи, помилуй, 12,

И молитву сию:

От сна встав, благодарю Тя, Святаѣя Троице, яко многия ради Твоея благодости и долготерпѣния не прогневался еси на мя,

леніваго и грѣшнаго, ниже погубил мя еси со беззаконіи моими; но человеколюбовствовал еси обычно и в нечаянии лежащаго воздвигл мя еси, во еже утревевати и славословити державу Твою. И ныне просвети мои очи мысленныя, отверзи моя уста поучатися словесем Твоим, и разумети заповеди Твоя, и творити волю Твою, и пети Тя во исповедании сердцем, и воспевати всесвятое имя Твое, Отца и Сына и Святаго Духа, ныне и присно и во веки веков. Аминь.

Приидите, поклонимся Цареві нашему Богу.

Приидите, поклонимся и припадём Христу, Цареві нашему Богу.

Приидите, поклонимся и припадём Самому Христу, Цареві и Богу нашему.

Псалом 50:

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омий мя от беззакония моего, и от греха моего очисти мя; яко беззаконие мое аз знаю, и грех мой предо мною есть вина. Тебе Единому согреших и лукавое пред Тобою сотворих, яко да оправдишися во словесах Твоих, и победиши внегда судити Ти. Се бо, в беззаконіях зачат есмь, и во гресех роди мя мати моя. Се бо, истину возлюбил еси; безвестная и тайная премудрости Твоея явил ми еси. Окропиши мя иссопом, и очищуся; омиеши мя, и паче снега убелюся. Слуху моему даси радость и веселие; возрадуются кости смиренныя. Отврати лице Твое от грех моих и вся беззаконія моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровеї, Боже, Боже спасения моего; возрадуется язык мой правде Твоей. Господи, устне мои отверзеша, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не уничижит.

МОЛИТВЫ УТРЕННИЕ

Ублажи́, Го́споди, благоволе́нием Твои́м Сио́на, и да сози́ждутся стѣны Иерусали́мския. Тогда́ благоволи́ши жѣртву пра́вды, возноше́ние и всесожега́емая; тогда́ возложáт на олта́рь Твой тельцы́.

Символ веры:

Вѣрую во еди́наго Бо́га Отца́ Вседержи́теля, Творца́ не́бу и землі́, ви́димым же всем и неви́димым. И во еди́наго Го́спода Иису́са Христа́, Сы́на Бо́жия, Единоро́днаго, Иже от Отца́ рожде́ннаго прѣжде всех век. Све́та от Све́та, Бо́га и́стинна от Бо́га и́стинна, рожде́нна, несотворѣ́нна, единосущ́на Отцу́, И́мже вся бы́ша. Нас ра́ди челове́к и на́шего ра́ди спасе́ния сше́дшаго с небѣс и воплоти́вшася от Ду́ха Свя́та и Мари́и Дѣвы и вочелове́чшася. Распя́таго же за ны при Понти́йстем Пилáте, и страда́вша, и погребѣ́нна. И воскресе́шаго в трѣ́тий день по Писáнием. И возше́дшаго на Небеса́, и се́дѣща одесну́ю Отца́. И па́ки грядúщаго со сла́вою суди́ти живы́м и мѣртвым, Егóже Цáрствию не бúдет конца́. И в Ду́ха Свята́го, Го́спода, Животворя́щаго, Иже от Отца́ исходя́щего, Иже со Отце́м и Сы́ном спокланя́ема и сславима, глаго́лавшаго проро́ки. Во еди́ну Святу́ю, Соборну́ю и Апóстольскую Цѣ́рковь. Испове́дую еди́но креще́ние во оставле́ние грехо́в. Чаю́ воскресе́ния мѣртвых, и жи́зни бúдущаго вѣка. Ами́нь.

Молитва 1, святого Макария Великаго:

Бо́же, очисти́ мя грѣшнаго, я́ко николи́же сотвори́х благо́е пред Тобо́ю, но избáви мя от лука́ваго, и да бúдет во мне во́ля Твоя́; да неосужде́нно отвѣрзу уста́ моя́ недостой́ная и восхвалю́ и́мя Твое́ свято́е, Отца́ и Сы́на и Свята́го Ду́ха, ны́не и прѣсно и во вѣки веко́в. Ами́нь.

Молитва 2, тогожде святого:

От сна воста́в, полу́нощную песнь приношу́ Ти, Спа́се, и припада́я вопию́ Ти: не даждь ми усну́ти во грехо́вней сме́рти, но ущѣдри́ мя, распни́йся во́лею, и лежа́щаго мя в лѣности ускори́в воста́ви, и спаси́ мя в предсто́янии и моли́тве, и по сне

нощнем возсияй ми день безгрешен, Христе Бóже, и спаси мя.

Молитва 3, тогожде святаго:

К Тебѣ, Владыко Человеколюбче, от сна востав прибегаю, и на дела Твоя подвизаюся милосердием Твоим, и молюся Тебѣ: помози ми на всякое время, во всякой вещи, и избави мя от всякия мирския злыя вещи и диавольскаго поспешения, и спаси мя, и введи в Царство Твое вечное. Ты бо еси мой Сотворитель и всякому благу Промысленник и Податель, о Тебѣ же все упование мое, и Тебѣ славу возсылаю, ныне и присно и во веки веков. Аминь.

Молитва 4, тогожде святаго Макария:

Господи, Иже многою Твоею благодатию и великими щедротами Твоими дал еси мне, рабу Твоему, мимошедшее время нощи сея без напасти прейти от всякаго зла противна; Ты Сам, Владыко, всяческих Творче, сподоби мя истинным Твоим светом и просвещенным сердцем творити волю Твою, ныне и присно и во веки веков. Аминь.

Молитва 5, святаго Василия Великаго:

Господи Вседержителю, Бóже сил и всякия плоти, в вышних живый и на смиренные призираяй, сердца же и утробы испытуй и сокровенная человеков яве предведый, Безначальный и Присносущный Свете, у Него же несть пременения, или преложения осенение; Сам, Безсмертный Царю, прими моления наша, яже в настоящее время, на множество Твоих щедрот дерзаяще, от скверных к Тебѣ устен творим, и остави нам прегрешения наша, яже делом, и словом, и мыслию, ведением, или неведением согрешенная нами; и очисти ны от всякия скверны плоти и духа. И даруй нам бодренным сердцем и трезвенною мыслию всю настоящего жития ночь прейти, ожидающим пришествия светлаго и явленнаго дне Единороднаго Твоего Сына, Господа и Бога и Спаса нашего Иисуса Христа, в оньже со славою Судия всех придет, комуждо одати по делу его; да не падше и обленившеся, но

бодрствующе и воздвигени в делание обрящемся готѡви, в радѡсть и Божѣственный чертѡг славы Его совнидем, идеже прѡзднующих глас непрестанный, и неизреченная сладѡсть зрящих Твоего лица доброту неизреченную. Ты бо еси истинный Свет, просвещаяй и освящаяй всяческая, и Тя поет вся тварь во веки веков. Аминь.

Молитва 6, тогожде святаго:

Тя благословим, вышний Бже и Господи милости, творящаго присно с нами великая же и неизследованная, славная же и ужасная, ихже несть числа, подавшаго нам сон во упокоение немощи нашея, и ослабление трудов многотрудныя плоти. Благодарим Тя, яко не погубил еси нас со беззаконными нашими, но человеколюбствовал еси обычно, и в нечаянии лежащая ны воздвигл еси, во еже славословити державу Твою. Темже молим безмерную Твою благодать, просвети наша мысли, очеса, и ум наш от тяжкаго сна лености возстави: отверзи наша уста, и исполни я Твоего хваления, яко да возможем непоколеблемо пети же и исповедатися Тебе, во всех, и от всех славному Богу, Безначальному Отцу, со Единородным Твоим Сыном, и Всесвятым и Благим и Животворящим Твоим Духом, ныне и присно и во веки веков. Аминь.

Молитва 7. Песнь ко Пресвятей Богородице:

Воспеваю благодать Твою, Владычице, молю Тя, ум мой облагодати. Ступати право мя настави, путем Христовых заповедей. Бдети к песни укрепй, уныния сон отгоняючи. Связана пленицами грехопадений, мольбами Твоими разреши, Богоневесто. В ноши мя и во дни сохраняй, борющихся враг избавляючи мя. Жизнодателя Бога рождающая, умерщвлена мя страстми оживй. Яже Свет невечерний рождающая, душу мою ослепшую просвети. О дивная Владычня палато, дом Духа Божественна мене сотвори. Врача рождающая, уврачуи души моея многолетныя страсти. Волнующаяся житейскою бурей, ко стези мя покаяния направи. Избави мя огня вечнующаго, и червья же злаго, и таргара. Да мя не явиши бесом радование, иже многим

грехом повинника. Нова сотвори мя, обетшавшаго нечувственными, Пренепорочная, согрешении. Странна муки всякия покажи мя, и всех Владыку умоли. Небесная ми улучшить веселия, со всеми святыми, сподоби. Пресвятая Дево, услыши глас непотребнаго раба Твоего. Струю давай мне слезам, Пречистая, души моей скверну очищаящи. Стенания от сердца приношу Ти непрестанно, усердствуй, Владычице. Молэбную службу мою приими, и Богу благоутробному принеси. Превышшая Ангел, мирскаго мя превышша слития сотвори. Светоносная Сене небесная, духовную благодать во мне направи. Рuce воздею и устне к похвалению, осквернены скверною, Всенепорочная. Душетленных мя пакостей избави, Христа прилежно умоляючи; Емуже честь и поклонение подобает, ныне и присно и во веки веков. Аминь.

**Молитва 8,
ко Господу нашему Иисусу Христу:**

Многомилостиве и Всемилостиве Боже мой, Господи Иисусе Христе, многия ради любве шел и воплотился еси, яко да спасеши всех. И паки, Спасе, спаси мя по благодати, молю Тя; аще бо от дел спасеши мя, несть се благодать и дар, но долг паче. Ей, многий в щедротах и неизреченный в милости! Веруя бо в Мя, рекл еси, о Христе мой, жив будет и не узрит смерти во веки. Аще убо вера, яже в Тя, спасает отчаянныя, се верую, спаси мя, яко Бог мой еси Ты и Создатель. Вера же вместо дел да вменится мне, Боже мой, не обрящещи бо дел отнюд оправдающих мя. Но та вера моя да довлéет вместо всех, та да отвещает, та да оправдит мя, та да покажет мя причастника славы Твоея вечныя. Да не убо похитит мя сатана, и похвалится, Слове, еже отторгнути мя от Твоея руки и ограды; но или хочу, спаси мя, или не хочу, Христе Спасе мой, предвари скоро, скоро погибох: Ты бо еси Бог мой от чрева матери моея. Сподоби мя, Господи, ныне возлюбити Тя, якоже возлюбих иногда той самый грех; и паки поработати Тебе без лености тощно, якоже поработах прежде сатане лстывому. Наипаче же поработаю Тебе, Господу и Богу моему Иисусу Христу, во вся

дни живота моего, ныне и присно и во веки веков. Аминь.

**Молитва 9,
к хранителю человеческия жизни Ангелу:**

Святы́й А́нгеле, предсто́йи ока́янней мо́ей ду́шї и стра́стней мо́ей жи́зни, не оста́ви мене́ грѣшнаго, ниже́ отступи́ от мене́ за невоздержаніе моё. Не даждь мѣста лука́вому дѣмону облада́ти мно́ю, насильствомъ смѣртнаго сегó телесé; укрепи́ бѣдствующую и худю́ю мою́ ру́ку и наста́ви мя на путь спасенія. Ей, святы́й А́нгеле Бо́жий, хранителю и покровителю ока́янныя моея́ ду́шї и тѣла, вся мне прости́, ели́кими тя оскорби́х во вся дни живота́ моего́, и а́ще что согрѣшихъ в прешѣдшую но́щь сию́, покрѣй мя в настоя́щий день, и сохрани́ мя от всякаго искуше́ния противнаго, да ни в ко́ем гресѣ прогна́ваю Бо́га, и моли́ся за мя ко Го́споду, да утверди́т мя в стра́се Своёмъ, и досто́йна покажетъ мя раба́ Своея́ бла́гости. Аминь.

**Молитва утренняя конечная,
ко Пресвятей Богородице:**

Пресвята́я Влады́чице моя́ Богоро́дице, святы́ми Твои́ми и всесі́льными мольба́ми отжени́ от мене́, смире́ннаго и ока́ннаго раба́ Твоего́, уны́ние, забвѣние, неразу́мие, нераде́ние, и вся сквѣрная, лука́вая и ху́льная помышлѣнія от ока́ннаго моего́ се́рдца и от помраче́ннаго ума́ моего́; и погаси́ пла́мень страсте́й мои́х, я́ко нищ есмь и ока́нен. И изба́ви мя от мно́гих и лю́тых воспомина́ний и предприя́тий, и от всехъ де́йствъ злыхъ свободи́ мя. Я́ко благослове́на еси́ от всехъ родо́в, и сла́вится пречестно́е і́мя Твоё во ве́ки веко́в. Аминь.

**Молитвенное призывание святого,
имя которого носиши:**

Моли́ Бо́га о мне, святы́й уго́дникъ Бо́жий (имярек), я́ко азъ усер́дно к тебѣ прибегаю́, ско́рому помо́щнику и моли́твеннику о ду́ше мо́ей.

Песнь Пресвятей Богородице:

Богорóдице Дéво, рáдуйся, / Благодáтная Мари́е, Госпóдь с Тобóю; / благословéна Ты в женáх / и благословéн Плод чрéва Твоегó, / я́ко Спáса родила́ еси́ душ нáших.

Тропарь Кресту и молитва за Отечество:

Спаси́, Гóсподи, лю́ди Твоя́, / и благослови́ достоя́ние Твое́, / побéды на сопроти́вныя дáруя, / и Твое́ сохраня́я Кресто́м Твои́м жи́тельство.

Молитва о живых:

Спаси́, Гóсподи, и помíлуй рабóв Твои́х: отца́ моего́ духо́внаго (имярек), роди́телей мои́х (имярек), срóдников (имярек), нача́льников, наста́вников, благодéтелей (имярек) и всех правосла́вных христиáн.

Молитва о усопших:

Упоко́й, Гóсподи, ду́ши усо́пших раб Твои́х: роди́телей мои́х, срóдников, благодéтелей (имярек), и всех правосла́вных христиáн, и прости́ им вся согрешéния вóльная и нево́льная, и дáруй им Цáрствие Небéсное.

Досто́йно есть я́ко воистинну блажи́ти Тя, Богорóдицу, / Присноблаже́нную и Пренепоро́чную и Ма́терь Бо́га нáшего. / Честне́йшую Херувíм и сла́внейшую без сравне́ния Серафíм, / без ислéния Бо́га Сло́ва ро́ждшую, су́щую Богорóдицу Тя велича́ем.

Таже: Сла́ва, и ны́не: Гóсподи, помíлуй, **трижды.**

Благослови. И отпуст.

Гóсподи, Иису́се Христé, Сы́не Бóжий, моли́тв ра́ди Пречи́стыя Твоея́ Ма́тере, преподо́бных и богонóсных оте́ц нáших и всех святы́х, спаси́ мя, грéшнаго.

Помянник о живых:

Помяни́, Гóсподи Иису́се Христé, Бо́же наш, ми́лости и щедрóты Твоя́ от вéка су́щия, íхже ра́ди и вочелове́чился еси́, и

распятие и смерть, спасения ради право в Тя верующих, претерпети изволил еси; и воскрес из мертвых, вознелся еси на Небеса и седиши одесную Бога Отца, и призираеши на смиренные мольбы всем сердцем призывающих Тя. Приклони ухо Твое, и услыши смиренное моление мене, непотребного раба Твоего, в воню благоухания духовного, Тебе за вся люди Твоя приносящего. И в первых помяни Церковь Твою Святую, Соборную и Апостольскую, юже снабдел еси честною Твоею Кровию, и утверди, и укрепи, и расшири, умножи, умири, и непребориму адовыми вратами во веки сохрани; раздирания Церквей утиши, шатания языческая угаси, и ересей востания скоро разори и искорени, и в ничтоже силою Святого Твоего Духа обрати.

Спаси, Господи, и помилуй богохранимую страну нашу, власти и воинство ея, да тихое и безмолвное житие поживем во правоверии, и во всяком благочестии и чистоте.

Спаси, Господи, и помилуй Великаго Господина и Отца нашего Святейшего Патриарха Алексия, и святейших вселенских патриархи, преосвященные митрополиты, архиепископы и епископы православныя, иереи же и диаконы, и весь причет церковный, яже поставил еси пасты словесное Твое стадо, и молитвами их помилуй и спаси мя грешнаго.

Спаси, Господи, и помилуй отца моего духовнаго (имярек), и святыми его молитвами прости моя согрешения.

Спаси, Господи, и помилуй родители моя (имярек), братию и сестры, и сродники моя по плоти, и вся ближния рода моего, и други, и даруй им мирная Твоя и премирная благая.

Спаси, Господи, и помилуй старцы и юныя, нищия и сироты и вдовицы, и сущия в болезни и в печалех, бедях же и скорбех, обстояниих и пленениих, темницах же и заточениих, изряднее же в гонениих, Тебе ради и веры православныя, от язык безбожных, от отступник и от еретиков, сущия рабы Твоя, и помяни я, посети, укрепи, утеси, и вскоре силою Твоею ослабу, свободу и избаву им подаждь.

Спаси, Господи, и помилуй посланная в службу,

путешествующия, отцы и братию нашу, и вся православныя христианы.

Спаси, Господи, и помилуй ихже аз безумием моим соблазних, и от пути спасительнаго отвратих, к делу злым и неподобным приведох; Божественным Твоим Промыслом к пути спасения паки возврати.

Спаси, Господи, и помилуй ненавидящия и обидящия мя, и творящия ми напасти, и не остави их погибнути мене ради, грешнаго.

Отступившия от православныя веры и погибельными ересми ослепленныя, светом Твоего познания просвети и Святей Твоей Апостольстей Соборней Церкви причти.

О усопших:

Помяни, Господи, от жития сего отшедшия правверныя царь и царицы, благоверныя князи и княгини, святейшия патриархи, преосвященныя митрополиты, архиепископы и епископы православныя, во иерейстем же и в причте церковнем, и монашестем чине Тебе послужившия, и в вечных Твоих селениях со святыми упокой.

Помяни, Господи, души усопших раб Твоих, родителей моих, (имярек), и всех сродников по плоти; и прости их вся согрешения вольная и невольная, даруя им Царствие и причастие вечных Твоих благих и Твоея безконечныя и блаженныя жизни наслаждение.

Помяни, Господи, и вся в надежди воскресения и жизни вечныя усопшия, отцы и братию нашу, и сестры, и zde лежащия и повсюду, православныя христианы, и со святыми Твоими, идеже присещает свет лица Твоего, всели, и нас помилуй, яко Благ и Человеколюбец. Аминь.

Подяждь, Господи, оставление грехов всем прежде отшедшим в вере и надежди воскресения, отцем, братьям и сестрам нашим и сотвори им вечную память. **Трижды.**

В оглавление

МОЛИТВЫ НА СОН ГРЯДУЩИМ

Аще иерей, глаголет: Благословён Бог наш:

Аще ли не иерей: Молитвами святых отец наших, Господи Иисусе Христе, Боже наш, помилуй нас, аминь.

Царю Небесный: Трисвятое: Отче наш:

Тропари сия:

Помилуй нас, Господи, помилуй нас; / всякаго бо отвѣта недоумѣюще, / сию Ти молитву яко Владыце, грѣшнии приносим: / помилуй нас.

Слава: Господи, помилуй нас, / на Тя бо уповахом; / не прогневайся на ны зело, / ниже помяни беззаконий наших, / но призри и ныне яко благоутробен, и избави ны от враг наших; / Ты бо еси Бог наш, и мы людие Твои, / вси дела рук Твоих, и имя Твое призываем.

И ныне: Милосердия двери отверзи нам, / благословенная Богородице, / надеющиеся на Тя да не погибнем, / но да избавимся Тобою от бед: / Ты бо еси спасение рода христианскаго.

Таже: Господи, помилуй, 12.

Молитва 1, святаго Макария Великаго, к Богу Отцу:

Боже вечный и Царю всякаго создания, сподобивый мя даже в час сей dospети, прости ми грехи, яже сотворих в сей день делом, словом и помышлением, и очисти, Господи, смиренную мою душу от всякия скверны плоти и духа. И даждь ми, Господи, в ночи сей сон преити в мире, да востав от смиреннаго ми ложа, благоугожду пресвятому имени Твоему, во вся дни живота моего, и поперу борющия мя враги плотския и безплотныя. И избави мя, Господи, от помышлений суетных, оскверняющих мя, и похотей лукавых. Яко Твое есть царство, и

сила и слава, Отца и Сына и Святаго Духа, ныне и присно и во веки веков. Аминь.

**Молитва 2,
святаго Антиоха, ко Господу Иисусу Христу:**

Вседержителю, Слово Отчее, Сам совершен сый, Иисусе Христе, многаго ради милосердия Твоего никогдаже отлучайся мене, раба Твоего, но всегда во мне почивай. Иисусе, добрый Пастырю Твоих овец, не предаждь мене крамоле змиине, и желанию сатанину не остави мене, яко семя тли во мне есть. Ты убо, Господи Боже поклоняемый, Царю Святыи, Иисусе Христе, спяща мя сохрани немерцающим светом, Духом Твоим Святым, Имже освятил еси Твоя ученики. Дажь, Господи, и мне, недостойному рабу Твоему, спасение Твое на ложи моем: просвети ум мой светом разума святаго Евангелия Твоего, душу любовьию Креста Твоего, сердце чистотою словесе Твоего, тело мое Твоею страстию безстрастною, мысль мою Твоим смирением сохрани, и воздвигни мя во время подобно на Твое славословие. Яко препрославлен еси со Безначальным Твоим Отцем и с Пресвятым Духом во веки. Аминь.

Молитва 3, ко Пресвятому Духу:

Господи, Царю Небесный, Утешителю, Душе истины, умилосердися и помилуй мя грешнаго раба Твоего, и отпусти ми недостойному, и прости вся, елика Ти согреших днесь яко человек, паче же и не яко человек, но и горее скота, вольныя моя грехи и невольныя, ведомыя и неведомыя: яже от юности и от науки злы, и яже суть от наглства и уныния. Аще именем Твоим кляхся, или похулих е в помышлении моем; или кого укорих; или оклеветал кого гневом моим, или опечалих, или о чем прогневахся; или солгал, или безгодно спал, или нищ прииде ко мне, и презрех его; или брата моего опечалих, или свадих, или кого осудих; или развеличахся, или разгордехся, или разгневахся; или стоящу ми на молитве, ум мой о лукавствии мира сего подвижеся, или возвращение помыслих; или объядохся, или опихся, или без ума смеяхся; или лукавое

помыслих, или доброту чуждую видев, и тою уязвен бых сердцем; или неподобная глаголах, или греху брата моего посмеяхся, моя же суть безчисленная согрешения; или о молитве не радих, или ино что содеях лукавое, не помню, та бо вся и больша сих содеях. Помилуй мя, Творче мой Владыко, унылаго и недостойнаго раба Твоего, и остави ми, и отпусти, и прости мя, яко Благ и Человеколюбец, да с миром лягу, усну и почию, блудный, грешный и окаянный аз, и поклонюся, и воспую, и прославлю пречестное имя Твое, со Отцем, и Единородным Его Сыном, ныне и присно и во веки. Аминь.

Молитва 4, святого Макария Великаго:

Что Ти принесу, или что Ти воздам, великодаровитый Безсмертный Царю, щедре и Человеколюбче Господи, яко ленящаяся мене на Твое угождение, и ничтоже благо сотворша, привел еси на конец мимошедшаго дне сего, обращение и спасение души моей строя? Милостив ми буди грешному и обнаженному всякаго дела блага, возстави падшую мою душу, осквернившуюся в безмерных согрешениях, и отыми от мене весь помысл лукавый видимаго сего жития. Прости моя согрешения, едина Безгрешне, яже Ти согреших в сей день, ведением и неведением, словом, и делом, и помышлением, и всеми моими чувствами. Ты Сам, покрывая, сохрани мя от всякаго сопротивнаго обстояния Божественною Твоею властью, и неизреченным человеколюбием, и силою. Очисти, Боже, очисти множество грехов моих. Благоволи, Господи, избавити мя от сети лукаваго, и спаси страстную мою душу, и осени мя светом лица Твоего, егда приидеши во славе, и неосужденна ныне сном уснути сотвори, и без мечтания, и несмущен помысл раба Твоего соблюди, и всю сатанину детель отжени от мене, и просвети ми разумныя очи сердечныя, да не усну в смерть. И послй ми Ангела мирна, хранителя и наставника души и телу моему, да избавит мя от враг моих; да востав со одра моего, принесу Ти благодарственные мольбы. Ей, Господи, услыши мя грешнаго и убогаго раба Твоего, изволением и совестью; даруй ми воставшу словесем Твоим поучитися, и уныние бесовское

МОЛИТВЫ НА СОН ГРЯДУЩИМ

далече от мене отгнано быти сотвори Твоими Ангелы; да благословлю имя Твое святое, и прославлю, и славлю Пречистую Богородицу Марию, Юже дал еси нам грешным заступление, и прими Сию молящуюся за ны; вем бо, яко подражает Твое человеколюбие, и молящися не престаёт. Той заступлением, и Честнаго Креста знаменем, и всех святых Твоих ради, убогую душу мою соблюди, Иисусе Христе Боже наш, яко Свят еси, и препрославлен во веки. Аминь.

Молитва 5:

Господи Боже наш, еже согреших во дни сем словом, делом и помышлением, яко Благ и Человеколюбец прости ми. Мирен сон и безмятежен даруй ми. Ангела Твоего хранителя послй, покрывающа и соблюдающа мя от всякаго зла, яко Ты еси хранитель душам и телесем нашим, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

Молитва 6:

Господи Боже наш, в Негоже веровахом, и Егоже имя паче всякаго имени призываем, даждь нам, ко сну отходящим, ослабу души и телу, и соблюди нас от всякаго мечтания, и темных сласти кроме; устави стремление страстей, угаси разжжения востания телеснаго. Даждь нам целомудренне пожити дела и словесы; да добродетельное жителство восприемлюще, обетованных не отпадём благих Твоих, яко благословен еси во веки. Аминь.

Молитва 7, святаго Иоанна Златоустаго:

Господи, не лишй мене небесных Твоих благ. Господи, избави мя вечных мук. Господи, умом ли или помышлением, словом или делом согреших, прости мя. Господи, избави мя всякаго неведения и забвения, и малодушия, и окамененнаго нечувствия. Господи, избави мя от всякаго искушения. Господи, просвети мое сердце, еже помрачи лукавое похотение. Господи,

аз яко человек согреших, Ты же яко Бог щедр, помилуй мя, видя немощь души моея. Господи, послѣ благодать Твою в помощь мне, да прославлю имя Твое святое. Господи Иисусе Христе, напиши мя раба Твоего в книзе животней и даруй ми конец благий. Господи, Боже мой, аще и ничтоже благо сотворих пред Тобою, но даждь ми по благодати Твоей положити начало хорошее. Господи, окропи в сердце моем росу благодати Твоея. Господи небесе и земли, помяни мя грешнаго раба Твоего, студнаго и нечистаго, во Царствии Твоем. Аминь.

Господи, в покаянии приими мя. Господи, не остави мене. Господи, не введи мене в напасть. Господи, даждь ми мысль благо. Господи, даждь ми слезы и память смертную, и умиление. Господи, даждь ми помысл исповедания грехов моих. Господи, даждь ми смирение, целомудрие и послушание. Господи, даждь ми терпение, великодушие и кротость. Господи, всели в мя корень благих, страх Твой в сердце мое. Господи, сподоби мя любить Тя от всея души моея и помышления и творити во всем волю Твою. Господи, покрый мя от человек некоторых, и бесов, и страстей, и от всякия инья неподобныя вещи. Господи, веси, яко твориши, якоже Ты волиши, да будет воля Твоя и во мне грешнем, яко благословен еси во веки. Аминь.

Молитва 8, ко Господу нашему Иисусу Христу:

Господи Иисусе Христе, Сыне Божий, ради честнейшия Матере Твоея, и безплотных Твоих Ангел, Пророка же и Предтечи и Крестителя Твоего, богоглаголивых же апостол, светлых и добропобедных мученик, преподобных и богоносных отец, и всех святых молитвами, избави мя настоящего обстояния бесовскаго. Ей, Господи мой и Творче, не хотяи смерти грешнаго, но якоже обратитися и живу быти ему, даждь и мне обращение окаянному и недостойному; измени мя от уст пагубнаго змия, зияющаго пожрети мя и свести во ад жива. Ей, Господи мой, утешение мое, Иже мене ради окаяннаго в тленную плоть оболкйся, исторгни мя от окаянства, и утешение подаждь души моей окаянной. Всади в сердце мое

творити Твоя повеления, и оставити лукавая деяния, и получити блаженства Твоя: на Тя бо, Господи, уповах, спаси мя.

**Молитва 9,
ко Пресвятей Богородице,
Петра инока Студийскаго:**

К Тебе Пречистой Божией Матери аз окаянный припадая молюся: веси, Царице, яко безпрестани согрешаю и прогневляю Сына Твоего и Бога моего, и многажды аще каюся, лож пред Богом обретаюся, и каюся трепеща: неужели Господь поразит мя, и по часе паки таяжде творю; ведуши сия, Владычице моя Госпоже Богородице, молю, да помилуеши, да укрепishi, и благая творити да подаси ми. Веси бо, Владычице моя Богородице, яко отнюд имам в ненависти злая моя дела, и всею мыслию люблю закон Бога моего; но не вем, Госпоже Пречистая, откуда яже ненавижду, та и люблю, а благая преступаю. Не поущай, Пречистая, воли моей совершатися, не угодна бо есть, но да будет воля Сына Твоего и Бога моего: да мя спасет, и вразумит, и подаст благодать Святого Духа, да бых аз отселе престал сквернодейства, и прочее пожил бых в повелении Сына Твоего, Емуже подобает всякая слава, честь и держава, со Безначальным Его Отцем, и Пресвятым и Благим и Животворящим Его Духом, ныне и присно, и во веки веков. Аминь.

**Молитва 10,
ко Пресвятей Богородице:**

Благого Царя благая Мати, Пречистая и Благословенная Богородице Марие, милость Сына Твоего и Бога нашего излей на страстную мою душу и Твоими молитвами настави мя на деяния благая, да прочее время живота моего без порока преиду и Тобою рай да обрящу, Богородице Дево, едина Чистая и Благословенная.

**Молитва 11,
ко святому Ангелу хранителю:**

А́нгеле Христо́в, храни́телю мой святы́й и покрови́телю ду́ши и те́ла моего́, вся ми прости́, елика согреших во днёшний день, и от всякаго лукавствия противнаго ми врага́ избави мя, да ни в коёмже гресе́ прогневаю́ Бо́га моего́; но моли́ за мя грешнаго и недостойнаго раба́, яко да досто́йна мя пока́жеша бла́гости и ми́лости Всесвяты́я Трои́цы и Ма́тере Го́спода моего́ Иису́са Христа́ и всех святы́х. Ами́нь.

Взбра́нной Воево́де победи́тельная, / яко́ избавльшеса от злых, / благода́рственная воспису́ем Ти раби́ Твои́, Богоро́дице, / но яко́ иму́щая держа́ву непобеди́мую, / от всяких нас бед свободи́, да зове́м Ти; / ра́дуйся, Невёсто Неве́стная.

Пресла́вная Присноде́во, Ма́ти Христа́ Бо́га, принеси́ на́шу моли́тву Сы́ну Твоему́ и Бо́гу на́шему, да спасе́т Тобо́ю ду́ши на́ша.

Все упова́ние моё на Тя возлага́ю, Ма́ти Бо́жия, сохрани́ мя под кро́вом Твоим.

Богоро́дице Де́во, не прэ́зри мене́, грешнаго, тре́бующа Твоея́ по́мощи и Твоего́ заступле́ния, на Тя бо упова́ душа́ моя́, и помилуй мя.

**Таже молитва
святаго Иоанникия:**

Упова́ние моё Оте́ц, прибе́жище моё Сын, покрóв мой Дух Святы́й: Трои́це Свята́я, сла́ва Тебе́.

Таже: Досто́йно есть яко́ вои́стинну блажи́ти Тя, Богоро́дицу, / Присноблаже́нную и Пренепоро́чную и Ма́терь Бо́га на́шего. / Честне́йшую Херуви́м и сла́внейшую без сравне́ния Серафи́м, / без исле́ния Бо́га Сло́ва ро́ждшую, су́щую Богоро́дицу Тя велича́ем.

Сла́ва, и ны́не: Го́споди, помилуй, **трижды**. Госпо́ди, благослови, **и отпуст:**

МОЛИТВЫ НА СОН ГРЯДУЩИМ

Господи Иисусе Христе, Сыне Божий, моли́тв ради Пречистыя Твоея́ Матере, преподобных и богоносных отце́ наших и всех святых, спаси́ мя, грешнаго.

Таже, вместо прощения:

Осла́би, оста́ви, прости́, Бо́же, прегрешения́ наша, во́льная и нево́льная, я́же в сло́ве и в де́ле, я́же в ве́дении и не в ве́дении, я́же во дни и в но́щи, я́же во уме́ и в помышле́нии: вся нам прости́, я́ко Благ и Человеколю́бец.

Молитва:

Ненави́дящих и оби́дящих нас прости́, Господи Человеколю́бче. Благотворя́щим благосотвори́. Бра́тиям и сродни́ком нашим да́руй я́же ко спасе́нию проше́ния и жизнь ве́чную. В немо́щих су́щия посети́ и исцеле́ние да́руй. Иже на мо́ри упра́ви. Путеше́ствующим спутеше́ствуй. Служа́щим и ми́люющим нас грехо́в оставле́ние да́руй. Запове́давших нам недосто́йным моли́тися о них поми́луй по вели́цей Твое́й ми́лости. Помяни́, Господи, пре́жде усопших отце́ и бра́тий наших и упоко́й их, иде́же присеща́ет свет лица́ Твоего́. Помяни́, Господи, бра́тий наших пленённых и изба́ви я́ от всякаго обстоя́ния. Помяни́, Господи, плодоно́сящих и добродела́ющих во святых Твои́х це́рквах, и даждь им я́же ко спасе́нию проше́ния и жизнь ве́чную. Помяни́, Господи, и нас, смире́нных и грешных и недосто́йных раб Твои́х, и просвети́ наш ум све́том ра́зума Твоего́, и наста́ви нас на стезю́ за́поведей Твои́х, моли́твами Пречистыя Влады́чицы нашея́ Богоро́дицы и Присноде́вы Мари́и и всех Твои́х святых: я́ко благослове́н еси́ во ве́ки веко́в. Ами́нь.

Исповедание грехов повседневное

Испове́даю Тебе́ Господу́ Бо́гу моему́ и Творцу́, во Святе́й Тро́ице Еди́ному, сла́вимому и покланя́емому, Отцу́ и Сы́ну и Свято́му Ду́ху, вся моя́ грехи́, я́же содея́х во вся дни живота́ моего́, и на всякий час, и в настоя́щее вре́мя, и в преше́дшия дни и но́щи, де́лом, сло́вом, помышле́нием, объяде́нием, пьянством,

МОЛИТВЫ НА СОН ГРЯДУЩИМ

тайноядением, празднословием, унынием, ленью, прекословием, непослушанием, оклеветанием, осуждением, небрежением, самолюбием, многостязанием, хищением, неправдоглаголанием, скверноприбытчеством, мшелоимством, ревнованием, завистию, гневом, памятозлбием, ненавистию, лихоимством и всеми моими чувствами: зрением, слухом, обонянием, вкусом, осязанием и прочими моими грехи, душевными вкупе и телесными, имиже Тебе Бóга моего и Творца прогневах, и ближняго моего онеправдовах: о сих жалея, винна себе Тебе Бóгу моему представляю, и имею волю каяться: точию, Господи Бóже мой, помози ми, со слезами смиренно молю Тя: прешедшая же согрешения моя милосердием Твоим прости ми, и разреши от всех сих, яже изглаголах пред Тобою, яко Благ и Человеколюбец.

Молитва святого Иоанна Дамаскина, юже указуя на одр твой, глаголи:

Владыко Человеколюбче, неужели мне одр сей гроб будет, или еще окайнную мою душу просветиши днем? Се ми гроб предлежит, се ми смерть предстоит. Судя Твоего, Господи, боюсь и муки безконечныя, злое же творя не престаю: Тебе Господа Бóга моего всегда прогневляю, и Пречистую Твою Матерь, и вся Небесныя силы, и святого Ангела хранителя моего. Вем убо, Господи, яко недостóин есмь человеколюбия Твоего, но достóин есмь всякаго осуждения и муки. Но, Господи, или хочу, или не хочу, спаси мя. Аще бо праведника спасеши, ничтоже велие; и аще чистаго помилуеши, ничтоже дивно: достóини бо суть милости Твоя. Но на мне грешнем удиви милость Твою: о сем яви человеколюбие Твое, да не одолеет моя злоба Твоей неизглаголанней благодати и милосердию: и якоже хощеши, устрой о мне вещь.

И тако хотяй возлеши на постелю, глаголи сие:

Просвети очи мои, Христé Бóже, / да не когда усну в смерть,
/ да не когда речет враг мой: / укрепихся на него.

Слава: Заступник душ моея буди, Бóже, / яко посреде хожду сетей многих; / избави мя от них / и спаси мя, Блаже, яко Человеколюбец.

И ныне, Богородичен: Преславную Бóжию Матерь, и святых Ангел Святейшую, / немолчно воспоим сердцем и усты, / Богородицу сию исповедающе, / яко воистинну рождшую нам Бóга воплощенна, / и молящуюся непрестанно о душах наших.

Таже целуй крест твой, и прекрести крестом место твое от главы до ног, такожде и от всех стран, глаголя:

Молитва Честному Кресту:

Да воскреснет Бог, и расточатся врази Его, и да бежат от лица Его ненавидящие Его. Яко исчезает дым, да исчезнут; яко тает воск от лица огня, тако да погибнут беси от лица любящих Бóга и знаменующихся крестным знамением, и в веселии глаголющих: радуйся, Пречестный и Животворящий Кресте Господень, прогоняяй бесы силою на тебе пропятаго Господа нашего Иисуса Христа, во ад сшедшаго и поправшего силу диаволу, и даровавшаго нам тебе Крест Свой Честный на прогнание всякаго супостата. О, Пречестный и Животворящий Кресте Господень! Помогай ми со Святою Госпожею Девею Богородицею и со всеми святыми во веки. Аминь.

Или:

Оградí мя, Господи, силою Честнаго и Животворящаго Твоего Креста, и сохрани мя от всякаго зла.

Когда отходишь ко сну, глаголи:

В руке Твоей, Господи Иисусе Христе, Бóже мой, предаю дух мой: Ты же мя благослови, Ты мя помилуй и живот вечный даруй ми. Аминь.

В оглавление

**ПОСЛЕДОВАНИЕ
КО СВЯТОМУ ПРИЧАЩЕНИЮ
БОЖЕСТВЕННЫЯ ТАЙНЫ
ТЕЛА И КРОВЕ ХРИСТОВЫ**

Аще иерей: Благословен Бог наш:

Аще же несвященный: Молитвами святых отѣц наших, Господи Иисусе Христе Бóже наш, помилуй нас. Аминь.

Царю Небесный: Трисвятое. Пресвятая Троице: Слава, и ныне: Отче наш: Господи, помилуй, **12.** Слава, и ныне: **Приидите, поклонимся: трижды.**

И настоящия псалмы.

Псалом 22.

Господь пасёт мя, и ничтоже мя лишит. На месте злачне, тамо всели мя: на воде покойне воспитá мя. Душу мою обрати, настави мя на стези правды, имене ради Своего. Аще бо и пойду посреде сени смертных, не убоюся зла, яко Ты со мною еси: жезл Твой и палица Твоя, та мя утешиста. Уготовал еси предо мною трапезу, спротив стужающим мне: умастил еси елеем главу мою, и чаша Твоя упояваючи мя яко державна. И милость Твоя поженёт мя вся дни живота моего, и еже вселити ми ся в дом Господень, в долготу дней.

Псалом 23.

Господня земля, и исполнение её, вселенная, и вси живущии на ней. Той на морях основал ю есть, и на реках уготовал ю есть. Кто взыдет на гору Господню; или кто стáнет на месте святем Его; Неповинен руками, и чист сердцем, иже не прият всеу душу свою, и не клятсá лестию искреннему своему. Сей примет благословение от Господа, и милостыню от Бога Спаса своего. Сей род ищущих Господа, ищущих лице Бога Иаковля. Возмите врата князи ваша, и возмѣтсá врата вечная: и внидет Царь славы. Кто есть сей Царь славы; Господь крепок и силен,

Господь силен в брани. Возмите врата князи ваша, и возмיתесь врата вечная: и внидет Царь славы. Кто есть сей Царь славы; Господь сил, Той есть Царь славы.

Псалом 115.

Вѣровах, тѣмже возлагóлах: аз же смирихся зело. Аз же рех во изступлѣнии моём: всяк человек ложь. Что воздам Господеву о всех, яже воздаде ми? Чашу спасения прииму, и имя Господне призову: молитвы моя Господеву воздам пред всеми людьми Его. Честна пред Господем смерть преподобных Его. О Господи, аз раб Твой, аз раб Твой, и сын рабыни Твоея: растерзал еси узы моя. Тебе пожру жертву хвалы, и во имя Господне призову. Молитвы моя Господеву воздам пред всеми людьми Его. Во двóрех дому Господня, посреде Тебе, Иерусалиме.

Слава, и ныне: Аллилуия, **трижды.** **Поклоны три.**

И настоящия тропари, глас 8:

Беззакония моя презри, Господи, от Дѣвы рождѣйся, / и сердце мое очисти, храм то творя Пречистому Твоему Тѣлу и Крóви, / ниже отрини мене от Твоего лица, / без числа имейя велию мѣлость.

Слава: Во причастие святѣнь Твоих како дерзну недостойный? / Аще бо дерзну к Тебе приступити с достойными, / хитон мя обличает, яко несть вечерний, / и осуждение исходатайствую многогрѣшной души моеѣ. / Очисти, Господи, скверну души моея, / и спаси мя, яко Человеколюбец.

И ныне: Многая множества моих, Богородице, прегрѣшений, / к Тебе прибегах, Чистая, спасения трѣбуя: / посети немощствующую мою дѹшу, / и моли Сына Твоего и Бóга нашего, / дати ми оставление, яже содеях лютых, / Едина Благословенная.

Во святую же и великую Четыредесятницу рцы сие:

Егда славнии ученицы на умовении вечера просвещаяхуся, / тогда Иуда злочестивый сребролюбием недуговав омрачашеся, / и беззаконным судиям Тебе праведнаго Судию предаёт. / Виждь,

имѣний рачителю, сих ради удавление употребивша: / бежи несѣтыя душї, / Учителю таковая дерзнувшая. / Иже о всех благой Господи, слава Тебѣ.

Таже, псалом 50:

Помилуй мя, Бóже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя; яко беззаконие мое аз знаю, и грех мой предо мною есть вина. Тебѣ единому согреших и лукавое пред Тобою сотворих; яко да оправдишися во словесех Твоих, и победиши внегда судити Ти. Се бо, в беззаконіих зачат есмь, и во гресех роди мя мати моя. Се бо, истину возлюбил еси; безвѣстная и тайная премудрости Твоя явил ми еси. Окропиши мя иссопом, и очищуся; омиеши мя, и паче снѣга убелюся. Слуху моему даши радость и веселие; возрадуются кости смиренныя. Отврати лице Твое от грех моих и вся беззаконія моя очисти. Сердце чисто созижди во мне, Бóже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебѣ обратятся. Избави мя от кровей, Бóже, Бóже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Бóгу дух сокрушен; сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стѣны Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

Канон. Глас 2.

Песнь 1.

Ирмос: Грядите, людие, / поим песнь Христу Бóгу, / раздѣльшему море, / и наставльшему люди, / яже изведе из работы египетския, / яко прославися.

Сёрдце ч́исто соз́ижди во мне, Б́оже, и дух прав обнов́и во утрóбе мо́ей.

Хлеб животá в́ечнующаго да б́удет ми / Т́ело Твое́ Свято́е, благоутрóбне Ѓосподи, и честна́я Кровь, / и нед́уг многообразных исцел́ение.

Не отв́ержи мен́е от лица́ Твоегó, и Д́уха Твоегó Свята́го не отым́и от мен́е.

Оскверн́ен д́елы безм́естными окаянн́ый, / Твоегó Преч́истаго Т́ела и Бож́ественныя Крóве недостóин есмь, Христ́е, причащ́ения, / егóже мя сподóби.

Пресвятáя Богорóдице, спас́и нас.

Земл́е благáя, благослов́енная Богонев́есто, / клас проз́ябшая неорáнный и спас́ительный м́иру, / сподóби мя, сей яд́уща, спаст́ися.

Песнь 3.

Ирмос: На кáмени мя в́еры утверд́ив, / расшир́ил еси́ устá моя на враѓи моя. / Возвесел́и бо ся дух мой, внегд́а п́ети: / несть свят, я́коже Бог наш, / и несть прáведен пáче Теб́е, Ѓосподи.

Сёрдце ч́исто соз́ижди во мне, Б́оже, и дух прав обнов́и во утрóбе мо́ей.

Сл́езныя ми подáждь, Христ́е, кáпли, / скв́ерну сёрдца моего́ очищ́ающия: / я́ко да благо́ю сов́естию очищ́ен, / в́ерою прихожд́у и стрáхом, Влады́ко, / ко причащ́ению Бож́ественных дарóв Тво́их.

Не отв́ержи мен́е от лица́ Твоегó, и Д́уха Твоегó Свята́го не отым́и от мен́е.

Во оставл́ение да б́удет ми прегреш́ений / преч́истое Т́ело Твое́, и Бож́ественная Кровь, / Д́уха же Свята́го общ́ение, / и в жизнь в́ечную, Человеколóбче, / и страст́ей и скорб́ей отчужд́ение.

Пресвятáя Богорóдице, спас́и нас.

Хл́еба живóтнаго Трап́еза Пресвятáя, / св́ише м́лости рáди щ́едшаго, / и м́рови нóвый живóт даю́щаго, / и мен́е ны́не

сподоби, недостойнаго, / со страхом вкусити сего, и живу быти.

Песнь 4.

Ирмос: Пришёл еси от Девы, не ходатай, ни Ангел, / но Сам, Господи, воплощся, / и спасл еси всего мя человека. / Тем зову Ти: / слава силе Твоей, Господи.

Сердце чисто созижди во мне, Божже, и дух прав обнови во утробе моей.

Восхотёл еси, нас ради воплощся, Многомилостиве, / заклан быти яко овча, грех ради человеческих; / темже молю Тя: / и моя очисти согрешения.

Не отвержи мене от лица Твоего, и Духа Твоего Святаго не отыми от мене.

Исцели души моя язвы, Господи, и всего освяти, / и сподоби, Владыко, / яко да причащуся тайныя Твоея Божественныя вечери, окаянный.

Пресвятая Богородице, спаси нас.

Умилостиви и мне Сущаго от утробы Твоея, Владычице, / и соблюди мя нескверна раба Твоего и непорочна, / яко да приём умнаго бисера, освящуся.

Песнь 5.

Ирмос: Света подателю и веков Творче, Господи, / во свете Твоих повелений настави нас: / разве бо Тебе иного бога не знаем.

Сердце чисто созижди во мне, Божже, и дух прав обнови во утробе моей.

Якоже предрёкл еси, Христэ, / да будет убо худому рабу Твоему, / и во мне пребуду, якоже обещался еси: / се бо Тело Твоё ям Божественное и пию Кровь Твою.

Не отвержи мене от лица Твоего, и Духа Твоего Святаго не отыми от мене.

Слове Божий и Божже, / уголь Тела Твоего да будет мне, помраченному, в просвещение / и очищение осквернённой души

моёй Кровь Твоя.

Пресвятая Богородице, спаси нас.

Маріе, Мати Божия, благоуханія честное селение, / Твоими молитвами сосуд мя избранный содейлай, / яко да освящений причащуся Сына Твоего.

Песнь 6.

Ирмос: В бездне греховней валяясь, / неизследную милосердия Твоего призываю бездну: / от тли, Боже, мя возведи.

Сердце чисто созижди во мне, Боже, и дух прав обнови во утробе моей.

Ум, душу и сердце освяти, Спасе, и тело мое, / и сподоби неосужденно, Владыко, / к страшным Тайнам приступить.

Не отвержи мене от лица Твоего, и Духа Твоего Святого не отыми от мене.

Да бых устранился от страстей, / и Твоея благодати имел бы приложение, / живота же утверждение, / причащением Святых, Христе, Тайн Твоих.

Пресвятая Богородице, спаси нас.

Божие, Боже, Слово Святое, всего мя освяти, / ныне приходящего к Божественным Твоим Тайнам, / Святых Матере Твоея мольбами.

Кондак, глас 2:

Хлеб, Христе, взяти не презри мя, / Тело Твое, и Божественную Твою ныне Кровь, / пречистых, Владыко, и страшных Твоих Тайн причастится окайнного, / да не будет ми в суд, / да будет же ми в живот вечный и безсмертный.

Песнь 7.

Ирмос: Телу златому премудрыя дети не послужиша, / и в пламень сами поидоша, и боги их обругаша, / среди пламене возопиша, и ороси я Ангел: / услышася уже уст ваших молитва.

Сердце чисто созижди во мне, Боже, и дух прав обнови во

утробе моей.

Источник благих, причащение, Христэ, / безсмертных Твоих ныне Таинств / да будет ми свет, и живот, и безстрастие, / и к преспеянию же и умножению добродетели Божественнейших ходатайственно, / еди́не Бла́же, я́ко да сла́влю Тя.

Не отвержи мене от лица Твоего, и Духа Твоего Святаго не отыми от мене.

Да избавлюся от страстей, и врагов, и нужды, и всякия скорби, / трепетом и любовью со благоговением, Человеколюбче, / приступаяй ныне к Твоим безсмертным и Божественным Тайнам, / и пети Тебе сподоби: / благословен еси, Господи, Бо́же отец наших.

Пресвятая Богородице, спаси нас.

Спаса Христа рождающая паче ума, Богоблагодатная, / молю Тя ныне, раб Твой, Чистую нечистый: / хотящаго мя ныне к пречистым Тайнам приступити, / очисти всего от скверны плоти и Духа.

Песнь 8.

Ирмос: В пещь огненную ко отроком еврейским снизшедшаго, / и пламень в росу преложшаго Бога, / пойте дела яко Господа, / и превозносите во вся веки.

Сердце чисто созижди во мне, Бо́же, и дух прав обнови во утробе моей.

Небесных, и страшных, и Святых Твоих, Христэ, ныне Таин, / и Божественных Твоея и тайных вечери общника быти / и мене сподоби, отчаяннаго, Бо́же Спа́се мой.

Не отвержи мене от лица Твоего, и Духа Твоего Святаго не отыми от мене.

Под Твое прибе́г благоутробие, Бла́же, со страхом зову Ти: / во мне пребу́ди, Спа́се, и аз, якоже рекл еси, в Тебе; / се бо дерза́я на ми́лость Твою, / ям Те́ло Твое, и пию́ Кровь Твою́.

Пресвятая Троице, Бо́же наш, сла́ва Тебе́.

Трепещу, прие́мля огонь, / да не опалю́ся я́ко воск и я́ко

травá. / Óле стра́шнаго та́инства! / Óле благоутрѣбиа Бѳ́жиа! /
Ка́ко Божѣственнаго Тѣла и Кро́ве, брѣние, / причаща́юся и
нетлѣнен сотворя́юся?

Песнь 9.

Ирмос: Безнача́льна Родите́ля Сын, Бог и Госпо́дь, /
воплѳ́щся от Дѣвы нам явѣся, / омраче́нная просветѣти, собра́ти
расточѣнная: / тем всепѣтую Богоро́дицу велича́ем.

**Сѣрдце чѣсто сози́жди во мне, Бѳ́же, и дух прав обновѣ во
утрѳ́бе моѣй.**

Христо́с есть, вкусѣте и ви́дите: / Госпо́дь нас ра́ди, по нам
бо дре́вле бѣвый, / еди́ною Себе́ принѣс, я́ко приноше́ние Отцѣ
Своему́, / прѣсно закала́ется, освяща́яй причаща́ющияся.

**Не отве́ржи мене́ от лица́ Твоего́, и Ду́ха Твоего́ Свята́го
не оты́ми от мене́.**

Душе́ю и тѣлом да освящу́ся, Влады́ко, да просвещу́ся, да
спасу́ся, / да бу́ду дом Твой причаще́нием Священных Та́ин, /
живу́щаго Тя имѣя в себе́ со Отце́м и Ду́хом, / Благоде́телю
Многоми́лостиве.

**Возда́ждь ми ра́дость спасѣния Твоего́ и Ду́хом
Влады́чним утверди́ мя.**

Я́коже огонь да бу́дет ми и я́ко свет, / Тѣло Твое́ и Кро́вь,
Спа́се мой, пречестна́я, / опала́я грехѳ́вное веще́ство, сжига́я же
страсте́й те́рние, / и всего́ мя просвеща́я, поклоня́тися Бѳ́жеству
Твоему́.

Пресвята́я Богоро́дице, спасѣ нас.

Бог воплотѣ́ся от чѣстных крове́й Твоѣх; / те́мже вся́кий род
поѣт Тя, Влады́чице, / у́мная же мно́жества сла́вят, / я́ко Тобо́ю
я́ве узрѣша все́ми Влады́чествующаго, / осуществова́вшагося
челове́чеством.

И абие: Достояно́ есть: Трисвято́е. Пресвята́я Троице: По
Отче наш:

Тропа́рь дне, аще́ есть праздни́к Христо́ва Рожде́ства, или
и́ный.

Аще же ни, сия, глас 6:

Помілуй нас, Гóсподи, помілуй нас; / всякаго бо отвѣта недоумѣюще, / сию Ти молитву / яко Влады́це, грѣшнии принóсим: помілуй нас.

Слава: Гóсподи, помілуй нас, / на Тя бо упова́хом; / не прогне́вайся на ны зело́, / ниже́ помяни́ беззакóний на́ших, / но прѣзри и ны́не яко́ Благоутрóбен, / и избáви ны от враг на́ших; / Ты бо еси́ Бог наш, / и мы лю́дие Твои́, / вси дела́ рукú Твоёю, / и імя Твоё призывáем.

И ныне: Милосѣрдия двѣри отвѣрзи нам, / благословѣнная Богородице, / надѣющіися на Тя да не погѣбнем, / но да избáвимся Тобóю от бед: / Ты бо еси́ спасѣние рóда христиáнскаго.

Таже: Гóсподи, помілуй, 40. **И поклоны, елико хочещи.**

И абие настоящія стихи:

Хотя́ ясти, челове́че, Тѣло Влады́чне,
Страхом приступи́, да не опали́шися: огонь бо есть.
Божѣственную же пия́ Кровь ко общѣнию,
Пѣрвее прими́рися тя опечáлившим.
Таже дерзая́, та́инственное бра́шно яждь.

Ины стихи:

Пре́жде причáстия стра́шныя жѣртвы,
Животворя́щаго Тѣла Влады́чня,
Сим помоли́ся о́бразом со трѣпетом:

Молитва Великаго Василия, 1.

Влады́ко Гóсподи Иисúсе Христѣ́, Бóже наш, Исто́чнице жѣзни и безсмѣртя́, всея́ твѣри ви́димыя и неви́димыя Содѣтелю́, Безначáльнаго Отца́ Соприсносу́щный Сы́не и Собезначáльный, премно́гия ра́ди блага́сти в послѣднія дни в плоть оболкѣйся, и распнѣйся, и погребѣйся за ны, неблагода́рныя и злонра́вныя, и Твоёю Кро́вию обновѣвый растлѣвшее грехóм естество́ наше, Сам, безсмѣртный Царю́,

ПОСЛЕДОВАНИЕ КО СВЯТОМУ ПРИЧАЩЕНИЮ

приими и мое грешного покаяние, и приклони́ ухо Твое́ мне, и услы́ши глаго́лы моя́. Согреши́х бо, Го́споди, согреши́х на не́бо и пред Тобо́ю, и не́смь досто́ин воззрѣти на высоту́ сла́вы Твоея́: прогне́вах бо Твою́ бла́гость, Твоя́ за́поведи преступи́в, и не послу́шав Твои́х повелѣний. Но Ты, Го́споди, незло́бив сый, долготерпели́в же и многомилоси́в, не пре́дал еси́ мя поги́бнути со беззако́нныи моими́, моего́ всячески́ ожида́я обраще́ния. Ты бо рекл еси́, Человеколю́бче, проро́ком Твои́м: яко́ хотѣнием не хо́щу смѣрти грѣшника, но е́же обрати́тся и жи́ву бы́ти ему́. Не хо́щещи бо, Влады́ко, создáния Твое́ю руку́ погуби́ти, ниже́ благоволи́ши о поги́бели челове́честей, но хо́щещи всем спасты́ся, и в рáзум и́стины приити́. Те́мже и аз, áще и недостóин е́смь небесе́ и земли́, и сея́ привре́мныя жи́зни, всего́ себе́ повинув́ греху́, и сла́тѣм порабо́тив, и Твой оскверни́в о́браз; но творѣние и создáние Твое́ быв, не отчая́ваю своего́ спасѣния, ока́нный, на Твое́ же безме́рное благоутрóбие дерзáя, прихо́жду. Приими́ ўбо и мене́, Человеколю́бче Го́споди, яко́же блудни́цу, яко́ разбо́йника, яко́ мытаря́ и яко́ блуднаго, и возми́ мое́ тяжкое брѣмя грехо́в, грех взѣмляй ми́ра, и немо́щи челове́ческия исцеля́яй, тружда́ющияся и обременѣ́нныя к Себе́ призывáяй и упокоевáяй, не пришѣ́дый призвáти пра́ведныя, но грѣшныя на покая́ние. И очисти́ мя от вся́кия скверны́ плóти и дýха, и научи́ мя соверша́ти святы́ню во стра́се Твоѣм: яко́ да чы́стым свѣдѣнием со́вести моея́, святы́нь Твои́х часть приѣмля, соединю́ся свято́му Тѣлу Твоему́ и Кро́ви, и имѣю Тебе́ во мне живуща́ и пребыва́юща, со Отце́м, и Святы́м Твои́м Дýхом. Ей, Го́споди Иису́се Христе́, Бо́же мой, и да не в суд ми́ бóдет причáстие Пречы́стых и Животворя́щих Таи́н Твои́х, ниже́ да немо́щен бóду душе́ю же и тѣлом, от е́же недостóйне тем причаща́тися, но даждь ми́, да́же до конѣ́чнаго моего́ издыхáния, неосу́жденно восприима́ти часть Святы́нь Твои́х, в Дýха Свята́го общѣние, в напýтие живота́ вѣчнаго, и во благоприя́тен ответ на Стра́шнем Суди́щи Твоѣм: яко́ да и аз со все́ми избранны́ми Твои́ми о́бщник бóду нетлѣ́нных Твои́х благ, я́же уготовáл еси́ любя́щим Тя, Го́споди, в ни́хже препросла́влен еси́ во вѣки. Ами́нь.

**Молитва иная,
иже во святых отца нашего
Иоанна Златоустаго, 2.**

Господи Боже мой, вем, яко несмь достоин, ниже доволен, да под кров внидеши храма души моея, занеже весь пуст и пался есть, и не имаши во мне места достойна еже главу подклонити; но якоже с высоты нас ради смирил еси Себе, смирися и ныне смиренію моему, и якоже восприял еси в вертепе и в яслех безсловесных возлещи, сице восприими и в яслех безсловесныя моея души, и во оскверненное мое тело внити. И якоже не неудостоил еси внити и свечеряти со грешники в дому Симона прокаженного, тако изволи внити и в дом смиренных моея души, прокаженных и грешных. И якоже не отринул еси подобную мне блудницу и грешную, пришедшую и прикоснувшуюся Тебе, сице умилосердися и о мне, грешнем, приходящем и прикасающем Ти ся. И якоже не возгнушался еси скверных ея уст и нечистых, целующих Тя, ниже моих возгнушайся скверных оная уст и нечистых, ниже мерзких моих и нечистых устен, и сквернаго и нечистейшаго моего языка. Но да будет ми уголь пресвятаго Твоего Тела, и честныя Твоея Крове, во освящение и просвещение и здравие смиренной моей души и телу, во облегчение тяжестей многих моих согрешений, в соблюдение от всякаго диавольскаго действия, во отгнание и возбранение злаго моего и лукаваго обычая, во умерщвление страстей, в снабдение заповедей Твоих, в приложение Божественныя Твоея благодати и Твоего Царствия присвоение. Не бо яко презираяй прихожду к Тебе, Христэ Боже, но яко дерзая на неизреченную Твою благодать, и да не на мнозе удаляяйся общения Твоего, от мысленнаго волка звероуловлен буду. Темже молюся Тебе: яко Един сый Свят, Владыко, освяти мою душу и тело, ум и сердце, чревеса и утробы, и всего мя обнови, и вкорени страх Твой во удесех моих, и освящение Твое неотъемлемо от мене сотвори; и буди ми помощник и заступник, кормляя в мире живот мой, сподобляя мя и одесную Тебе предстояния со святыми Твоими, молитвами и моленьми Пречистыя Твоея Матере, невестственных Твоих служителей и

пречистых Сил, и всех святых, от века Тебе благоугодивших. Аминь.

**Молитва иная
Симеона Метафраста, 3.**

Едине чистый и нетленный Господи, за неизреченную милость человеколюбия наше все восприимый смешение, от чистых и девственных кровей паче естества Родившия Тя, Духа Божественнаго нашею и благоволением Отца присносущнаго, Христе Иисусе, премудросте Божия, и мире, и силе; Твоим восприятием животворящая и спасительная страдания восприимый, крест, гвоздя, копие, смерть, умертвие моя душеленная страсти телесныя. Погребением Твоим адова пленивый царствия, погребие моя благими помысли лукавая советования и лукавствия духи разоривый. Трехдневным Твоим и живоносным воскресением падшаго праотца возставивый, возстави мя, грехом поползшагося, образы мне покаяния предлагая. Преславным Твоим вознесением плотское обоживый восприятие и сие десным Отца седением почтый, сподоби мя причащением Святых Твоих Таин десную часть спасаемых получитьи. Снятие Утешителя Твоего Духа сосуды честны священныя Твоя ученики соделавый, приятелище и мене покажи Того пришествия. Хотяи паки приити судити вселенней правдою, благоволи и мне урести Тя на облацех, Судию и Создателя моего, со всеми святыми Твоими: да безконечно славословлю и воспеваю Тя, со Безначальным Твоим Отцем и Пресвятым и Благим и Животворящим Твоим Духом, ныне и присно и во веки веков. Аминь.

Молитва иная, тогожде, 4.

Яко на Страшнем Твоем и нелицеприимнем предстои Судилищи, Христе Боже, и осуждения подъемля, и слово творя о содеянных мною злых; сие днес, прежде даже не приити дневи осуждения моего, у святого Твоего Жертвенника предстою пред Тобою и пред страшными и святыми Ангелы Твоими, преклонен от своей совести, приношу лукавая моя и беззаконная

деяния, являяя сия и обличаяя. Виждь, Господи, смирение мое, и остави вся грехи моя; виждь, яко умножишася паче влас главы моей беззакония моя. Кое убо не содеях зло? Кий грех не сотворих? Кое зло не вообразих в души моей? Уже бо и дела содеях: блуд, прелюбодейство, гордость, кичение, укорение, хулу, празднословие, смех неподобный, пьянство, гортанобесие, объядение, ненависть, зависть, сребролюбие, любостязание, лихоимство, самолюбие, славолубие, хищение, неправду, злоприобретение, ревность, оклеветание, беззаконие; всякое мое чувство и всякий уд оскверних, растлих, непотребен сотворих, делателище быв всячески диаволе. И вем, Господи, яко беззакония моя превзыдоша главу мою; но безмерно есть множество щедрот Твоих, и милость неизреченна незлобивья Твоея благодости, и несть грех побеждающ человеколюбие Твое. Темже, пречудный Царю, незлобиве Господи, удиви и на мне, грешнем, милости Твоя, покажи благодости Твоея силу и яви крепость благоутробнаго милосердия Твоего, и обращающаяся приими мя грешнаго. Приими мя, якоже приял еси блуднаго, разбойника, блудницу. Приими мя, пребезмерне и словом, и делом, и похотию безместною, и помышлением безсловесным согрешивша Тебе. И якоже во единонадесятый час пришедших приял еси, ничтоже достойно соделавших, тако приими и мене, грешнаго: много бо согреших и осквернихся, и опечалих Духа Твоего Святаго, и огорчих человеколюбную утробу Твою и делом, и словом, и помышлением, в ночи и во дни, явленне же и неявленне, волею же и неволею. И вем, яко представиши грехи моя предо мною таковы, яковы же мною содеяшася, и истяжеши слово со мною о ихже разумом непрощенно согреших. Но Господи, Господи, да не праведным судом Твоим, ниже яростию Твоею обличиши мя, ниже гневом Твоим накажеша мя; помилуй мя, Господи, яко не токмо немощен есмь, но и Твое есмь создание. Ты убо, Господи, утвердил еси на мне страх Твой, аз же лукавое пред Тобою сотворих. Тебе убо единому согреших, но молю Тя, не вниди в суд с рабом Твоим. Аще бо беззакония назириши, Господи, Господи, кто постоит? Аз бо есмь пучина греха, и несмь достоин, ниже доволен возрети и видети

ПОСЛЕДОВАНИЕ КО СВЯТОМУ ПРИЧАЩЕНИЮ

высоту небесную, от множества грехов моих, ихже несть числа: всякое бо злодеяние и коварство, и ухищрение сатанино, и растления, злопомнения, советования ко греху и иные тьмочисленные страсти не оскудеша от мене. Кийми бо не растлихся грехи? Кийми не содержахся злыми? Всяк грех содеях, всякую нечистоту вложил в душу мою, непотребен бых Тебе, Богу моему, и человеком. Кто возставит мя, в сицевая злая и толика падшаго согрешения? Господи Боже мой, на Тя уповах; аще есть ми спасения упование, аще побеждает человеколюбие Твое множества беззаконий моих, буди ми Спаситель, и по щедротам Твоим и милостем Твоим, ослаби, остави, прости, ми вся, елика Ти согреших, яко многих зол исполнися душа моя, и несть во мне спасения надежды. Помилуй мя, Боже, по велицей милости Твоей и не воздаждь ми по делом моим, и не осуди мя по деянием моим, но обрати, заступи, избави душу мою от совозрастающих ей зол и лютых восприятий. Спаси мя ради милости Твоея, да идеже умножится грех, преизобилует благодать Твоя; и восхвалю и прославлю Тя всегда, вся дни живота моего. Ты бо еси Бог кающихся и Спас согрешающих; и Тебе славу возсылаем со Безначальным Твоим Отцем и Пресвятым и Благим, и Животворящим Твоим Духом ныне и присно, и во веки веков. Аминь.

Божественнаго Дамаскина, 5.

Владыко Господи Иисусе Христе Боже наш, едина имеяй власть человеком оставляти грехи, яко благ и Человеколюбец презри моя вся в ведении и не в ведении прегрешения, и сподоби мя неосужденно причаститься Божественных, и преславных, и пречистых, и животворящих Твоих Таин, не в тяжесть, ни в муку, ни в приложение грехов, но во очищение, и освящение, и обручение будущего живота и Царствия, в стелу и поможь, и в возражение сопротивных, во истребление многих моих согрешений. Ты бо еси Бог милости, и щедрот, и человеколюбия, и Тебе славу возсылаем, со Отцем и Святым Духом, ныне и присно и во веки веков. Аминь.

Великаго Василия, 6.

Вем, Гóсподи, яко недостóйне причащаюся пречыстаго Твоего Тѣла и честныя Твоея Крóве, и повинен есмь, и суд себѣ ям и пию, не разсуждая Тѣла и Крóве Тебѣ, Христа́ и Бóга моего́, но на щедрóты Твоя́ дерзая, прихожду́ к Тебѣ, рѣкшему: яды́й Мою́ Плоть и пий́й Мою́ Кровь, во Мне пребыва́ет, и Аз в нем. Умилосѣрдися ўбо, Гóсподи, и не обличи́ мя, грѣшнаго, но сотвори́ со мною́ по мѣлости Твое́й; и да бѣдут ми святая́ сия́ во исцелѣние, и очищѣние, и просвѣщѣние, и сохранѣние, и спасѣние, и во освящѣние души́ и тѣла; во отгна́ние всякаго мечтáния, и лукаваго дея́ния, и дѣйства дѣявольскаго, мѣсленне во удесѣх мо́их дѣйствуемаго, в дерзнове́ние и любóвь, яже к Тебѣ; во исправлѣние жити́я и утверждѣние, в возвращѣние добродѣтели и совершенства, во исполнѣние за́поведей, в Дѹха Свята́го общѣние, в напѹтие животá вѣчнаго, во отвѣт благопріятен на Стра́шнем Судѣищи Твое́м: не в суд или́ во осуждѣние.

**Молитва иная
Симеона Нового Богослова, 7.**

От сквѣрных устѣн, от мѣрзкаго сѣрдца, от нечы́стаго язѹка, от души́ осквѣрнены, приими́ молѣние, Христѣ мой, и не прѣзри мо́их ни словѣс, ниже́ образóв, ниже́ безсты́дїя. Дажь ми дерзнове́нно глаго́лати, яже хочу́, Христѣ мой, па́че же и научи́ мя, что ми подоба́ет творѣти и глаго́лати. Согреши́х па́че блудни́цы, яже увѣде, где обита́еши, мѣро купѣвши, прииде дерзостне помáзати Твой́ но́зе, Бóга моего́, Владѣйки и Христа́ моего́. Якоже о́ну не отрѣнул еси́ пришѣдшую от сѣрдца, ниже́ менѣ возгнуша́йся, Сло́ве: Твой́ же ми пода́ждь но́зе, и держати́ и целова́ти, и стру́ями слѣзными, яко многоцѣнным мѣром, сия́ дерзостно помáзати. Омѣй мя слезáми мо́ими, очисти́ мя ѣми, Сло́ве. Оста́ви и прегрѣшѣния моя́, и прощѣние ми пода́ждь. Вѣси зол мно́жество, вѣси и стру́пы моя́, и язвы зрѣши моя́, но и вѣру вѣси, и произволѣние зрѣши, и въздыхáние слѣшиши. Не тайт́ся Тебѣ, Бóже мой, Творче мой, Избáвителью мой, ниже́ ка́пля слѣзная, ниже́ ка́пли часть не́кая. Несодѣланное моѣ

ПОСЛЕДОВАНИЕ КО СВЯТОМУ ПРИЧАЩЕНИЮ

видесте очи Твои, в книзе же Твоей и еще несодѣянная написана Тебѣ суть. Видь смирение мое, видь труд мой елик, и грехи вся остави ми, Боже всяческих: да чистым сердцем, притрепетною мыслию и душею сокрушенною нескверных Твоих причащуся и пресвятых Таин, имиже оживляется и обожается всяк ядый же и пий чистым сердцем. Ты бо рекл еси, Владыко мой: всяк ядый Мою Плоть и пий Мою Кровь, во Мне убо сей пребывает, в немже и Аз есмь. Истинно слово всяко Владыки и Бога моего: Божественных бо причащаяся и боготворящих благодатей, не убо есмь един, но с Тобю, Христе мой, Светом трисолнечным, просвещающим мир. Да убо не един пребуду кроме Тебе, Живодавца, дыхания моего, живота моего, радования моего, спасения миру. Сего ради к Тебе приступих, якоже зриши, со слезами, и душею сокрушенною, избавления моих прегрешений прошу прияти ми и Твоих живодеятельных и непорочных Таинств причаститися неосужденно, да пребудеши, якоже рекл еси, со мною трекоянным: да не кроме обрет мя Твоея благодати, прелестник восхитит мя льстивне, и прельстив отведет боготворящих Твоих словес. Сего ради к Тебе припадаю и тепле вопию Ти: якоже блуднаго приял еси и блудницу пришедшую, тако приими мя, блуднаго и сквернаго, Щедре. Душею сокрушенною ныне бо к Тебе приходя, вем, Спасе, яко иный, якоже аз, не прегрешил Тебе, ниже содея деяния, яже аз содеях. Но сие паки вем, яко не величество прегрешений, ни грехов множество превосходит Бога моего многое долготерпение и человеколюбие крайнее; но милостию сострастия тепле кающихся и чистиши, и светиши, и света твориши причастники, общники Божества Твоего соделоваяя независтно, и странное и Ангелом, и человеческим мыслем, беседеши им многожды, якоже другом Твоим истинным. Сия дерзостна творят мя, сия вперяют мя, Христе мой. И дерзая Твоим богатым к нам благодѣнием, радуясь вкупе и трепеща, огневи причащаюся трава сый, и странно чудо, орошаемь неопально, якоже убо купина древле неопальне горящи. Ныне благодарною мыслию, благодарным же сердцем, благодарными удесы моими, души и тела моего, поклоняюся и

величаю, и славословлю Тя, Бóже мой, яко благословенна суща, ныне же и во веки.

Молитва иная Златоустаго, 8.

Бóже, ослаби, остави, прости ми согрешения моя, елика Ти согреших, аще словом, аще делом, аще помышлением, волею или неволею, разумом или неразумием, вся ми прости яко благ и Человеколюбец, и молитвами Пречистыя Твоея Матере, умных Твоих служителей и святых сил, и всех святых, от века Тебе благоугодивших, неосужденно благоволи прияти ми святое и Пречистое Твое Тело и Честную Кровь, во исцеление души же и тела, и во очищение лукавых моих помышлений. Яко Твое есть Царство и сила и слава, со Отцем и Святым Духом, ныне и присно и во веки веков. Аминь.

Тогожде, 9.

Несмы доволен, Владыко Господи, да видиши под кров души моя; но понеже хочещи Ты яко Человеколюбец, жити во мне, дерзая приступаю; повелеваещи, да отверзу двери, яже Ты един создал еси, и видиши со человеколюбием якоже еси; видиши и просвещаещи помраченный мой помысл. Верую, яко сие сотвориши: не бо блудницу, со слезами пришедшую к Тебе, отгнал еси; ниже мытаря отвергл еси покающаяся; ниже разбойника, познавша Царство Твое, отгнал еси; ниже гонителя покающаяся оставил еси, еже бе: но от покаяния Тебе пришедшия вся, в лице Твоих друзей вчинил еси, Един сый благословенный всегда, ныне и в безконечныя веки. Аминь.

Тогожде, 10.

Господи Иисусе Христе, Бóже мой, ослаби, остави, очисти и прости ми, грешному, и непотребному, и недостойному рабу Твоему, прегрешения, и согрешения и грехопадения моя, елика Ти от юности моя, даже до настоящего дне и часа согреших: аще в разуме и в неразумии, аще в словесех или делех, или помышлениях и мыслех, и начинаниях, и всех моих чувствах. И молитвами безсеменно рождшия Тя, Пречистыя и Приснодевы

ПОСЛЕДОВАНИЕ КО СВЯТОМУ ПРИЧАЩЕНИЮ

Маріи, Матере Твоея, единыя непостыдныя надежды и предстательства и спасения моего, сподоби мя неосужденно причаститься пречистых, безсмертных, животворящих и страшных Твоих Таинств, во оставление грехов и в жизнь вечную: во освящение и просвещение, крепость, исцеление, и здравие души же и тела, и в потребление и всесовершенное погубление лукавых моих помыслов, и помышлений, и предприятий, и noctных мечтаний, темных и лукавых духов; яко Твое есть Царство, и сила, и слава, и честь, и поклонение, со Отцем и Святым Твоим Духом, ныне и присно и во веки веков. Аминь.

Молитва иная Иоанна Дамаскина, 11.

Пред дверьми храма Твоего предстою и лютых помышлений не отступаю; но Ты, Христэ Бже, мытаря оправдивый, и хананею помиловавый, и разбойнику рая двери отверзый, отверзи ми утробы человеколюбия Твоего и прими мя, приходяща и прикасающа Тебе, яко блудницу и кровоточивую: ова убо края ризы Твоея коснувшись, удобь исцеление прият, ова же пречистей Твои нозе удержавши, разрешение грехов понесе. Аз же, окаянный, все Твое Тело дерзая воспряти, да не опален буду; но прими мя, якоже она, и просвети моя душевныя чувства, попаляя моя греховныя вины, молитвами безсеменно Рбждшия Тя и небесных сил; яко благословен еси во веки веков. Аминь.

Молитва иная, Златоустаго.

Верую, Господи, и исповедую, яко Ты еси воистинну Христос, Сын Бога живаго, пришедый в мир грешныя спасти, от нихже первый есмь аз. Еще верую, яко сие есть самое пречистое Тело Твое, и сия есть самая честная Кровь Твоя. Молюся убо Тебе: помилуй мя и прости ми прегрешения моя, вольная и невольная, яже словом, яже делом, яже ведением и неведением, и сподоби мя неосужденно причаститься пречистых Твоих Таинств, во оставление грехов и в жизнь вечную. Аминь.

Приходяй же причастится, глаголи в себе настоящия стихи

Метафраста:

Се приступаю к Божественному Причащению.
Содетелю, да не опалиши мя приобщением:
Огнь бо еси, недостойныя поपालяй.
Но убо очисти мя от всякия скверны.

Таже паки глаголи:

Вечери Твоея тайныя днесь, Сыне Божий, / причастника мя приими; / не бо врагом Твоим тайну повем, ни лобзания Ти дам, яко Иуда, / но яко разбойник исповедаю Тя: / помяни мя, Господи, во Царствии Твоем.

Паки стихи сия:

Боготворящую Кровь ужаснися человекече, зря,
Огнь бо есть, недостойныя поपालяй.
Божественное Тело и обожает мя и питает:
Обожает дух, ум же питает странно.

Таже тропари:

Усладил мя еси любовью, Христэ, / и изменил мя еси Божественным Твоим рачением; / но попали огнем невещественным грехи моя, / и насытитися еже в Тебе наслаждения сподоби: / да ликуя возвеличаю, Блаже, два пришествия Твоя.

Во светлостех Святых Твоих како вниду, недостойный? / Аще бо дерзну совнати в чертог, одежда мя обличает, яко несть брачна, / и связан извержен буду от Ангелов. / Очисти, Господи, скверну души моея, / и спаси мя, яко Человеколюбец.

Таже молитву:

Владыко Человеколюбче, Господи Иисусе Христэ Боже мой, да не в суд ми будут Святая сия, за еже недостойну ми быти: но во очищение и освящение души же и тела, и во обручение будущия жизни и Царствия. Мне же, еже прилепятся Богу, благо есть, полагати во Господе упование спасения моего.

ПОСЛЕДОВАНИЕ КО СВЯТОМУ ПРИЧАЩЕНИЮ

И паки: Вѣчери Твоея тайныя днесь, Сыне Божий, / причащника мя приими; / не бо врагом Твоим тайну повѣм, / ни лобзания Ти дам, яко Иуда, / но яко разбойник исповедаю Тя: / помяни мя, Господи, во Царствии Твоем.

В оглавление

МОЛИТВЫ ПО СВЯТОМ ПРИЧАЩЕНИИ

Егда же получиши добраго причащения,
Животворящих таинственных дарований,
Воспой абие, благодари вельми,
И сия тепле от души Богу глаголи:
Слава Тебѣ, Бóже. Слава Тебѣ, Бóже. Слава Тебѣ, Бóже.

Таже благодарственную сию молитву:

Благодарю Тя, Гóсподи Бóже мой, яко не отринул мя еси грѣшнаго, но óбщника мя бѣти святѣнь Твоѣх сподóбил еси. Благодарю Тя, яко менѣ недостóйнаго, причастѣтся пречѣстных Твоѣх и небѣсных Даров сподóбил еси. Но Владыко Человеколюбче, нас рáди умѣрый же и воскресый, и даровáвый нам стра́шная сия и животворя́щая Таинства, во благодеяние и освяще́ние душ и телѣс нáших, даждь бѣти сим и мне во исцелѣние душѣ же и тѣла, во отгна́ние всякаго сопроти́внаго, в просвещѣние óчию сѣрдца моего, в мир душе́вных моих сил, в вѣру непосты́дну, в любóвь нелицеме́рну, во исполне́ние премúдрости, в соблюде́ние за́поведей Твоѣх, в приложе́ние Божѣственныхя Твоея́ благода́ти, и Твоего́ Цáрствия присвоѣние, да во святѣни Твоей тѣми сохраня́емь, Твою́ благода́ть поминáю всегда́, и не ктому́ себѣ живу́, но Тебѣ, нáшему Влады́це и Благодѣ́телю; и тако́ сего́ жити́я изше́д о наде́жди живота́ вѣчнаго, в присносу́щный дости́гну поко́й, иде́же прáзднующих глас непреста́нный, и безконѣ́чная сла́дость зрящих Твоего́ лица́ добрóту неизрече́нную. Ты бо еси́ ѣстинное желáние, и неизрече́нное весѣлие любя́щих Тя, Христѣ́ Бóже наш, и Тя поѣт вся тварь во вѣки. Ами́нь.

Великаго Василия, 2.

Влады́ко Христѣ́ Бóже, Царю́ веко́в и Содѣ́телю всех, благодарю́ Тя о всех, я́же ми еси́ подал благи́х, и о причаще́нии

МОЛИТВЫ ПО СВЯТОМ ПРИЧАЩЕНИИ

пречистых и животворящих Твоих Таинств. Молю́ убо Тя, Бла́же и Человеколю́бче: сохрани́ мя под кро́вом Твои́м, и в сѣни крилу́ Твоею. И да́руй ми чи́стою со́вестию, да́же до послѣдняго моего́ издыха́ния, досто́йно причаща́тися Святы́нь Твои́х, во оставле́ние грехо́в и в жизнь вѣчную. Ты бо еси́ Хлеб живо́тный, исто́чник святы́ни, пода́тель благо́х, и Тебе́ сла́ву возсыла́ем, со Отце́м и Святы́м Ду́хом, ны́не и прѣсно, и во ве́ки веко́в. Ами́нь.

Метафраста, по стихом, 3.

Да́вый пи́щу мне плоть Твою́ во́лею, огонь сый и опалѣяя недосто́йныя, да не опали́ши мене́, Соде́телю мой; па́че же пройди́ во у́ды моя́, во вся соста́вы, во утробу, в се́рдце. Попали́ терние́ всех мои́х прегреше́ний. Ду́шу очисти́, освяти́ помышле́ния. Составы́ утверди́ с костью́ вку́пе. Чувств просвети́ просту́ю пятери́цу. Всего́ мя спригвозди́ стра́ху Твоему́. Прѣсно покрѣй, соблюди́ же, и сохрани́ мя от всякаго де́ла и сло́ва душетле́ннаго. Очи́сти, и омѣй, и украси́ мя: удобри́, вразуми́, и просвети́ мя. Покажи́ мя Твое́ селѣние еди́наго Ду́ха, и не ктому́ селѣние греха́. Да яко Твоего́ до́му входом причаще́ния, яко огня́ мене́ бежитъ всяк злоде́й, всяка страсть. Моли́твенники Тебе́ приношу́ вся святы́я, чинонача́лия же беспло́тных, Предте́чу Твоего́, премудры́я апо́столы, к сим же Твою́ несквѣрную, чи́стую Ма́терь, ихже мольбы́, Благоутро́бне, приими́, Христѣ мой, и сы́ном све́та соде́лай Твоего́ служите́ля. Ты бо еси́ освяще́ние, и Еди́ный на́ших, Бла́же, душ и све́тлость, и Тебе́ лепоподобно́ яко Бо́гу и Владѣ́ще сла́ву вси возсыла́ем на всяк день.

Молитва иная.

Тѣло Твое́ Свято́е, Го́споди Иису́се Христѣ́ Бо́же наш, да бу́дет ми в живо́т вѣчный, и Кро́вь Твоя́ Честна́я во оставле́ние грехо́в: бу́ди же ми благодарѣ́ние сие́ в ра́дость, здра́вие и весе́лие; в стра́шное же и второ́е пришѣ́ствие Твое́ сподо́би мя, грѣшнаго, ста́ти одесну́ю сла́вы Твоея́, моли́твами Пречисты́я Твоея́ Ма́тери, и всех святы́х.

Молитва иная, ко Пресвятой Богородице.

Пресвятая Владычице Богородице, свете помраченныя моя души, надеждо, покрове, прибежище, утешение, радование мое, благодарю Тя, яко сподобила мя еси недостойнаго, причастника быти Пречистаго Тела, и Честныя Крове Сына Твоего. Но рождающая истинный Свет, просвети моя умныя очи сердца; Яже источник бессмертия рождающая, оживотвори мя умерщвленнаго грехом; Яже милостиваго Бога любоблагоутробная Мати, помилуй мя, и даждь ми умиление, и сокрушение в сердце моем, и смирение в мыслех моих, и воззвание в пленениих помышлений моих; и сподоби мя до последнего издыхания, неосужденно приимати Пречистых Таин освящение во исцеление души же и тела. И подаждь ми слезы покаяния и исповедания, во еже пети и славити Тя во вся дни живота моего, яко благословенна и препрославлена еси во веки. Аминь.

Таже: Ныне отпускаеши раба Твоего, Владыко, / по глаголу Твоему с миром, / яко видеста очи мои спасение Твое, / еже еси уготовал пред лицем всех людей, / свет во откровение языков / и славу людей Твоих Израиля.

Трисвятое. И по Отче наш:

Тропарь святому Иоанну Златоустому, глас 8:

Уст твоих, якоже светлость огня, / возсиявши благодать, вселенную просвети; / не сребролюбия миру сокровища сниска, / высоту нам смиренномудрия покажи, / но твоими словесы наказуя, отче Иоанне Златоусте, / моли Слова Христа Бога спастися душам нашим.

Слава, кондак, глас 6:

От небес приял еси Божественную благодать, / и твоими устнами вся учиши / поклоняться в Троице Единому Богу, / Иоанне Златоусте всеблаженне, преподобне, достойно хвалим тя: / еси бо наставник, яко Божественная являя.

И ныне:

Предстáтельство христиáн непосты́дное, / ходáтайство ко Творцú непрелóжное, / не прэзри грэшных молéний глáсы, / но предвари́, я́ко Благáя, на по́мощь нас, вёрно зовúщих Ти: / ускори́ на моли́тву и потщи́ся на умоле́ние, / предстáтельствующи при́сно, Богороди́це, чтúщих Тя.

Или Взбра́нной воево́де: или О Тебе́ ра́дуется: или кондак храма, аще есть Богородицы, или праздника настоящего, аще будет Господский или Богородичен.

**Аще же будет святаго Василия литургия,
чти святому Василию тропарь, глас 1:**

Во всю зéмлю изы́де вещáние твоё, / я́ко приéмшую сло́во твоё, / имже боголе́пно научи́л еси́, / естество́ сущих уясни́л еси́, / челове́чския обы́чаи украси́л еси́, / ца́рское свяще́ние, óтче преподо́бне, / моли́ Христа́ Бо́га, / спасти́ся душáм нáшим.

Слава, кондак, глас 4:

Яви́лся еси́ основáние непоколеб́имое Цéркве, / пода́я всем некра́домое господа́ство челове́ком, / запечатле́я твоими велéньми, / небоявлéнне Васи́лие преподо́бне.

**Аще же будет литургия Преждеосвященных,
святому Григорию тропарь глас 4:**

И́же от Бо́га свы́ше Божéственную благодáть восприéм, сла́вне Григóрие, / и Тогó си́лою укрепля́емь, ева́нгельски шéствовати изво́лил еси́. / Отону́дуже у Христа́ возмэ́дние трудо́в при́ял еси́, всеблаже́нне: / Егóже моли́, да спасéт дúши нáша.

Слава, кондак, глас 3:

Подобоначáльник показáлся еси́ Начáльника пáстырем Христа́, / ино́ков чреды́, óтче Григóрие, / ко огра́де небéсней наставля́я, / и оттúду научи́л еси́ ста́до Христо́во за́поведем Егó: / ны́не же с ними́ ра́дуешися, / и ликúеши в небéсных кро́вех.

И ныне, якоже прежде положися. Гóсподи, помíлуй, 12.
Слава и ныне:

**Честнѣйшую Херувím / и слáвнейшую без сравнѣния
Серафím, / без ислѣния Бóга Сло́ва рóждшую, / сýщую
Богорóдицу Тя велича́ем. И отпуст.**

**По служении же да хранит себе иерей в трезвении и
воздержании, и немноглаголании, дабы в той день честно
соблюл в себе Христа пріятаго.**

В оглавление

КАНОН ПОКАЯННЫЙ КО ГОСПОДУ НАШЕМУ ИИСУСУ ХРИСТУ

Глас 6. Песнь 1.

Ирмос: Яко по сѹху пешешествовав Израїль, / по бѣдне стопáми, / гонителя фараона / видя потопляема, / Бóгу побѣдную песнь / пойм, вопіяше.

Помілуй мя, Бóже, помілуй мя.

Ныне приступіх аз грѣшный и обременѣнный / к Тебѣ, Владыце и Бóгу моему; / не смѣю же взирати на нѣбо, / тóкмо молюся, глаголя: / даждь ми, Гóсподи, ум, / да плачуся дел моих гóрько.

Помілуй мя, Бóже, помілуй мя.

О, гóре мне грѣшному! / Пáче всех человек окаянен есмь, / покаяния несть во мне; / даждь ми, Гóсподи, слѣзы, / да плачуся дел моих гóрько.

Слава: Безумне, окаянене человекѣ, / в лѣности время губиши; / помысли житіе твоѣ, / и обратися ко Гóсподу Бóгу, / и плачися о дѣлах твоих гóрько.

И ныне: Мáти Бóжия Пречыстая, / воззри на мя грѣшного, / и от сѣти диáволи избáви мя, / и на путь покаяния настáви мя, / да плачуся дел моих гóрько.

Песнь 3.

Ирмос: Несть свят, / якоже Ты, Гóсподи Бóже мой, / вознесый рог вѣрных Твоих, Блаже, / и утвердивый нас на камени / исповѣдания Твоего.

Помілуй мя, Бóже, помілуй мя.

Внегда поставлени бѹдут престóли на Судици Стрáшнем, / тогда всех человек дела обличáтся; / гóре тáмо бѹдет грѣшным, в

КАНОН ПОКАЯННЫЙ

мúку отсылаемым; / и то ведуши, душе моя, / покайся от злых дел твоих.

Помилуй мя, Бóже, помилуй мя.

Праведницы возрадуются, а грешнии восплачутся, / тогда никтоже возмóжет помощи нам, / но дела наша осудят нас, / темже прежде конца / покайся от злых дел твоих.

Слава: Увы мне великогрешному, / иже дѣлы и мысльми осквернився, / ни капли слез имѣю от жестосердия; / ныне возникни от земли, душе моя, / и покайся от злых дел твоих.

И ныне: Се, взывает, Госпоже, Сын Твой, / и поучает нас на доброе, / аз же грешный добра всегда бѣгаю; / но Ты, Милостивая, помилуй мя, / да покаюся от злых моих дел.

Седален, глас 6:

Помышляю день страшный / и плачуся деяний моих лукавых: / како отвещаю Безсмертному Царю, / или коим дерзновением воззрю на Судию, блудный аз? / Благоутробный Отче, Сыне Единородный / и Душе Святой, помилуй мя.

Слава, и ныне, Богородичен: Связан многими ныне пленницами грехов / и содержимъ лютыми страстьми и бедами, / к Тебе прибегаю, моему спасению, и вопию: / помози ми, Дѣво, Мати Божия.

Песнь 4.

Ирмос: Христос моя сила, / Бог и Господь, честная Церковь / боголепно поет, зываючи / от смысла чиста, о Господе празднующи.

Помилуй мя, Бóже, помилуй мя.

Широк путь zde и угóдный сласти творити, / но горько будет в последний день, / егда душа от тела разлучатися будет: / блюдися от сих, человече, / Царствия ради Божия.

Помилуй мя, Бóже, помилуй мя.

Почто убогаго обидиши, / мзду наемничу удержуеши, / брата твоего не любиши, / блуд и гордость гониши? / Остави убо

сия, душе моя, / и покайся Царствия ради Божия.

Слава: О, безумный человек, / доколе углебаеши, яко пчела, собираючи богатство твое? / Вскоре бо погибнет, яко прах и пепел: / но более взыщи Царствия Божия.

И ныне: Господже Богородице, помилуй мя грешного, / и в добродетели укрепь, и соблюди мя, / да наглая смерть не похитит мя неготоваго, / и доведи мя, Дево, Царствия Божия.

Песнь 5.

Ирмос: Божиим / светом Твоим, Блаже, / утренюющих Ти души / любовью озари, молюся, / Тя ведети, Слове Божий, / истиннаго Бога, / от мрака греховнаго зывающа.

Помилуй мя, Боже, помилуй мя.

Вспомяни, окаянный человек, / како лжам, клеветам, разбою, немощем, лютым зверем, / грехов ради порабощен еси; / душе моя грешная, того ли восхотела еси?

Помилуй мя, Боже, помилуй мя.

Трепещут ми уди, всеми бо сотвори хвину: / очима взираяй, ушима слышай, языком злая глаголяй, / всего себе геене предай; / душе моя грешная, сего ли восхотела еси?

Слава: Блудника и разбойника кающаяся приял еси, Спасе, / аз же един леностию греховною отягчихся / и злым делом поработихся, / душе моя грешная, сего ли восхотела еси?

И ныне: Дивная и скорая помощнице всем человеком, Мати Божия, / помози мне недостойному, / душа бо моя грешная того восхотела.

Песнь 6.

Ирмос: Житейское море, / воздвигаемое зря напастей бурю, / к тихому пристанищу Твоему притек, вопию Ти: / возведи от тли живот мой, / Многомилостиве.

Помилуй мя, Боже, помилуй мя.

Житие на земли блудно пожих / и душу во тьму предах, / ныне убо молю Тя, Милостивый Владыко: / свободи мя от

работы сея вражия, / и даждь ми разум творити волю Твою.

Помилуй мя, Бóже, помилуй мя.

Кто творит таковая, якоже аз? / Якоже бо свиния лежит в калу, / тако и аз греху служу. / Но Ты, Гóсподи, исторгни мя от гнуса сего / и даждь ми сердце творити заповеди Твоя.

Слава: Воспряни, окаянный челове́че, к Бóгу, / воспомянув своя согрешения, / припадая ко Творцу́, слезя и стеля; / Той же, яко милосерд, / даст ти ум знати волю Свою.

И ныне: Богородице Дéво, / от видимаго и невидимаго зла сохрани мя, Пречистая, / и прими́ моли́твы моя, / и донеси́ я Сыну Твоему́, / да даст ми ум творити волю Его́.

Кондак:

Душе́ моя, / почто́ грехами́ богатееши, / почто́ волю́ диаволю́ твориши, / в часо́м наде́жду полагаеши? / Престани́ от сих / и обрати́ся к Бóгу с пла́чем, зову́щи: / милосе́рде Гóсподи, помилуй мя грешнаго.

Икос: Помысли, душе́ моя, го́рький час сме́рти / и стра́шный суд Творца́ твоего́ и Бóга: / А́нгели бо гро́знии по́ймут тя, душе́, / и в ве́чный огнь введу́т: / у́бо пре́жде сме́рти покáйся, вопию́щи: / Гóсподи, помилуй мя грешнаго.

Песнь 7.

Ирмос: Росода́тельну́ у́бо пещь / соде́ла А́нгел / преподо́бным отроко́м, / халдеи́ же опаля́ющее / веление́ Бóжие, / мучи́теля увеща́ вопи́ти: / благослове́н еси́, Бóже о́тец на́ших.

Помилуй мя, Бóже, помилуй мя.

Не наде́йся, душе́ моя, / на тле́нное бога́тство и на непра́ведное собра́ние, / вся бо сия́ не ве́си кому́ оста́виши, но возопи́й: / помилуй мя, Христе́ Бóже, недостóйнаго.

Помилуй мя, Бóже, помилуй мя.

Не упова́й, душе́ моя, на теле́сное здра́вие / и на скороми́моходя́щую красото́у, / видиши́ бо, яко́ си́льнии и мла́дii умира́ют; но возопи́й: / помилуй мя, Христе́ Бóже, недостóйнаго.

Слава: Воспомяни, душе моя, вечное житиё, / Царство Небесное, уготованное святым, / и тьму кромешную и гнев Божий злым, и возопий: / помилуй мя, Христё Бóже, недостóйнаго.

И ныне: Припадí, душе моя, к Бóжией Мáтери и помолíся Той, / есть бо скóрая помóщница кающимся, / умолит Сына Христá Бóга, / и помилует мя недостóйнаго.

Песнь 8.

Ирмос: Из пламене преподóбным рóсу источил есí / и праведнаго жéртву водою попалил есí: / вся бо творíши, Христё, тóкмо е́же хотéти. / Тя превозно́сим во вся вéки.

Помилуй мя, Бóже, помилуй мя.

Ка́ко не íмам пла́каться, егда́ помышляю́ смерть, / вíдех бо во грóбе лежа́ща брата́ моего́, безсла́вна и безобра́зна? / Что ўбо чаю́, и на что надею́ся? / Тóкмо даждь ми, Го́споди, / прéжде конца́ покая́ние. **Дважды.**

Слава: Вéрую, я́ко при́деши суди́ти живы́х и мёртвых, / и вси во своём чíну ста́нут, / ста́рии и младíи, влады́ки и князи, дéвы и священни́цы; где обря́щуся аз? / Сего́ ра́ди вопию́: / даждь ми, Го́споди, прéжде конца́ покая́ние.

И ныне: Пречíстая Богоро́дице, / приими́ недостóйную моли́тву мою́ / и сохрани́ мя от на́глыя сме́рти, / и да́руй ми прéжде конца́ покая́ние.

Песнь 9.

Ирмос: Бóга / челове́ком невозмо́жно вíдети, / на Него́же не сме́ют чíни А́нгельстии взира́ти; / Тобóю же, Всечíстая, я́вися челове́ком / Сло́во Воплощённо, / Его́же велича́юще, / с небéсными во́и Тя ублажа́ем.

Помилуй мя, Бóже, помилуй мя.

Ны́не к вам прибега́ю, / А́нгели, Арха́нгели и вся небéсныя си́лы, / у Престо́ла Бóжия стоя́щи, / моли́тесь ко Творцу́ Своему́, / да изба́вит ду́шу мою́ от му́ки вéчныя.

Помилуй мя, Бóже, помилуй мя.

КАНОН ПОКАЯННЫЙ

Ныне плачуся к вам, / святїи патриáрси, цáрие и проро́цы, / апóстоли и святїтелие и вси избрáннии Христóвы: / помозїте ми на судé, / да спасёт дúшу мою́ от сїлы вра́жия.

Слава: Ныне к вам воздежú рúце, / святїи мúченицы, пустýнницы, дéвственницы, прáведницы / и вси святїи, молящїися ко Гóсподу за весь мир, / да помїлуе́т мя в час смéрти моея́.

И ныне: Мáти Бóжия, помозї ми, / на Тя сїльне надéющемуся, / умоли́ Сýна Своего́, / да поста́вит мя недостóйнаго одеснúю Себе́, / егда́ сядет судя́й живы́х и мёртвых. Ами́нь.

Молитва по каноне.

Влады́ко Христé Бóже, Ёже страстьми́ Своими́ стра́сти моя́ исцели́вый и я́звами Своими́ я́звы моя́ уврачевáвый, дáруй мне, мно́го Тебе́ прегрешївшему, слéзы умилéния; сраствори́ моему́ тéлу от обоня́ния Животворя́щего Тéла Твоего́, и наслади́ дúшу мою́ Твоею́ Честно́ю Кро́вию от гóрести, ё́уже мя сопроти́вник напои́; возвы́си мой ум к Тебе́, до́лу понїкший, и возведи́ от про́пасти погїбели: я́ко не й́мам покая́ния, не й́мам умилéния, не й́мам слезы́ утéшительныя, возводя́щая ча́да ко своему́ насле́дию. Омрачїхся умомъ в житéйскихъ страстéх, не могу́ възрети́ к Тебе́ в болéзни, не могу́ согрети́ся слезáми, я́же к Тебе́ любóвe. Но, Влады́ко Гóсподи Иисúсе Христé, сокрóвище благїх, дáруй мне покая́ние всецéлое и сёрдце люботру́дное во взыскáние Твое́, дáруй мне благодáть Твою́ и обнови́ во мне зра́ки Твоего́ о́браза. Оста́вих Тя, не оста́ви мене́; изы́ди на взыскáние моё, возведи́ к пáжити Твое́й и сопричти́ мя овцáм избрáннаго Твоего́ ста́да, воспита́й мя с нїми от зла́ка Божéственныхъ Твои́х Та́инств, моли́твами Пречїстыя Твоея́ Мáтере и всехъ святы́х Твои́х. Ами́нь.

В оглавление

КАНОН УМИЛИТЕЛЬНЫЙ С АКАФИСТОМ КО ГОСПОДУ НАШЕМУ ИИСУСУ ХРИСТУ

Глас 2. Песнь 1.

Ирмос: Во глубинѣ постлѣ иногда / фараонѣтское
всѣобинство преоружѣнная сила, / воплощенное же Слово
всезлѣбный грех потребило есть: / препрослѣвленный Господь, /
славнѣ бо прославился.

Иисусе Сладчайший, спаси мя.

Иисусе Сладчайший Христѣ, / Иисусе долготерпеливе, /
души моя язвы исцели, Иисусе, / и услади сердце мое,
Многѣмилостиве, / молюся, Иисусе Спасе мой, / да величаю Тя,
спасаемый.

Иисусе Сладчайший, спаси мя.

Иисусе Сладчайший Христѣ, / Иисусе, отверзи покаяния ми
дверь, / человеколюбче Иисусе, и прими мя, / Тебѣ
припадающа и тепле просяща, / Иисусе Спасе мой, согрешений
прощения.

Слава: Иисусе Сладчайший Христѣ, / Иисусе, исхити мя / из
руки льстиваго велиара, Иисусе, / и сотвори деснаго
предстоятеля славы Твоея, / Иисусе Спасе мой, / части шуия мя
избавляя.

И ныне, Богородичен: Иисуса рѣждшая Бога, Владычице, /
моли о непотребных рабѣх, Пречистая, / яко да муки молитвами
Твоими избавимся, Нескверная, оскверненнии, / славы
приносящныя наслаждающесея.

Песнь 3.

Ирмос: На камени мя веры утвердив, / расширил еси уста
моя на враги моя. / Возвесели бо ся дух мой, внигда пѣти: / несть

свят, якоже Бог наш, / и несть праведен паче Тебѣ, Гóсподи.

Иисúсе Сладчáйший, спасí мя.

Услýши, человеколóбче Иисúсе мой, рабá Твоегó, / вопиýща во умилéнии, / и избáви мя, Иисúсе, осуждéния и мýки, / едíне долготерпеливе, / Иисúсе Сладчáйший многомíлостиве.

Иисúсе Сладчáйший, спасí мя.

Подымí рабá Твоегó, Иисúсе мой, / припадаýща со слезáми, Иисúсе мой, / и спасí, Иисúсе мой, кáющагося мя / и геéнны, Влады́ко, избáви, / Иисúсе Сладчáйший многомíлостиве.

Слава: Врéмя, Иисúсе мой, е́же дал ми есí, / во стра́сти иждíх, Иисúсе мой. / Тёмже, Иисúсе мой, не отвéржи мя, / но воззовí, молю́ся, / Влады́ко Иисúсе Сладчáйший, и спасí.

И ныне, Богородичен: Дéво, рóждшая Иисúса моего́, / моли избáвити мя геéнны, / едíно предстáтельство оскорбляемых, Богоблагодáтная, / и сподóби мя жízни, Всенепорóчная, нестарéющая.

Седален, глас 1: Подобен: Гроб Твой:

Спáсе мой Иисúсе, блóднаго спасýй, / Спáсе мой Иисúсе, приéмый блудни́цу, / и менé ны́не помíлуй, Иисúсе многомíлостиве, / спасí, ущéдри, о Иисúсе благодéтелю, / якоже, Благоутрóбне, Манасси́ю, / Иисúсе мой, я́ко Едíн Человеколóбец.

Песнь 4.

Ирмос: Пришéл есí от Дéвы, не ходáтай, ни А́нгел, / но Сам, Гóсподи, вопло́щся, / и спасл есí всегó мя челове́ка. / Тем зовú Ти: / сла́ва си́ле Твоéй, Гóсподи.

Иисúсе Сладчáйший, спасí мя.

Исцели́, Иисúсе мой, ду́ши моея́ я́звы, / Иисúсе мой, молю́ся, / и ру́ки мя исхитí, Иисúсе мой благоутрóбне, / душетлéннаго велиа́ра, и спасí.

Иисúсе Сладчáйший, спасí мя.

Согреших, Иису́се мой Сладча́йший, благоутро́бне; / Иису́се мой, спаси́ мя, прибега́ющего к покрóву Твоему́, / Иису́се долготерпели́ве, / и Ца́рствия Твоего́ мя сподо́би.

Слава: Никто́же согреши́, Иису́се мой, я́коже согреших аз, ока́янный, / но припа́даю моля́ся, Иису́се мой, спаси́ мя / и жи́зни, Иису́се мой, насле́дие ми да́руй.

И ныне, Богородичен: Всепе́тая, Иису́са ро́ждшая Го́спода, / Того́ моли́ избáвити му́ки вся, пою́щая Тя, / и Богороди́цу вои́стинну имену́ющая.

Песнь 5.

Ирмос: Просвеще́ние во тме лежа́щих, / спасе́ние отча́янных, Христе́ Спа́се мой, / к Тебе́ у́треннюю, Царю́ ми́ра, / просвети́ мя сия́нием Твои́м: / ино́го бо ра́зве Тебе́ бо́га не зна́ю.

Иисусе Сладчайший, спаси́ мя.

Ты просвеще́ние, Иису́се мой, ума́ моего́, / Ты спасе́ние отча́янных ду́ш моея́, Спа́се, / Ты, Иису́се мой, му́ки избáви и ге́енны мя, зову́ща: / спаси́, Иису́се мой Христе́, мя ока́яннаго.

Иисусе Сладчайший, спаси́ мя.

Всеко́нечно, Иису́се мой, ко стра́сти безче́стия низве́ржен ны́не зову́: / Ты, Иису́се мой, по́мощи ми ру́ку низпосла́в, / исто́ргни зову́ща: / спаси́, Иису́се мой Христе́, мя ока́яннаго.

Слава: Оскверне́н ум, Иису́се мой, обно́ся, зыва́ю Ти: / очисти́ мя от скве́рны прегреше́ний / и избáви мя во глубины́ зло́бы от неведе́ния низпо́лзшагося, / Спа́се Иису́се мой, / и спаси́ мя, молю́ся.

И ныне, Богородичен: Иису́са ро́ждшая, Отрокови́це Богороди́тельнице, / Того́ умоли́ спасти́ вся правосла́вныя, мона́хи и мирскія, / и ге́енны избáвити зову́щая: / ра́зве Тебе́ предста́тельства тве́рдаго не зна́ем.

Песнь 6.

Ирмос: В бе́здне грехо́вней валя́ясь, / неизсле́дную милосе́рдия Твоего́ призыва́ю бе́здну: / от тли, Бо́же, мя возведи́.

Иисусе Сладчайший, спаси мя.

Иисусе мой Христэ многомилостиве, / исповѣдающася
приими мя, Владыко, / о Иисусе, и спаси мя, / и от тли, Иисусе,
мя исхити.

Иисусе Сладчайший, спаси мя.

Иисусе мой, никтоже бысть ин блудник, якоже аз,
страстный, / о Иисусе человеколюбче: / но Ты, Иисусе, мя спаси.

Слава: Иисусе мой, блудницу и блуднаго, / и Манассию и
мытаря преидох, о Иисусе мой, страстми, / и разбойника,
Иисусе, и ниневитяны.

И ныне, Богородичен: Иисуса Христа моего рождающая,
Пречистая Дево, / едина нескверная, / осквернена суща мя
моли твои Твоих иссопом ныне очисти.

**АКАФИСТ СЛАДЧАЙШЕМУ
ГОСПОДУ НАШЕМУ
ИИСУСУ ХРИСТУ**

Глас 8.

Кондак 1.

Возбранный Воеводо и Господи, а да победителю, / яко
избавлься от вечныя смерти, / похвальная восписую Ти,
создание и раб Твой; / но, яко имей милосердие неизреченное, /
от всяких мя бед свободи, зовуща: / Иисусе, Сыне Божий,
помилуй мя.

Икос 1.

Ангелов Творче и Господи Сил, / отверзи ми недоуменный
ум и язык на похвалу пречистаго Твоего имени, / якоже глухому
и гугнивому древле слух и язык отверзл еси, / и, глаголаше,
зовый таковая: / Иисусе пречудный, Ангелов удивление; /
Иисусе пресильный, прародителей избавление. / Иисусе
пресладкий, патриархов величание; / Иисусе преславный, царей
укрепление. / Иисусе прелюбимый, пророков исполнение; /
Иисусе предивный, мучеников крепосте. / Иисусе претихий,
монахов радости; / Иисусе премилостивый, пресвитеров

сладосте. / Иисусе премилосердый, постников воздержание; / Иисусе пресладостный, преподобных радование. / Иисусе пречестный, девственных целомудрие; / Иисусе предвечный, грешников спасение. / Иисусе, Сыне Божий, помилуй мя.

Кондак 2.

Видя вдовицу зельне плачущу, Господи, / якоже бо тогда умилосердився, сына ея на погребение несома воскресил еси; / сице и о мне умилосердися, Человеколюбче, / и грехми умерщвленную мою душу воскреси, зовущую: / Аллилуия.

Икос 2.

Разум неразуменный разумети Филипп ищя, / Господи, покажи нам Отца, глаголаше. / Ты же к нему: толикое время сый со Мною, / не познал ли еси, яко Отец во Мне, и Аз во Отце есмь? / Темже, Неизследованне, со страхом зову Ти: / Иисусе, Боже предвечный; Иисусе, Царю пресильный. Иисусе, Владыко долготерпеливый; / Иисусе, Спасе премилостивый. / Иисусе, хранителю мой преблагий; / Иисусе, очисти грехи моя. / Иисусе, отыми беззакония моя; / Иисусе, отпусти неправды моя. / Иисусе, надеждо моя, не остави мене; / Иисусе, помощниче мой, не отрини мене. / Иисусе, Создателю мой, не забуди мене; / Иисусе, Пастырю мой, не погуби мене. / Иисусе, Сыне Божий, помилуй мя.

Кондак 3.

Силою свыше апостолы облекий, Иисусе, / во Иерусалиме седящая, / облещи и мене, обнаженного от всякаго благодворения, / теплотою Духа Святаго Твоего / и даждь ми с любовию пети Тебе: / Аллилуия.

Икос 3.

Имеяй богатство милосердия, / мытари и грешники, и неверныя призвал еси, Иисусе; / не презри и мене ныне, подобнаго им, но, яко многоценное миро, прими песнь сию: / Иисусе, сило непобедимая; / Иисусе, милосте безконечная. /

Иисусе, красотó пресвѣтлая; / Иисусе, любóбы неизречѣнная. /
Иисусе, Сыне Бóга Живáго; / Иисусе, помíлуй мя грѣшнаго. /
Иисусе, услыши мя в беззакóнных зачáтаго; / Иисусе, очисти мя
во гресѣх рождѣннаго. / Иисусе, научи мя непотрѣбнаго; /
Иисусе, освети мя тѣмнаго. / Иисусе, очисти мя сквѣрнаго; /
Иисусе, возведи мя блóднаго. / Иисусе, Сыне Бóжий, помíлуй
меня.

Кондак 4.

Бúрю внутрь имѣяй помышлѣний сумнѣтельных, Петр
утопáше; / узрѣв же во плóти Тя сýща, Иисусе, и по водам
ходяща, / познá Тя Бóга íстиннаго / и, рúку спасѣния получив,
речѣ: / Аллилу́ия.

Икос 4.

Слýша слепýй мимоходяща Тя, Гóсподи, путѣм, вопиáше: /
Иисусе, Сыне Давíдов, помíлуй мя! / И, призвáв, отвѣрзл есí
óчи егó. / Просвети́ úбо мíлостию Твоѣю / óчи мысленныя
сърдца и менѣ, вопиýща Ти и глагóлюща: / Иисусе, вýшних
Сздáтелю; / Иисусе, нíжних Искупíтелю. / Иисусе,
преиспóдных потребíтелю; / Иисусе, всея твáри украсíтелю. /
Иисусе, душí мояя утѣшителю; / Иисусе, умá моего
просветíтелю. / Иисусе, сѣрдца моего весѣлие; / Иисусе, телá
моегó здравие. / Иисусе, Спасе мой, спаси́ мя; / Иисусе, свѣте
мой, просвети́ мя. / Иисусе, мýки всякия избáви мя; / Иисусе,
спаси́ мя, недостóйнаго. / Иисусе, Сыне Бóжий, помíлуй мя.

Кондак 5.

Боготóчною Крóвию я́коже искупíл есí нас дрѣвле от
закóнныя клятвы, Иисусе, / сйце изми́ нас от сѣти, ёюже змий
запáт ны / страстьми́ плотскými и блóдным наваждѣнием, и
злым ун́иением, / вопиýщия Ти: Аллилу́ия.

Икос 5.

Вíдевшѣ óтроцы еврѣйстии / во óбразе человѣчестем
Сздáвшаго рукóю человѣка / и Влады́ку разумѣвшѣ Егó,

потщáшася вѣтвѣми уго́дѣти Емú, осáнна вопиúще. / Мы же песнь принóсим Ти, глагóлюще: / Иисúсе, Бóже íстинный; / Иисúсе, Сýне Давíдов. / Иисúсе, Царю́ преслáвный; / Иисúсе, А́гнче непорóчный. / Иисúсе, Пáстырю предíвный; / Иисúсе, хранítелю во млáдости моёй. / Иисúсе, кормítелю во юности моёй; / Иисúсе, похвалó в стáрости моёй. / Иисúсе, надéждо в смёрти моёй; / Иисúсе, живóте по смёрти моёй. / Иисúсе, утешéние моё на судé Твоём; / Иисúсе, желáние моё, не посрамí менé тогдá. / Иисúсе, Сýне Бóжий, помíлуй мя.

Кондак 6.

Проповѣдник богонóсных вѣщáние и глагóлы исполнѣя, Иисúсе, / на землѣ я́влься и с челове́ки Невместíмый пожíл есí, / и болéзни нáша подъя́л есí; / отню́дуже рáнами Твоими́ мы исцелéвше, / пѣти навыкóхом: Аллилúя.

Икос 6.

Возсия́ вселénней просвещéние íстины Твоея́, / и отгна́ся лещь бесóвская: / íдоли бо, Спа́се наш, не терпя́ще Твоея́ крѣпости, падóша. / Мы же, спасéние получíвше, вопи́ем Ти: / Иисúсе, íстино, лещь отгоня́щая; / Иисúсе, свѣте, превѣ́шший всех свѣтлостей. / Иисúсе, Царю́, премога́й всех крѣпости; / Иисúсе, Бóже, пребывáяй в мíлости. / Иисúсе, Хлѣбе живóтный, насы́ти мя а́лчущаго; / Иисúсе, истóчнице рáзума, напо́й мя жа́ждушаго. / Иисúсе, одѣждо весéлия, одѣй мя тлénнаго; / Иисúсе, покрóве рáдости, покрый́ мя, недостóйнаго. / Иисúсе, подáтелю прося́щим, / даждь ми плач за грехí моя́; / Иисúсе, обрѣ́тение íщущим, / обря́щи дúшу мою́. / Иисúсе, отвѣрзítелю толкúщим, / отвѣрзи сѣрдце моё окая́нное; / Иисúсе, Иску́пителю грѣшных, / очíсти беззакóнѣя моя́. / Иисúсе, Сýне Бóжий, помíлуй мя.

Кондак 7.

Хотя́ сокровѣ́нную та́йну от вѣка открь́ти, / я́ко овчá на заколѣние ведѣ́н был есí, Иисúсе, / и я́ко а́гнец пря́мо стригúщаго егó безгла́сен, / и я́ко Бог из мѣртвых воскрѣсл есí /

и со славою на небеса вознёлся еси, / и нас совоздвигл еси,
зовущих: / Аллилу́ия.

Икос 7.

Дивную показá тварь, явлéйся Творéц нам: / без семене от
Дéвы воплотíся; / из грóба, печáти не руши́в, воскресе; / и ко
апóстолом, двéрем затворéнным, с плóтию вниде. / Тёмже
чудя́щаяся, воспойм: / Иисúсе, Сло́ве необыме́нный; / Иисúсе,
Сло́ве несогладáемый. / Иисúсе, síло непостиж́мая; / Иисúсе,
мúдросте недомы́слимая. / Иисúсе, Божество́ неопи́санное; /
Иисúсе, госпóдство неисчётное. / Иисúсе, ца́рство непобедíмое;
/ Иисúсе, влады́чество безконéчное. / Иисúсе, крéпосте
высочáйшая; / Иисúсе, вла́сте вéчная. / Иисúсе, Тво́рче мой,
ущéдри мя; / Иисúсе, Спа́се мой, спаси́ мя. / Иисúсе, Сы́не
Бо́жий, поми́луй мя.

Кондак 8.

Стра́нно Бо́га вочеловéчшаяся видяще, / устрани́мся сýетнаго
ми́ра и ум на Божéственная возложим. / Сего́ бо ра́ди Бог на
зёмлю снiде, / да нас на небеса́ возведёт, / вопи́ющих Ему́:
Аллилу́ия.

Икос 8.

Весь бе в ни́жних, / и вíшних ника́коже отступи́
Неисчётный, / егда́ волею нас ра́ди пострада́ / и смёртию Своёю
нашу́ смерть умертви́, / и Воскресéнием живóт дарова́ пои́ющим: /
Иисúсе, сладосте сердéчная; / Иисúсе, крéпосте телéсная. /
Иисúсе, свётлосте душéвная; / Иисúсе, быстротó умная. /
Иисúсе, радосте совéстная; / Иисúсе, надёждо́ известная. /
Иисúсе, пáмязе предвéчная; / Иисúсе, похвалó высокая. / Иисúсе,
славо́ моя́ превознесéнная; / Иисúсе, желáние моё, не отри́ни
мене́. / Иисúсе, Пáстырю́ мой, взыщи́ мене́; / Иисúсе, Спа́се мой,
спаси́ мене́. / Иисúсе, Сы́не Бо́жий, поми́луй мя.

Кондак 9.

Все естество́ а́нгельское / безпрестáни сла́вит пресвятóе и́мя

Твоё, Иису́се, на небеси́: / Свят, Свят, Свят, вопи́юще; / мы же, грешнии, на землі брѣнными устна́ми вопи́ем: / Аллилу́ия.

Икос 9.

Ветія многovesчанныя, якоже ры́бы безгласныя / видим о Тебе́, Иису́се, Спа́се наш: / недоуме́ют бо глаго́лати, / како́ Бог непреложный и человекъ совершённый пребыва́еши? / Мы же, та́инству дивя́щися, вопи́ем ве́рно: / Иису́се, Бо́же предвѣчный; / Иису́се, Царю́ ца́рствующих. / Иису́се, Влады́ко владе́ющих; / Иису́се, Судие́ живы́х и ме́ртвых. / Иису́се, наде́ждо ненаде́жных; / Иису́се, утешѣние пла́чущих. / Иису́се, славо ни́щих; / Иису́се, не осуди́ мя по деломъ моимъ. / Иису́се, очисти́ мя по мило́сти Тво́ей; / Иису́се, отжени́ от мене́ уны́ние. / Иису́се, просвети́ моя́ мы́сли серде́чныя; / Иису́се, даждь ми па́мять сме́ртную. / Иису́се, Сы́не Бо́жий, поми́луй мя.

Кондак 10.

Спасти́ хотя́ мир, Восто́че восто́ком, / к те́мному за́паду естество́ нашему́ прише́д, / смири́лся еси́ до сме́рти; / те́мже превознесе́ся и́мя Тво́е па́че вся́каго и́мене, / и от всехъ колѣн небесныхъ и земныхъ слы́шиши: / Аллилу́ия.

Икос 10.

Царю́ Предвѣчный, Утѣшителю, Христѣ́ и́стинный, / очисти́ ны от вся́кия скверны́, / якоже очисти́л еси́ де́сять прока́женных, / и исцели́ ны, якоже исцели́л еси́ сребролюбивую́ ду́шу Закхе́а мыта́ря, / да вопи́ем Ти, во умилѣнии зову́ще: / Иису́се, сокрови́ще нетле́нное; / Иису́се, бога́тство неисто́щимое. / Иису́се, пи́ще крѣпкая; / Иису́се, пи́тиѣ неисчерпа́емое. / Иису́се, ни́щих оде́яние; / Иису́се, вдов заступле́ние. / Иису́се, сы́рых защи́тнице; / Иису́се, тружда́ющихся по́моще. / Иису́се, страна́ных наста́внице; / Иису́се, пла́вающих ко́рмчий. / Иису́се, бу́рных оти́шие; / Иису́се, Бо́же, воздви́гни мя па́дшаго. / Иису́се, Сы́не Бо́жий, поми́луй мя.

Кондак 11.

Пѣние всеумилѣнное приношѹ Ти, недостойный, / вопиѹ Ти
 яко хананѣа: / Иисѹсе, помилуй мя; / не дщерь бо, но плоть ѣмам
 / страстьми люте бесящуюся и яростию палимую, / и исцелѣние
 даждь вопиѹщу Ти: / Аллилуѣя.

Икос 11.

Светоподательна светильника сѹщим во тьме неразѹмїа, /
 прѣжде гоняй Тя Пáвел, / богоразѹмнаго глása сїлу внушїи и
 душѣвную быстротѹ уяснїи; / сїце и менѣ тѣмныя зѣницы
 душѣвныя просветїи, зовѹща: / Иисѹсе, Царїю мой прекрѣпкий; /
 Иисѹсе, Бóже мой пресїльный. / Иисѹсе, Гóсподи мой
 пребезсмѣртный; / Иисѹсе, Создáтелю мой преслáвный. /
 Иисѹсе, Настáвниче мой предобрыи; / Иисѹсе, Пáстырю мой
 прещѣдрый. / Иисѹсе, Владыко мой премїлостивый; / Иисѹсе,
 Спáсе мой премилосѣрдый. / Иисѹсе, просветїи моѹ чѹвствїя,
 потемнѣнныя страстьми; / Иисѹсе, исцели моѹ тѣло,
 оструплѣнное грехми. / Иисѹсе, очїсти мой ум от помыслов
 сѹетных; / Иисѹсе, сохрани сѣрдце моѹ от похотей лукавых. /
 Иисѹсе, Сыне Бóжий, помилуй мя.

Кондак 12.

Благодáть подаждь ми, всех долгов решїтелю, Иисѹсе, / и
 приими мя кающася, якоже приял есї Петра, отвѣргшагося Тебѣ,
 / и призовїи мя, унывáющаго, якоже дрѣвле Пáвла, гоняща Тя, / и
 услыши мя, вопиѹща Ти: / Аллилуѣя.

Икос 12.

Поюще Твоѹ вочеловѣчение, восхваляем Тя вси / и веруем со
 Фомою, яко Господь и Бог есї, / седяй со Отцем и хотяй судити
 живым и мѣртвым. / Тогда ѹбо сподоби мя деснаго стоянїа,
 вопиющаго: / Иисѹсе, Царїю предвѣчный, помилуй мя; / Иисѹсе,
 цвѣте благовонный, облагоухай мя. / Иисѹсе, теплотó любїмая,
 огрей мя; / Иисѹсе, храмѣ предвѣчный, покрый мя. / Иисѹсе,
 одѣждо свѣтлая, украсїи мя; / Иисѹсе, бїсере честный, осияй мя. /
 Иисѹсе, камѣню драгий, просветїи мя; / Иисѹсе, солнце правды,

освети́ мя. / Иису́се, све́те святы́й, облистáй мя; / Иису́се, болéзни душéвныя и телéсныя изба́ви мя. / Иису́се, из ру́ки сопроти́вныя изми́ мя; / Иису́се, огня́ неугасима́го и прóчих вéчных мук свободи́ мя. / Иису́се, Сы́не Бóжий, помилуй мя.

Кондак 13.

О, Пресла́дкий и Всещéдный Иису́се! / Приими́ ны́не ма́лое молéние сиé на́ше, / я́коже прия́л еси́ вдови́цы две лéпте, / и сохрани́ достоя́ние Твоé от враг ви́димых и неви́димых, / от нашéствия иноплеме́нник, от недúга и гла́да, / от вся́кия скóрби и смертоно́сныя ра́ны, / и грядúщия изми́ мýки всех, вопию́щих Ти: / Аллилу́ия. **Сей кондак глаголи трижды.**

И паки читется 1-й икос: А́нгелов Тво́рче и Го́споди Сил, / отвéрзи ми недоуме́нный ум и язы́к на похвалу́ пречы́стаго Твоёго́ и́мене, / я́коже глухо́му и гугни́вому дрéвле слух и язы́к отвéрзл еси́, / и, глаго́лаше, зовы́й такова́я:

И паки 1-й кондак: Возбра́нный Воево́до и Го́споди, а́да победите́лю, / я́ко изба́влься от вéчныя сме́рти, / похва́льная восписúю Ти, создáние и раб Твой; / но, я́ко имéяй милосéрдие неизрече́нное, / от вся́ких мя бед свободи́, зовúща: / Иису́се, Сы́не Бóжий, помилуй мя.

Песнь 7.

Ирмос: О́бразу злато́му на по́ле Де́йре служи́му, / триé Твои́ отро́цы небрего́ша безбо́жнаго велéния, / посреде́ же огня́ ввэ́ржени, ороша́еми по́яху: / благослове́н еси́, Бо́же оте́ц на́ших.

Иисусе Сладчайший, спаси́ мя.

Христé Иису́се, / никто́же согрешí на земли́ от вéка, о Иису́се мой, / я́коже согрешíх аз, ока́янный и блúдный. / Тёмже, Иису́се мой, вопию́ Ти: / пою́ща мя ущéдри, / благослове́н еси́, Бо́же оте́ц на́ших.

Иисусе Сладчайший, спаси́ мя.

Христé Иису́се, / ко стра́ху Твоёмú, вопию́, пригвозди́ мя, о Иису́се мой, / и окорми́ ны́не ко приста́нищу благооты́шному, / я́ко да, Иису́се мой щéдре, пою́ Ти спаса́емый: / благослове́н еси́,

Бóже отѣц наших.

Слава: Христѣ Иисусе, / тма́ми обеща́х Тебе́, стра́стный, о Иисусе мой, покая́ние, / но солга́х ока́янный. / Те́мже, Иисусе мой, вопи́ю Ти: / нечу́вственне пребыва́ющую ду́шу мою́ просвети́, Христѣ, / отце́в Бóже благослове́н еси́.

И ныне, Богородичен: Христá Иисуса́ рóждшая страна́но и па́че естества́, / Того́ моли́, Всенепоро́чная, / я́же чрез естество́ моя́ прегреше́ния вся прости́ти ми, Отрокови́це, / да зову́ спаса́емь: / благослове́на еси́, Бóга плóтию рóждшая.

Песнь 8.

Ирмос: В пещь о́гненную ко отроко́м еврейскимъ снизше́дшаго / и пла́мень в рóсу прелóжшаго Бóга, / пойте, дела́, я́ко Го́спода, / и превозно́сите во вся ве́ки.

Иисусе Сладча́йший, спаси́ мя.

Тя, Иисусе мой, молю́: / я́коже блудни́цу, Иисусе мой, / изба́вил еси́ мно́гих согреше́ний, / та́ко и мене́, Иисусе Христѣ мой, изба́ви, / и очисти́ оскверне́нную ду́шу мою́, Иисусе мой.

Иисусе Сладча́йший, спаси́ мя.

Пре́клонився, Иисусе, безслове́сными сластьми́, / безсло́весен яви́хся и ското́м воистинну, Иисусе мой, / стра́стно ока́янный уподо́бихся; / те́мже, Иисусе, безсло́веси́я мя изба́ви.

Слава: Впад, о Иисусе, в душе́тлѣнныя разбо́йники, / обнажи́хся оде́жды, Иисусе мой, боготка́нныя ны́не, / и лежу́ ра́нами уязвен; / еле́й, Христѣ мой, возле́й на мя и вино́.

И ныне, Богородичен: Иисуса́ моего́ и Бóга носив́шая Христá несказáнно, / Богоро́дице Мари́е, / Того́ моли́ при́сно от бед спасти́ся рабо́м Твои́м, и певце́м Твои́м, / Неискусому́жная Де́во.

Песнь 9.

Ирмос: От Бóга Бóга Сло́ва, / неизрече́нною му́дростию прише́дшаго обновити́ Ада́ма, / я́дию в тлѣние па́дшаго лю́те, / от Святы́я Де́вы неизрече́нно воплотив́шагося нас ра́ди, / ве́рнии единому́дренно пе́сньми велича́ем.

Иисусе Сладчайший, спаси мя.

Манассию, Иисусе мой, / мытаря, блудницу, блудного, щедре Иисусе, / и разбойника преидох, Иисусе мой, / в делех студных и безместных, Иисусе; / но Ты, Иисусе мой, предварив, мя спаси.

Иисусе Сладчайший, спаси мя.

От Адама, Иисусе мой, согрешившия вся, / прежде закона и в законе, Иисусе, / и по законе, окаянный, и благодати, Иисусе мой, / победих страстьми окаянно; / но Ты, Иисусе мой, / судьбами Твоими спаси мя.

Слава: Да не отлучен буду, Иисусе мой, неизреченныя Твоея славы, / да не улучу части, Иисусе, шуия, Сладчайший Иисусе; / но Ты мя десным овцам Твоим, / Христе Иисусе мой, сочетав / упокой, яко благоутробен.

И ныне, Богородичен: Иисуса, Богородице, Егоже носила еси, / едина неискусомужная Дево Марие, / Того, Чистая, умиловити, / яко Сына Твоего и Зиждителя, / избавити притекающия к Тебе / искушений и бед, и огня будущаго.

Светилен:

Иисусе, премудрости и смысла Подателю, / нищим Кормителю, сирым Заступниче, болящим Врачу, / исцели и просвети мое сердце, Иисусе, / струпы греховными и страстей тлею покровенное, / Иисусе, и спаси мя.

Богородичен: Сиянием, Дево, из Тебе возсиявшаго Света, / ум мой озари, сердце просвети, / тьму греховную отгоняючи, / и мглу лености моя потребляючи.

**Молитва ко Господу нашему
Иисусу Христу.**

Владыко Господи Иисусе Христе Боже наш, Иже неизреченнаго ради Твоего человеколюбия на конец веков в плоть оболкйся от Приснодевы Марии, славим о нас Твое спасительное промысление раби Твои, Владыко; песнословим Тя, яко Тебе ради Отца познахом; благословим Тя, Егоже ради и

Дух Святы́й в мир при́иде, поклоня́емся Твое́й по плоти́ Пречи́стей Ма́тери, тако́вэй стра́шной та́йне послуживше́й; восхваля́ем Тво́я А́нгельская ликостоя́ния, я́ко воспева́тели и служи́тели Твоего́ вели́чества; ублажа́ем Предте́чу Иоа́нна, Тебе́ крестивша́го, Го́споди; почита́ем и провозвестив́шия Тя проро́ки, прославля́ем апо́столы Тво́я святы́я; торжеству́ем же и му́ченики, священни́ки же Тво́я сла́вим; поклоня́емся преподо́бным Тво́им, и вся Тво́я пра́ведники пе́стунствуем. Тако́ваго и то́ликаго мно́гаго и неизрече́ннаго ли́ка Божества́ннаго в моли́тву приводи́м Тебе́, всеще́дрому Бо́гу, раба́ Тво́й, и сего́ ра́ди про́сим на́шим согреше́нием проще́ние, е́же да́руй нам всех Тво́их ра́ди святы́х, изря́днее же святы́х Тво́их щедро́т, я́ко благослове́н еси́ во ве́ки. Ами́нь.

Молитва иная.

Тебе́, Го́споди, еди́ному Благо́му и Непамязло́бному, испове́даю грехи́ моя́, Тебе́ припада́ю вопи́я, недосто́йный: согреших, Го́споди, согреших и несмь досто́ин воззрети́ на высоту́ небесну́ю от мно́жества неправд мо́их. Но, Го́споди мой, Го́споди, да́руй ми слёзы уми́ления, еди́ный Бла́же и Ми́лостивый, я́ко да́ими Тя умолю́, очи́стится пре́жде ко́нца от вся́каго греха́: стра́шно бо и гро́зно ме́сто я́мам прои́ти, те́ла разлучи́вся, и мно́жество мя мра́чное и безчелове́чное де́монов сря́щет, и никто́же в по́мощь спутству́яй или́ избавля́яй. Тем припада́ю Твое́й бла́гости, не преда́ждь оби́дящим мя, ниже́ да похва́лятся о мне врази́ мои́, Благо́й Го́споди, ниже́ да реку́т: в ру́ки на́ша пришёл еси́, и нам пре́дан еси́. Ни, Го́споди, не забуди́ щедро́т Тво́их и не возда́ждь ми по беззакони́ем мо́им, и не отврати́ лица́ Твоего́ от мене́: но Ты, Го́споди, накажи́ мя, о́баче ми́лостию и щедро́тами. Враг же мой да не возра́дуется о мне, но угаси́ его́ на мя преще́ния и все упраздни́ его́ де́йство, и даждь ми к Тебе́ путь неукор́ный, Благо́й Го́споди: зане́же и согрешив, не прибе́гох ко ино́му врачу́, и не простро́х ру́ки мое́я к бо́гу чужде́му, не отри́ни у́бо моле́ния моего́, но услы́ши мя Твое́ю благо́стию и утверди́ моё се́рдце стра́хом Тво́им, и да бу́дет благода́ть Тво́я на мене́, Го́споди, я́ко огонь попада́яй

КАНОН УМИЛИТЕЛЬНЫЙ С АКАФИСТОМ

нечыстыя во мне помыслы. Ты бо еси, Господи, свет, паче всякаго света; радость, паче всякия радости; упокоение, паче всякаго упокоения; жизнь истинная и спасение, пребывающее во веки веков, аминь.

[В оглавление](#)

КАНОН МОЛЕБНЫЙ КО ПРЕСВЯТЕЙ БОГОРОДИЦЕ

**Поемый во всякой
скорби душевной и обстоянии.
Творение Феостирикта монаха.**

Тропарь Богородице, глас 4:

К Богорóдице прилѣжно ныне притецѣм, / грѣшнии и смиреннии, и припадѣм, / в покаянии зовуще из глубины душй: / Владычице, помози, на ны милосердовавши, / потщися, погибаетъ от множества прегрешений, / не отврати Твоя рабы тщи, / Тя бо и едину надежду имамы. **Дважды.**

Слава, и ныне: Не умолчимъ никогда, Богорóдице, / силы Твоя глаголати, недостойнии: / аще бо Ты не бы предстоила молящи, / кто бы нас избавил от толикихъ бед; / кто же бы сохранил до ныне свободны; / не отступим, Владычице, от Тебѣ, / Твоя бо рабы спасаеши присно от всякихъ лютыхъ.

Таже псалом 50: Помилуй мя, Бóже:

И канон Пресвятыя Богородицы. Глас 8. Песнь 1.

Ирмос: Вóду прошѣд яко сýшу, / и египетскаго зла избежавъ, / израильтянин вопияше: / избавителю и Бóгу нашему поим.

Пресвятая Богорóдице, спаси нас.

Многими содержимъ напастыми, / к Тебѣ прибегаю, спасения искый: / о, Мати Слóва и Дѣво, / от тяжкихъ и лютыхъ мя спаси.

Пресвятая Богорóдице, спаси нас.

Страстей мя смущают прилози, / многаго уныния исполнити мою дýшу; / умири, Отроковице, / тишиною Сына и Бóга Твоего, Всенепорóчная.

Слава: Спаса рождшую Тя и Бóга, / молю, Дéво, избáвительница
ми лю́тых: / к Тебé бо ны́не прибега́я, / простира́ю и ду́шу и
помышле́ние.

И ныне: Недúгующа тéлом и душе́ю, / посещения
Божéственного и промыслéния от Тебé сподóби, е́дина
Богомáти, / я́ко благáя, Благáго же Родíteльница.

Песнь 3.

Ирмос: Небéснаго кру́га Верхотворче, Гóсподи, / и Цéркве
Зиждíteлю, / Ты ме́не утверди́ в любви́ Твоéй, / желáний кра́ю,
вёрных утвержде́ние, / е́дине Человеколю́бче.

Пресвятáя Богородице, спаси́ нас.

Предстáтельство и покрóв жи́зни моея́ / полага́ю Тя,
Богородíteльнице Дéво: / Ты мя окорми́ ко пристáнищу Твоему́,
благих ви́новна; / вёрных утвержде́ние, е́дина Всепéтая.

Пресвятáя Богородице, спаси́ нас.

Молю́, Дéво, душе́вное смущéние и печáли моея́ бúрю
разори́ти: / Ты бо, Богоневéстная, / начальника ти́шины Христа́
родила́ еси́, е́дина Пречи́стая.

Слава: Благодéтеля рóждши дóбрых ви́новнаго, /
благодéяния богáтство всем источи́, / вся бо мóжеши, / я́ко
сильнаго в крéпости Христа́ рóждши, Богоблаже́нная.

И ныне: Лю́тыми недúги и болéзненными страстьми́
истязáему, Дéво, Ты ми помози́: / исцелéний бо неоскúдное Тя
знаю сокрови́ще, Пренепорóчная, неизживáемое.

Спаси́ от бед рабы́ Твоя́, Богородице, / я́ко вси по Бóзе к
Тебé прибега́ем, / я́ко неруши́мей стене́ и предстáтельству.

При́зри благосéрдием, всепéтая Богородице, / на моé лю́тое
телесé озлобле́ние, / и исцели́ души́ моея́ болéзнь.

Тропарь, глас 2:

Моле́ние тёплое и стена́ необори́мая, / мило́сти исто́чнице,
ми́рови прибе́жище, / приле́жно вопие́м Ти: / Богородице
Влады́чице, предвари́, / и от бед избáви нас, / е́дина вско́ре

предстательствующая.

Песнь 4.

Ирмос: Услышах, Господи, / смотрения Твоего таинство, / разумех дела Твоя / и прославих Твое Божество.

Пресвятая Богородице, спаси нас.

Страстей моих смущение, / кормчию рождающая Господа, / и бурю утиши моих прегрешений, Богоневестная.

Пресвятая Богородице, спаси нас.

Милосердия Твоего бездну призывающую подаждь ми, / яже Благосердаго рождающая и Спаса всех поющих Тя.

Пресвятая Богородице, спаси нас.

Наслаждающаяся, Пречистая, Твоих дарований, / благодарственное воспеваем пение, / ведуще Тя Богоматерь.

Слава: На одре болезни моя и немощи низлежащу ми, / яко благолюбива, помози, Богородице, / едина Приснодево.

И ныне: Надежду и утверждение и спасения стелу недвижиму имущу Тя, Всепетая, / неудобства всякаго избавляемся.

Песнь 5.

Ирмос: Просвети нас повеления Твоими, Господи, / и мщицею Твоею высокою / Твой мир подаждь нам, Человеколюбче.

Пресвятая Богородице, спаси нас.

Исполни, Чистая, веселия сердце мое, / Твою нетленную дающи радость, / веселия рождающая Виновнаго.

Пресвятая Богородице, спаси нас.

Избави нас от бед, Богородице Чистая, / вечное рождающая избавление, / и мир, всяк ум преимуший.

Слава: Разрши мглу прегрешений моих, Богоневесто, / просвещением Твоея светлости, / Свет рождающая Божественный и превечный.

КАНОН МОЛЕБНЫЙ КО ПРЕСВЯТЕЙ БОГОРОДИЦЕ

И ныне: Исцели, Чистая, души моя немощение, / посещения Твоего сподобляшая, / и здравие молитвами Твоими подаждь ми.

Песнь 6.

Ирмос: Молитву пролию ко Господу, / и Тому возвещу печали моя, / яко зол душа моя исполнися, / и живот мой аду приближися, / и молюся яко Иона: / от тли, Боже, возведи мя.

Пресвятая Богородице, спаси нас.

Смерти и тли яко спасл есть, / Сам Ся издав смерти, / тлением и смертию мое естество, ято бывшее, Дево, / моли Господа и Сына Твоего, / врагов злодействия мя избавити.

Пресвятая Богородице, спаси нас.

Предстательницу Тя живота вем и хранительницу тверду, Дево, / и напастей решащу молвы, и налоги бесов отгоняющую; / и молюся всегда, от тли страстей моих избавити мя.

Слава: Яко стену прибежища стяжахом, / и душ всесовершенное спасение, / и пространство в скорбех, Отроковице, / и просвещением Твоим присно радуемся: / о, Владычице, и ныне нас от страстей и бед спаси.

И ныне: На одре ныне немощствуяй лежу, / и несть исцеления плоти моей: / но, Бога и Спаса миру и Избавителя недугов рождающая, / Тебе молюся, Благой: / от тли недуг возстави мя.

Кондак, глас 6:

Предстательство христиан непостыдное, / ходатайство ко Творцу непреложное, / не презри грешных молений гласы, / но предвари, яко Благая, на помощь нас, верно зовущих Ти; / ускори на молитву, и потщися на умоление, / предстательствующи присно, Богородице, чтущих Тя.

Иный кондак, глас тот же:

Не имамы инья помощи, / не имамы инья надежды, / разве Тебе, Пречистая Дево. / Ты нам помози, / на Тебе надеемся, и

Тобою хва́лимся, / Твой бо есмь рабы́, да не постыди́мся.

Стихира, глас тот же:

Не ввѣри мя человѣческому предстательству, / Пресвятая Владычице, / но прими́ моление раба Твоего́: / скорбь бо одержитъ мя, / терпѣти не могу́ дѣмонскаго стрѣлянія, / покрова не имамъ, / ниже́ где прибѣгну, окаянный, / всегда́ побеждаемъ, / и утешѣнія не имамъ, разве Тебѣ, Владычице мѣра, / упование и предстательство вѣрныхъ, / не презри моление мое́, полезно сотвори́.

Песнь 7.

Ирмос: От Иудѣи дошедше отроцы, / в Вавилоне иногда́, / верою Трѣбическою пламень пещный попраша, поюще: / отцевъ Бже, благословен еси́.

Пресвятая Богородице, спаси нас.

Наше спасение якоже восхотѣл еси́, Спасе, устроити, / во утробу Девыя вселился еси́, / Юже мѣру предстательницу показал еси́: / отецъ нашихъ Бже, благословен еси́.

Пресвятая Богородице, спаси нас.

Волителя милости, Егже родила еси́, Мати чистая, / умоли́ избавитися от прегрешений и душевныхъ сквернъ верою зовущимъ: / отецъ нашихъ Бже, благословен еси́.

Слава: Сокровище спасения и Источникъ нетления, Тя Родшую, / и столп утверждения, и дверь покаяния, зовущимъ показал еси́: / отецъ нашихъ Бже, благословен еси́.

И ныне: Телесныя слабости и душевныя недуги, Богородительнице, / любовьию приступающихъ к крову Твоему́, Дѣво, исцелити сподоби, / Спаса Христа́ намъ рождающая.

Песнь 8.

Ирмос: Царя́ Небеснаго, / Егже поютъ вси́ Ангельстии, / хвалите и превозносите во вся вѣки.

Пресвятая Богородице, спаси нас.

Помощи яже от Тебѣ трѣбующия не презри, Дѣво, / поющия и превозносящия Тя во вѣки.

Пресвятая Богородице, спаси нас.

Неможѣние душѣ моея исцеляеши и телесныя болѣзни, Дѣво, / да Тя прославлю, Чистая, во вѣки.

Слава: Исцелений богатство изливаеши вѣрно поющим Тя, Дѣво, / и превозносящим неизреченное Твое рождество.

И ныне: Напастей Ты прилоги отгоняеши и страстей находы, Дѣво: / темже Тя поем во вся вѣки.

Песнь 9.

Ирмос: Войстинну Богородицу / Тя исповѣдуем, / спасенни Тобою, Дѣво чистая, / с безплотными лики Тя величающе.

Пресвятая Богородице, спаси нас.

Тока слез моих не отвратися, / Яже от всякаго лица всяку слезу отъемшаго, / Дѣво, Христа рождающая.

Пресвятая Богородице, спаси нас.

Радости мое сердце исполни, Дѣво, / Яже радости приемшая исполнение, / греховную печаль потребляющая.

Пресвятая Богородице, спаси нас.

Пристанище и предстательство к Тебѣ прибегающих / буди, Дѣво, и стена нерушимая, / прибежище же и покров и веселие.

Слава: Света Твоего зарями просвети, Дѣво, / мрак неведения отгоняющая, / благоверно Богородицу Тя исповѣдающих.

И ныне: На месте озлобления немощи смирившася, Дѣво, исцели, / из нездравия во здравие претворяющая.

И абие: Достойно есть:

И кадит священник жертвенник и люди, и мы поем настоящия Богородичны:

Вышшую небес, / и чистшую светлостей солнечных, / избавляющую нас от клятвы, / Владычицу мира / песнями почитим.

От многих моих грехов / немощствует тело, / немощствует и

КАНОН МОЛЕБНЫЙ КО ПРЕСВЯТЕЙ БОГОРОДИЦЕ

душá моя: / к Тебѣ прибегáю Благодáтней, / надежде ненадежных, / Ты ми помози́.

Влады́чице и Мáти Избáвителя, / примí моление / недостóйных раб Твои́х, / да ходáтайствуеши к Рóждшемуся от Тебѣ. / О Влады́чице мíра, буди Ходáтаица!

Поём приле́жно Тебѣ песнь ны́не / всепéтой Богорóдице радóстно, / со Предт́ечю, и все́ми святы́ми, / моли́ Богорóдице, / е́же ущéдрити ны.

(Нéмы устнѣ нечестíвых, / не поклáняющихся óбразу Твоему́ честнóму, / и́же напи́сан бысть от Апóстола Луки свящénнейша, / Оди́гтрии.)

Вся А́нгелов во́инства, / Предт́ече Госпóдень, / апóстолов двенадесáтице, святы́и вси / с Богорóдицею, сотвори́те моли́тву, / во е́же спастíся нам.

Таже: Трисвятое: Пресвятáя Трóице: по Óтче наш:

Молитвы ко Пресвятой Богородице.

Царíце моя́ преблагáя, надеждо́ моя́ Богорóдице, приятелище́ сы́рых и стрáнных предстáтельнице, скорб́ящих радóсте, обидимых покровíтельнице! Зрíши мою́ бедú, зрíши мою́ скорб́ь, помози́ ми я́ко нéмощну, окормí мя я́ко стрáнна. Обиду́ мою́ вéси, разреши́ ту, я́ко во́лиши: я́ко не íмам инýя пóмощи рáзве Тебѣ, ни инýя предстáтельницы, ни благíя ут́ешительницы, тóкмо Тебѣ, о Богомáти, я́ко да сохрани́ши мя и покрýеши во вéки веко́в. Амíнь.

К кому́ возопиú, Влады́чице? К кому́ прибегну́ в гóрести моéй, áще не к Тебѣ, Царíце Небéсная? Кто плач мой и воздыхáние мое́ при́имет, áще не Ты, Пренепорóчная, надеждо́ христиáн и прибéжище нам, грéшным? Кто пáче Тебѣ в напáстех защитíт? Услы́ши úбо стенáние моé, и приклони́ úхо Твоé ко мне, Влады́чице Мáти Бóга моего́, и не прéзри менé, трéбующаго Твоея́ пóмощи, и не отрини́ менé, грéшнаго. Вразумí и научí мя, Царíце Небéсная; не отступи́ от менé, рабá Твоего́, Влады́чице, за роптáние моé, но буди́ мне Мáти и заступница. Вручáю себѣ мíлостивому покрóву Твоему́:

КАНОН МОЛЕБНЫЙ КО ПРЕСВЯТЕЙ БОГОРОДИЦЕ

приведи́ мя, грѣшнаго, к тихой и безмятежной жизни, да плачуся о гресѣх моих. К кому́ бо прибѣгну повинный аз, аще не к Тебѣ, упованію и прибѣжищу грѣшных, надеждою на неизреченную милость Твою́ и щедроты Твоя́ окриляемъ? О, Владычице Цари́це Небѣсная! Ты мне упованіе и прибѣжище, покрѡв и заступленіе и по́мощь. Цари́це моя́ преблага́я и ско́рая заступнице! Покрый Твоимъ ходатайствомъ моя́ прегрѣшенія, защити́ мене́ от врагъ ви́димыхъ и неви́димыхъ; умягчи́ сердца́ злыхъ человекъ, возстающихъ на мя. О, Ма́ти Го́спода моего́ Творца́! Ты еси́ ко́рень дѣвства и неувядаемый́ цветъ чистоты́. О, Богороди́тельнице! Ты пода́ждь ми по́мощь немощствующему́ плотскіи́ми страстьми́ и болѣзнующему́ сердцемъ, еди́но бо Твое́ и с Тобо́ю Твоего́ Сы́на и Бо́га на́шего има́мъ заступленіе; и Твоимъ пречу́днымъ заступленіемъ да изба́влюся от всякія бѣды́ и напа́сти, о Пренепоро́чная и Пресла́вная Бо́жия Ма́ти Мари́е. Те́мже со упованіемъ глаго́лю и вопию́: ра́дуйся, благодатная, ра́дуйся, обра́дованная; ра́дуйся, преблагословенная, Госпо́дь с Тобо́ю.

В оглавление

**КАНОН
БЛАГОДАРНЫЙ С АКАФИСТОМ
КО ПРЕСВЯТЕЙ БОГОРОДИЦЕ**

Тропарь, глас 8:

Повелѣнное тайно приѣм в разумѣ, / в кровѣ Иосифове
тщанием предстá безплотный, / глаголя Неискусобращней: /
Приклонивый схождением небеса́, вмещáется неизменно весь в
Тя. / Егóже и видя в ложесна́х Твоих / приѣмша ра́бий зрак, /
ужаса́юся зва́ти Тебе́: / ра́дуйся Невѣсто Невѣстная.

**Канон, творение Иосифово,
егоже краегранесие сицево:**

Ра́дости приятелище,
Тебе́ подобáет ра́доватися еди́ней.

Глас 4. Песнь 1.

Ирмос: Отвѣрзу уста́ моя́, / и напóлнятся Дúха, / и слóво
отры́гну Царѣце Мáтери, / и явлю́ся, свѣтло торжествúя, / и
воспою́, ра́дуюся, Го́я чудеса́.

Пресвятáя Богородице, спаси́ нас.

Христóву кнѣгу одушевлѣнную, запечатлѣнную Тя Дúхом, /
великий Архáнгел, Чѣстая, зря возглашáше Ти: / ра́дуйся,
ра́дости приятелище, / Ёюже прамáтерняя кля́тва разрешѣтся.

Пресвятáя Богородице, спаси́ нас.

Ада́мово исправлѣние, ра́дуйся / Дѣво Богоневѣсто, áдово
умерщвлѣние. / Ра́дуйся Всенепорóчная, палáто всех Царя́: /
ра́дуйся, престóле óгненный Вседержѣтеля.

Слава: Цвѣте неувядáемый, ра́дуйся / еди́на прозя́бшая
я́блоко благово́нное. / Ра́дуйся ро́ждшая благоухáние еди́наго
Царя́. / Ра́дуйся Неискуобращная, мѣрови спасѣние.

И ныне: Чистоты́ сокровище, ра́дуйся, / Ёюже от падѣния
на́шего воста́хом. / Ра́дуйся, сладкоухáнный крѣне Влады́чице, /

вѣрных благоухáяй, кадíло благовѣнное, / и мíро многоцѣнное.

Песнь 3.

Ирмос: Твоя песнословцы, Богородице, / Живый и Независтный Источниче, / лик себе совокúпльшия, духовно утверди, / в Божественной Твоей славе / венцев славы сподоби.

Пресвятая Богородице, спаси нас.

Клас прозябшая Божественный, яко нива неорáнная яве, / радуйся одушевленная трапéзо, хлеб животный вмещая. / Радуйся, животныя воды источниче неистоцáемый, Владычице.

Пресвятая Богородице, спаси нас.

Юнице Юнца рождшая непорочнога, радуйся вѣрным. / Радуйся Агнице, рождшая Божияго Агнца, / вземлющаго мира всего прегрешения. / Радуйся тёплое очистилище.

Слава: Утро светлейшее, радуйся / едина Солнца носящая Христа, света жилище. / Радуйся, тьму разрушившая, / и мрачныя бѣсы отнюд отгнавшая.

И ныне: Радуйся, двѣре едина, / Ёюже Слово прѣйде едино, / верей и вратá адова, Владычице, Рождеством Твоим сокрушившая. / Радуйся, Божественный входе спасаемых, Богоневѣсто.

Песнь 4.

Ирмос: Седяй в Славе / на Престоле Божества / во облаце лёгце, / прииде Иисус Пребожественный, / Нетленною Дланию / и спасе зовущия: / слава, Христѣ, силе Твоей.

Пресвятая Богородице, спаси нас.

Во гласех пений, Дѣво / Тебѣ вопиём Всепѣтая: / радуйся, тучная горб и усырѣнная Духом. / Радуйся свѣщнице, и стáмно мánну носящая, / услаждающая всех благочестивых чувства.

Пресвятая Богородице, спаси нас.

Очистилище миру, радуйся, Пречистая Владычице. / Радуйся лѣстнице, от земли всех возвысившая благодатию. / Радуйся мѣсте, воистинну преводяй всех / от смѣрти к животу

поющих Тя.

Пресвятая Богородице, спаси нас.

Небес превышшая, радуйся, земли основание / в Твоих
ложеснах Пречистая, нетрудно носившая. / Радуйся червленнице,
багрянницу Божественную омочившая, / от кровей Твоих, Царевы
силам.

Слава: Законодательница рождающая истинного, радуйся
Владычице, / беззакония всех туне очищающая. / Недоверенная
глубиною, высотой неизреченная, браконейская, / Еюже мы
обожихомся.

И ныне: Тя исплетшую миру нерукоплетенный венец
песнословим, / радуйся, Тебе Дево зовуще: / хранилище всех и
ограждение, и утверждение, / и священное прибежище.

Песнь 5.

Ирмос: Ужасошася всяческая / о Божественной славе Твоей:
/ Ты бо, Неискусобрачная Дево, / имела еси во утробе над всеми
Бога / и родила еси Безлетного Сына, / всем воспевающим Тя /
мир подающая.

Пресвятая Богородице, спаси нас.

Путь рождающая жизни, радуйся Пренепорочная, / от потопа
греховного мир спасающая: / радуйся Богоневесто, слышание и
глаголение страшное: / радуйся пребывание Владыки твари.

Пресвятая Богородице, спаси нас.

Крепость и утверждение человеков, радуйся Пречистая, /
место освящения славы, умерщвление адово, чертоже
всесветлый. / Радуйся ангелов радости: / радуйся помощи верно
молящихся Тебе.

Пресвятая Богородице, спаси нас.

Огнеобразная колесница Слова, радуйся Владычице, /
одушевленный рай, древо посреде имущи жизни Господа, /
Егоже сладость оживотворяет верою причащающихся, и тли
подклонившихся.

Слава: Укрепляеми силою Твоею, верно вопиём Ти: /

ра́дуйся, гра́де всех Царя́, / пресла́вная и достосла́шанная о
Не́йже глаго́лана бы́ша я́ве, горó несекóмая: / ра́дуйся глуби́но
неизме́римая.

И ныне: Простра́нное селе́ние Сло́ва, ра́дуйся Пречи́стая, /
сосу́де, Божество́нный би́сер произве́дшая. / Ра́дуйся, всечу́дное
всех к Бо́гу примире́ние, / блажа́щих Тя Богоро́дице всегда́.

Песнь 6.

Ирмос: Божество́нное си́е и всечестно́е / соверша́юще
пра́зднество, / Богому́дри, Богома́тере, / прииди́те, рука́ми
восплещи́м, / от Нея́ ро́ждшагося Бо́га сла́вим.

Пресвята́я Богоро́дице, спаси́ нас.

Чертóже Сло́ва нескве́рный, вина́ всех обоже́ния, / ра́дуйся
Пречи́стая, проро́ков оглаше́ние: / ра́дуйся, апо́столов
удобре́ние.

Пресвята́я Богоро́дице, спаси́ нас.

От Тебе́ роса́ ука́ну, пла́мень многобо́жия угаси́вшая. / Тем
вопи́ем Ти: / ра́дуйся, руно́ одушевле́нное, е́же Гедео́н, Де́во,
предви́де.

Слава: Се Тебе́ [Де́во] ра́дуйся, зове́м: / пристáнище нам
бу́ди вла́ющимся, / и оти́шия в пучи́не скорбе́й, / и собла́знов
всех борите́ля.

И ныне: Ра́дости вина́, облагодати́ наш по́мысл, е́же зва́ти
Тебе́: / ра́дуйся неопали́мая купино́, о́блаче всесве́тлый, / ве́рныя
непреста́нно осеня́ющий.

АКАФИСТ ПРЕБЛАГОСЛОВЕННОЙ ВЛАДЫЧИЦЕ НАШЕЙ БОГОРОДИЦЕ И ПРИСНОДЕВЕ МАРИИ

Глас 8.

Кондак 1.

Взбра́нной Воево́де победи́тельная, / я́ко избáвльшеся от
злых, / благода́рственная воспису́ем Ти раба́ Твои́, Богоро́дице, /
но я́ко иму́щая держа́ву непобеди́мую, / от всяких нас бед

свободі, да зовём Ти: / радуйся, Невёсто Неневёстная.

Икос 1.

А́нгел предста́тель с небесе́ послан бысть рещи́ Богородице: раду́йся, / и со безплóтным глáсом воплоща́ема Тя зря, Гóсподи, ужаса́шеся / и стоя́ше, зовый́ к Ней тако́вая: / Раду́йся, Ёюже ра́дость возсия́ет; / раду́йся, Ёюже кля́тва изчезнет. / Раду́йся, па́дшаго Ада́ма воззва́ние; / раду́йся, слез Ёвиных избавле́ние. / Раду́йся, высотó неудобовосходи́мая челове́ческими по́мыслы; / раду́йся, глубино́ неудобозри́мая и а́нгельскими́ очима́. / Раду́йся, я́ко еси́ Царе́во седа́лище; / раду́йся, я́ко но́сиши Нося́щаго вся. / Раду́йся, звездó, явля́ющая Со́лнце; / раду́йся, утробó Божественна́го воплоще́ния. / Раду́йся, Ёюже обновля́ется тварь; / раду́йся, Ёюже покланя́емся Творцу́. / Раду́йся, Невёсто Неневёстная.

Кондак 2.

Ви́дящи Свята́я Себе́ в чистоте́, / глаго́лет Гаври́илу дерзостно: / пресла́вное твоего́ глáса неудобоприятельно́ души́ Моёй явля́ется: / безсе́меннаго бо зача́тия рождество́ ка́ко глаго́леши, зовый́: / Аллилу́ия.

Икос 2.

Ра́зум недоразумева́емый разумети́ Де́ва и́щущи, / возопи́ к служа́щему: / из боку́ чисту, Сы́ну ка́ко есть родитися́ мо́щно, рцы́ Ми? / К Не́йже он рече́ со стра́хом, оба́че зовый́ си́це: / Раду́йся, сове́та неизрече́ннаго тайни́це; / раду́йся, молча́ния прося́щих ве́ро. / Раду́йся, чуде́с Христо́вых нача́ло; / раду́йся, велений́ Его́ главизно́. / Раду́йся, ле́стнице небеса́я, Ёюже сниде́ Бог; / раду́йся, мо́сте, преводя́й су́щих от земли́ на не́бо. / Раду́йся, А́нгелов многосло́вущее чу́до; / раду́йся, бесо́в многоплаче́вное пораже́ние. / Раду́йся, Свет неизрече́нно роди́вшая; / раду́йся, е́же ка́ко, ни еди́наго же научи́вшая. / Раду́йся, премудры́х превосходя́щая ра́зум; / раду́йся, ве́рных озаря́ющая смы́слы. / Раду́йся, Невёсто Неневёстная.

Кондак 3.

Сила Вѣшняго осени тогда к зачатию Браконейскую, / и благоплодная Той ложесна, яко село показá сладкое, / всем хотящим жати спасение, всегда пѣти сице: / Аллилу́ия.

Икос 3.

И́мущи Богоприятную Дѣва утробу, востече ко Елисавети; / младенец же о́ная а́бие познав Сея целование, радовашеся, / и игра́нми яко пѣсньми вопи́аше к Богородице: / Ра́дуйся, отрасли неувядаемыя розго; / ра́дуйся, Плода́ безсмертнаго стяжание. / Ра́дуйся, Дѣлателя́ делающая́ человеколю́бца; / ра́дуйся, Сади́теля жи́зни на́шея ро́ждшая. / Ра́дуйся, ниво, растя́щая гобзова́ние щедро́т; / ра́дуйся, трапе́зо, нося́щая оби́лие очище́ний. / Ра́дуйся, яко рай пи́щный процвета́еши; / ра́дуйся, яко приста́нище душáм гото́виши. / Ра́дуйся, приятное моли́твы кади́ло; / ра́дуйся, всего́ ми́ра очище́ние. / Ра́дуйся, Бо́жие к сме́ртным благово́ление; / ра́дуйся, сме́ртных к Бо́гу дерзнове́ние. / Ра́дуйся, Невѣсто́ Нене́вѣстная.

Кондак 4.

Бу́рю внутрь имѣя помышлений сумнительных, / целомудренный Ио́сиф смяте́ся, к Тебе́ зря небра́чней, / и бракоокра́дованную помышля́я, Непоро́чная; / увѣдев же Твое́ зачатие от Ду́ха Свя́та, рече́: / Аллилу́ия.

Икос 4.

Слы́шаша па́стырие А́нгелов пою́щих плотско́е Христо́во прише́ствие, / и те́кше яко к Па́стырю ви́дят Сего́ яко а́гнца непоро́чна, / во чре́ве Мари́ине упас́шася, Ю́же пою́ще реша́: / Ра́дуйся, А́гнца и Па́стыря Ма́ти; / ра́дуйся, дво́ре словесных овец. / Ра́дуйся, невидимых врагов мучение; / ра́дуйся, райских дверей отве́рзение. / Ра́дуйся, яко небесная сра́дуются земны́м; / ра́дуйся, яко земна́я сликовствую́т небесным. / Ра́дуйся, апо́столов немол́чная уста́; / ра́дуйся, страстоте́рпцев непобеди́мая дерзосте́. / Ра́дуйся, твёрдое ве́ры утвержде́ние; / ра́дуйся, све́тлое благода́ти позна́ние. / Ра́дуйся, Ё́юже обнажи́ся

ад; / радуйся, Ёюже облекóхомся славою. / Радуйся, Невéсто Неневéстная.

Кондак 5.

Боготéчную звездú узрéвше волсвí, тоя послéдоваша зарí, / и я́ко светíльник держáще ю, тою испытáху крéпкого Царя, / и достíгше Непостижíмаго, возра́довашася, Емú вопио́ще: / Аллилúия.

Икос 5.

Вíдеша óтроцы халдéйстии на рукú Девíчу Создáвшего рука́ми челове́ки, / и Влады́ку понима́юще Егó, áще и ра́бий при́ят зрак, / потщáшася дармí послужíти Емú, и возопíти Благословéнной: / Радуйся, звезды́ незаходíмыя Мáти; / радуйся, зарé та́инственного дне. / Радуйся, прéлести пещь угасíвшая; / радуйся, Трóицы та́инники просвещáющая. / Радуйся, мучíтеля безчеловéчнаго изметáющая от начальства; / радуйся, Гóспода человеколю́бца показáвшая Христá. / Радуйся, вáрварскаго избавля́ющая служéния; / радуйся, тимéния изымáющая дел. / Радуйся, огня́ поклонéние угасíвшая; / радуйся, пла́мене страстéй изменя́ющая. / Радуйся, вёрных настав́нице целомúдрия; / радуйся, всех родóв весéлие. / Радуйся, Невéсто Неневéстная.

Кондак 6.

Проповéдницы богонóснии, б́ывше волсвí, / возвратíшася в Вавилóн, скончáвше Твое́ прорóчество, / и проповéдавше Тя Христá всем, / оста́виша Ёрода я́ко буеслóвьяща, не вéдуща пéти: / Аллилúия.

Икос 6

Возсия́вый во Егíпте просвещéние íстины, отгна́л есí лжи тьму: / íдоли бо егó, Спа́се, не терпя́ще Твоея́ крéпости, падóша, / сих же избáвльшиися вопия́ху к Богорóдице: / Радуйся, исправлéние челове́ков; / радуйся, низпадéние бесóв. / Радуйся, прéлести держáву попрáвшая; / радуйся, íдольскую лещь

обличившая. / Радуйся, море, потопившее фараона мысленного; / радуйся, камению, напоивший жаждущия жизни. / Радуйся, огненный столпе, наставляяй сущия во тьме; / радуйся, покрове миру, ширший облака. / Радуйся, пище, манны приемнице; / радуйся, сладости святых служительнице. / Радуйся, земле обетования; / радуйся, из неяже течет мед и млеко. / Радуйся, Невесто Невестная.

Кондак 7.

Хотящу Симеону от нынешняго века преставитися прелестнаго, / вдалься еси яко младенец тому, / но познался еси ему и Бог совершенный. / Темже удивися Твоей неизреченней премудрости, зовый: / Аллилуия.

Икос 7.

Новую показав тварь, / явлься Жидитель нам от Него бывшим, / из бессеменныя прозяб утробы, / и сохранив Ю, якоже бе, нетленну, / да чудо видяще, воспоём Ю, вопиюще: / Радуйся, цвете нетления; / радуйся, венче воздержания. / Радуйся, воскресения образ облистаяющая; / радуйся, ангельское житие являющая. / Радуйся, древо светлоплодовитое, от негоже питаются вернии; / радуйся, древо благосеннолиственное, имже покрываются мнози. / Радуйся, во чреве носящая Избавителя плененным; / радуйся, рождающая Наставника заблуждшим. / Радуйся, Судий праведнаго умоление; / радуйся, многих согрешений прощение. / Радуйся, одежду нагих дерзновения; / радуйся, любви, всякое желание побеждающая. / Радуйся, Невесто Невестная.

Кондак 8.

Странное рождество видевше, / устранимся мира, ум на небеса преложше: / сего бо ради высокий Бог на земли явися смиренный человек, / хотяй привлещи к высоте Тому вопиющая: / Аллилуия.

Икос 8.

Весь бе в нѣжных / и вѣшних никакоже отступи
 неопѣсанное Слово: / снизхождѣние бо Божѣственное, / не
 прехождѣние же мѣстное бысть, / и рождество от Дѣвы
 Богоприятныя, слышащия сѣя: / Радуйся, Бѣга невместимаго
 вместѣище; / радуйся, честнаго таинства двѣри. / Радуйся,
 невѣрных сумнительное слышание; / радуйся, вѣрных известная
 похвало. / Радуйся, колеснице пресвятая Сущаго на Херувимех; /
 радуйся, селѣние преславное Сущаго на Серафимех. / Радуйся,
 противная в тожде собравшая; / радуйся, дѣвство и рождество
 сочетавшая. / Радуйся, Ёуже разрешился преступлѣние; /
 радуйся, Ёуже отвѣрзся рай. / Радуйся, ключу Царствія
 Христова; / радуйся, надеждо благ вѣчных. / Радуйся, Невѣсто
 Невѣстная.

Кондак 9.

Всякое естество ангельское удивися великому Твоего
 вочеловѣченія дѣлу; / неприступнаго бо яко Бѣга, зряще всем
 приступнаго Человѣка, / нам убо спребывающа, слышаща же от
 всех: / Аллилуѣя.

Икос 9.

Ветѣя многовещанная, яко рыбы безгласныя видим о Тебѣ,
 Богородице, / недоумевают бо глаголати, / еже како и Дѣва
 пребываеши, и родити возмогла еси. / Мы же, таинству
 дивящеся, вѣрно вопиѣм: / Радуйся, премудрости Божія
 приятѣище; / радуйся, промыслѣния Егѣ сокровище. / Радуйся,
 любомудрыя немудрыя являющая; / радуйся, хитрословѣсныя
 безсловѣсныя обличающая. / Радуйся, яко обуяша лютии
 взыскателе; / радуйся, яко увядоша баснотворцы. / Радуйся,
 афинѣйская плетѣния растерзающая; / радуйся, рыбарскія
 мрежи исполняющая. / Радуйся, из глубины невѣдения
 извлачающая; / радуйся, многи в разумѣ просвѣщающая. /
 Радуйся, кораблю хотящих спастися; / радуйся, пристанище
 житѣйских плаваній. / Радуйся, Невѣсто Невѣстная.

Кондак 10.

Спасти́ хотя́ мир, Ёже всех Украситель, / к сему́ самообетова́н прииде, и Па́стырь сый, яко Бог, / нас ра́ди яви́ся по нам человек: / подобным бо подобное призва́в, яко Бог слы́шит: / Аллилу́ия.

Икос 10.

Стена́ еси́ девам, Богородице Де́во, и всем к Тебе́ прибега́ющим: / ибо́ небесе́ и земли́ Творец устрои́ Тя, Пречи́стая, вселься во утробе́ Твое́й, / и вся приглаша́ти Тебе́ научи́: / Ра́дуйся, сто́лпе де́вства; / ра́дуйся, дверь спасе́ния. / Ра́дуйся, нача́льнице мы́сленнаго назда́ния; / ра́дуйся, пода́тельница Божество́нныя бла́гости. / Ра́дуйся, Ты бо обновила́ еси́ зача́тыя студи́но; / ра́дуйся, Ты бо наказа́ла еси́ окра́денныя умо́м. / Ра́дуйся, тли́теля смы́слов упражня́ющая; / ра́дуйся, Се́ятеля́ чистоты́ ро́ждшая. / Ра́дуйся, черто́же безсе́меннаго уневе́щения; / ра́дуйся, ве́рных Го́сподеви сочета́вшая. / Ра́дуйся, до́брая младопита́тельнице девам; / ра́дуйся, невестокраси́тельнице душ святы́х. / Ра́дуйся, Невесто́ Неве́стная.

Кондак 11.

Пе́ние всякое побежда́ется, / спростре́тися тща́щееся ко мно́жеству мно́гих щедро́т Твои́х: / равночи́сленныя бо песка́ пе́сни а́ще прино́сим Ти, Царю́ святы́й, / ничто́же соверша́ем досто́йно, / яже дал еси́ нам, Тебе́ вопи́ющим: / Аллилу́ия.

Икос 11.

Светоприёмную свещу́, су́щим во тьме явля́ющуюся, зрим святу́ю Де́ву, / невестество́нный бо вжига́ющи огонь, / наставля́ет к ра́зуму Божество́нному вся, / зарею́ ум просвеща́ющая, зва́нием же почита́емая, сими́: / Ра́дуйся, луче́ умнаго Со́лнца; / ра́дуйся, свети́ло незаходи́мага Све́та. / Ра́дуйся, мо́лние, ду́ши просвеща́ющая; / ра́дуйся, яко́ гром, враги́ устраша́ющая. / Ра́дуйся, яко́ многосве́тлое возсия́вшеи просвеще́ние; / ра́дуйся, яко́ многотеку́щую источа́еши реку́. / Ра́дуйся, купели́

живописующая образ; / радуйся, греховную отъемлющая скверну. / Радуйся, бáne, омывающая совесть; / радуйся, чáше, черплющая радость. / Радуйся, обоняние Христова благоухания; / радуйся, животé тайного веселия. / Радуйся, Невéсто Неневéстная.

Кондак 12.

Благодáть дáти восхотév, долгов дрévних, / всех долгов Решитель человеком, / прииде Собóю ко отшédшим Того благодáти, и раздрáв рукописáние, / слýшит от всех сйце: / Аллилúя.

Икос 12.

Поюще Твоé Рождество, хвáлим Тя вси, / яко одушевлéнный храм, Богорóдице: / во Твоéй бо вселився утрóбе содержáй вся рукою Господь, / освятí, прослáви и научí вопíti Тебé всех: / Радуйся, селéние Бóга и Слóва; / радуйся, святáя святýх бóльшая. / Радуйся, ковчéже, позлащéнный Дúхом; / радуйся, сокровище животá неистощíмое. / Радуйся, чéстный вéнче царéй благочестíвых; / радуйся, честнáя похвалó иереев благоговéйных. / Радуйся, Цérкве непоколебímый стóлпе; / радуйся, Цáрствия нерушíмая стéно. / Радуйся, Ёуже воздвìжутся побéды; / радуйся, Ёуже низпáдают вразí. / Радуйся, тéла моего врачевáние; / радуйся, душí моея спасéние. / Радуйся, Невéсто Неневéстная.

Кондак 13.

О, Всепéтая Мáти, рóждшая всех святýх Святéйшее Слóво! / Нýнешнее приéмши приношéние, от всякия избáви напáсти всех, / и бóдущия измí мýки, о Тебé вопиющих: / Аллилúя.

Сей кондак глаголи трижды. И паки читается 1-й икос: Ангел предстáтель: и паки 1-й кондак: Взбрáнной Воевóде:

Песнь 7.

Ирмос: Не послужиша твáри Богомúдри, / пáче Создáвшаго, / но óгненное прещéние мýжески поправше, /

радовахуся, поюще: / препетый отец Господь и Бог благословен еси.

Пресвятая Богородице, спаси нас.

Воспеваем Тя вопиюще: / радуйся, колеснице солнца умного, / лозо истинная, грозд зрелый возделавшая, вино источающий, / души веселящее верою Тя славящих.

Пресвятая Богородице, спаси нас.

Врача всех человек рождающая, радуйся Богоневесто, / жезле тайный, цвет неувядаемый процветший, / радуйся Владычице, Еюже радости наполняемся, и жизнь наследствуем.

Пресвятая Богородице, спаси нас.

Ветийствующий не может язык, Владычице, песнословити Тя, / паче бо серафимов возвысилася еси, рождши Царя Христа. / Егоже моли граду сему избавитися от многих искушений.

Слава: Хвалят Тя блажаше концы, и любовьию зовут Тебе: / радуйся свитче, в немже перстом Отчим написася Слово, Чистая. / Егоже моли, в книзе животней / рабом Твоим написатися Богородице.

И ныне: Молим, раби Твои, и приклоняем колено сердца нашего: / приклони ухо Твое, Чистая, / и спаси скорбьми погружаемая присто, / и соблюди от всякого вражия пленения Твой град, Богородице.

Песнь 8.

Ирмос: Отроки благочестивыя в пещи / Рождество Богородичо спасло есть, / тогда убо образуемое, / ныне же действующее, / вселенную всю воздвизает пети Тебе: / Господа пойте дела / и превозносите Его во вся веки.

Пресвятая Богородице, спаси нас.

Ложесны Слово прияла еси, / вся носящаго носила еси, / млеком питала еси, / манием питающего вселенную всю, Чистая, Емуже поем: / Господа пойте дела, и превозносите во вся веки.

Пресвятая Богородице, спаси нас.

Моисей уразумел в купине великое таинство Рождества

Твоего: / óтроцы же прообразіша сіе я́вственнее / посреде́ огня
стояще, и не опаляеми, нетлѣнная святая́ Дѣво. / Тем Тя
почита́ем во вся вѣки.

Пресвятая Богородице, спаси нас.

Пре́жде прѣлестію обнажившиися / в рѣзу нетлѣния
облекóхомся Рождество́м Твоим: / и сѣдящи во тьме
прегрешѣний, свет видехом, / свѣта жилище, Отрокови́це. / Тем
Тя поѣм во вся вѣки.

Слава: Мѣртвии Тобóю оживля́ются, / Жизнь бо
ипостáсную родила́ еси́, / немѣи прѣжде, благоглаго́ливи
быва́ют, / прокаже́ннии очища́ются, недúзи отгоня́ются, / духо́в
возду́шных мно́жества побежда́ются, / Дѣво, челове́ков
спасѣние.

И ныне: Мѣру рóждшая спасѣние, / ѣмже от земли́ на
высоту́ взяти б́ихом, / раду́йся всеблагословѣнная, покрóве и
держáво, / стено́ и утвержде́ние пою́щим, Чѣстая: / Гóспода
по́йте дела́, и перевозно́сите во вся вѣки.

Песнь 9.

Ирмос: Всяк земнорóдный / да възгра́ется, Дúхом
просвеща́емь, / да торжествóет же Безплóтных умóв естество́, /
почита́ющее священное торжествó Богомáтере, / и да вопі́ет: /
раду́йся, Всеблаже́нная, / Богороди́це Чѣстая Присноде́во.

Пресвятая Богородице, спаси нас.

Да Тебѣ, вѣрнии, раду́йся зовѣм, / Тобóю радости
прича́стницы б́ывше присносу́щныя, / изба́ви нас напа́стей,
ва́рварскаго пленѣния, и вся́кия инѣя раны́, / за мно́жество,
Отрокови́це, прегрешѣний, / находя́щия челове́ком
согреша́ющим.

Пресвятая Богородице, спаси нас.

Явилася еси́ просвещѣние наше и утвержде́ние. / Тѣмже
вопи́ем Ти: / раду́йся звездó незаходѣмая, вводя́щая в мир
вели́кое Сóлнце. / Раду́йся, Еде́м отвѣрзшая заключѣнный,
Чѣстая. / Раду́йся сосóуде, мѣро неисто́щимое на Тя излия́нное
приѣмши́й.

Пресвятая Богородице, спаси нас.

Станем благоговейно в дому Бóга нашего, и возопийм: / радуйся, миру Владычице. / Радуйся Маріе, Господже всех нас. / Радуйся, едина непорочная в женах и добрая. / Радуйся, столпе огненный, вводящий в вышнюю жизнь человечество.

Слава: Голубице Милостиваго рождаша, радуйся Приснодево: / преподобных всех, радуйся похвало, страдальцев венчание. / Радуйся всех праведных Божественное удобрение, / и нам верным спасение.

И ныне: Пошаді, Бóже, наследие Твое, / грехи наша вся презрев ныне, / на сие имя молящую Тя, / на земли безсеменно Тебе Рождшую, / великия ради милости восхотевшаго / вообразится, Христэ, в человечество.

Ексапостиларий.

Подобен: Жены услышите:

Играйте ликовствующе, с веселием воспойте, / Гавриил Деве радость приносая предста, / в Назарете ныне граде радость благовещения: / радуйся, чистая и непорочная, мира предстательство: / радуйся, небесный престоле.

**Молитва
ко Пресвятей Богородице.**

Приими, всеблагомощная, пречистая госпоже Владычице Богородительнице, сия честныя дары, Тебе единой прикладныя, от нас недостойных рабов Твоих, от всех родов избранная, всех тварей небесных и земных вышшая являющаяся. Понеже бо Тебе ради бысть Господь сил с нами, и Тобою Сына Божия познахом, и сподобихомся святого Тела Его, и пречистыя Крове Его. Темже блаженна еси в роде родов, богоблаженная, херувимов светлейши, и серафимов честнейши сущая. И ныне, всепетая Пресвятая Богородице, не престаи молящися о нас недостойных рабах Твоих, еже избавитися нам от всякаго совета лукаваго, и от всякаго обстояния: и сохранитися нам неврежденным от всякаго ядовитаго прилога дьявольскаго. Но даже до конца молитвами Твоими неосужденных нас соблюди: яко да Твоим

заступлѣнием и по́мощию спаса́еми, сла́ву, хвалу́, благодарѣние и поклонѣние за вся, в Трѳице е́диному Бо́гу и всех Созда́телю возсыла́ем, ны́не и прѳсно, и во ве́ки веко́в. Ами́нь.

**Молитва вторая
ко Пресвятей Богородице.**

О, Пресвятая́ Госпоже́ Влады́чице Богоро́дице, вы́шши еси́ всех А́нгел и Арха́нгел, и всея́ тва́ри честне́йши, по́мощнице еси́ обиди́мых, ненаде́ющихся наде́яние, убо́гих засту́пнице, печа́льных утеше́ние, а́лчущих корми́тельнице, наги́х оде́яние, больны́х исцеле́ние, грѣшных спасе́ние, христиа́н всех по́можение и заступле́ние. О, Всеми́лостивая Госпоже́, Де́во Богоро́дице Влады́чице, ми́лостию Твое́ю спаси́ и помѳлуй святе́йшия патриа́рхи правосла́вныя, преосвяще́нныя митрополи́ты, архиепи́скопы и епи́скопы и весь священни́ческий и ино́ческий чин, и вся правосла́вныя христиа́ны ри́зою Твое́ю честною́ защити́; и умоли́, Госпоже́, из Тебе́ без се́мене воплотѳвшагося Христа́ Бо́га на́шего, да препоя́шет нас си́лою Свое́ю свѳше, на невиди́мыя и види́мыя враги́ наша. О, Всеми́лостивая Госпоже́ Влады́чице Богоро́дице! Воздвѳгни нас из глубины́ грехо́вныя и изба́ви нас от гла́да, губи́тельства, от тру́са и пото́па, от огня́ и мечá, от нахо́ждения иноплеме́нных и междоусо́бныя бра́ни, и от напрáсныя сме́рти, и от нападе́ния вра́жия, и от тлетво́рных ветр, и от смертоно́сныя я́звы, и от вся́каго зла. Пода́ждь, Госпоже́, мир и здра́вие рабо́м Твоѳм, всем правосла́вным христиа́ном, и просвети́ им ум, и о́чи серде́чныя, е́же ко спасе́нию; и сподо́би ны, грѣшныя рабы́ Твоя́, Ца́рствия Сы́на Твоего́, Христа́ Бо́га на́шего; я́ко держа́ва Его́ благослове́на и препросла́влена, со Безнача́льным Его́ Отце́м, и с Пресвяты́м, и Благи́м, и Животворя́щим Его́ Ду́хом, ны́не и прѳсно, и во ве́ки веко́в. Ами́нь.

В оглавление

КАНОН И АКАФИСТ СВЯТИТЕЛЮ И ЧУДОТВОРЦУ НИКОЛАЮ

Молитвами святых отец наших, Господи Иисусе Христе Боже наш, помилуй нас. Аминь.

Царю Небесный: **Трисвятое**. Пресвятая Троице: Слава, и ныне: Отче наш: Господи, помилуй (12). Слава, и ныне: Приидите, поклонимся: (3) Псалом 50.

Тропарь, глас 4:

Правило веры и образ кротости, / воздержания учителя / являя стаду твоему / Яже вещей Истина. / Сего ради стяжал еси смирением высокая, / нищетою богатая, / отче священноначальниче Николае, / моли Христа Бога, / спастися душам нашим.

Слава, и ныне, Богородичен: Еже от века угаемое / и Ангелом несведомое таинство, / Тобою, Богородице, сущим на земли явися Бог, / в неслитном соединении воплощаем / и, Крест волею нас ради восприим, / имже воскресив первозданного, / спасе от смерти души наша.

Канон святителю Николаю. Песнь 1.

Ирмос: Отверзу уста моя, / и наполнятся Духа, / и слово отрыгну Царице Матери, / и явлюся, светло торжествуя, / и воспою, радуясь, Тоя чудеса.

Святителю отче Николае, моли Бога о нас.

Пастырю добрый Христова стада, радуйся, Николае, / яко миряном отец честен и учитель был еси, / и мне подаждь, радуйся тебе приносити.

Святителю отче Николае, моли Бога о нас.

Роди земнии стецемся, / радуйся приносити святителю, /

ра́дость бо прино́сит вселénней неоску́дно.

Слава: Избáвльшему три воево́ды от убиéния непра́веднаго вопиéм ти: / ра́дуйся, Никóлае, заступниче прибега́ющим под кров твой.

И ныне: Богорóдице Дéво, ра́дуйся, / ра́дость от А́нгела приéмшая, / и спаси́ Тебе́ велича́ющих.

Песнь 3.

Ирмос: Тво́я песносло́вцы, Богорóдице, / живы́й и незави́стный исто́чнице, / лик Себе́ совоку́пльшия духо́вно, утверди́, / в Божéственной Твоéй сла́ве / венце́в сла́вы сподо́би.

Святите́лю о́тче Никóлае, моли́ Бо́га о нас.

Никто́же прибега́й под кров наде́жды тво́ея, о́тче, тощ от тебе́ исхо́дит, / но ра́дуйся прино́ся ти, по́мощь приéмлет, Никóлае, / ю́же и мне пода́ждь, всеблаже́нне.

Святите́лю о́тче Никóлае, моли́ Бо́га о нас.

А́нгели дивя́тся тво́ему, преподо́бне, те́плому заступле́нию, / челове́цы же ра́дуются, приéмлюще моли́твами тво́ими избавле́ние от напа́стей бесовских, / те́мже ра́дуйся, прино́сим ти, Никóлае прехва́льне.

Слава: Шлем, и ору́жие непобеди́мое на диа́вола ты еси́, / христиа́ном же утвержде́ние, и иера́рхом удобре́ние, Никóлае чу́дне; / ра́дуйся, чудотво́рче вели́кий, обу́реваемым ти́хое пристáнище.

И ныне: Заче́нши Зижди́теля Сво́его, Богорóдице, / родила́ еси́ Творца́ всех и Го́спода, / Того́ моли́ избáвити нас от напа́стей; / ели́ка бо хо́щещи, вся мо́жещи, / я́ко благáя Благáго же Роди́тельница.

Песнь 4.

Ирмос: Седя́й в сла́ве на Престо́ле Божества́, / во о́блаце ле́гце, / при́иде Иису́с Пребожéственный, / нетле́нную длáнию, и спасе́ зову́щия: / сла́ва, Христé, си́ле Твоéй.

Святите́лю о́тче Никóлае, моли́ Бо́га о нас.

Апóстолом равнопрестóльне, рáдуйся, Никóлае, / ýко А́риеву ёрьсь посрамíл есý, / и велиáрова шатáния низложíл есý, твоими молíтвами; / не престáй моля о рабéх твоих.

Святíтелю óтче Никóлае, моlí Бóга о нас.

Юношу óнаго от руки Амíры срацýнскаго избáвил есý, / родíтелем же его рáдость даровáл есý, / тем ти с нíми и мы рáдуйся принóсим, Никóлае преподóбне.

Слава: Три воевóды от убиéния непра́веднаго, чудотвóрче, спасл есý, / я́влься во сне царю́ благочестíвому, и запретív емý, / и от них рáдуйся, прия́л есý, Никóлае, / и менé укрепí твоими молíтвами.

И ныне: Преблагословéнная Богорóдице, рáдуйся, / ýко есý Царя́ всех престóл, херувíмов вýшший, / не закоснí, моля́ Своего́ Сýна и Бóга нáшего, / о чтýщих Тя прíсно, с Николáем блажéнным.

Песнь 5.

Ирмос: Ужасóшася вся́ческая / о Божéственной слáве Твоёй: / Ты бо, Неискусобра́чная Дéво, / имéла есý во утрóбе над все́ми Бóга / и родила́ есý Безлётнаго Сýна, / всем воспева́ющим Тя / мир подава́ющая.

Святíтелю óтче Никóлае, моlí Бóга о нас.

Апóстолов тезоимéнно, / со А́нгелы равносто́ятелю Престо́ла Влады́чня неотстýпне, / А́рия безýмновавшего посрамíл есý; / сего́ рáди вопиём ти, Никóлае, рáдуйся, / святíтелем удобрéние и стóлпе церкóвный.

Святíтелю óтче Никóлае, моlí Бóга о нас.

Руку ми даждь, Никóлае, пóмощи, моля́ся ко Гóсподу, / занéже бýря потопля́ет мя грехóвная, / и приведи́ к тíхому пристáнищу покая́ния, óтче, твоими молíтвами.

Слава: А́ще и мно́го беззакóнновах, Никóлае, / но не отступáю наде́жды покрóва твоего́, / всегда́ рáдуйся, прино́сь ти; / ты мя избáви от вся́кия скóрби и беды́, / ели́ка бо хóщещи, вся мóжещи.

И ныне: Облаче превышший небес, радуйся, / искапающий нам каплю, Богородице всеблагая, / подаждь от Бога людем нашим победу на варвары, / со иерархом Николаем Того моля.

Песнь 6.

Ирмос: Божественное сие и всечестное / совершающе празднество, / Богомудрии, Богоматере, / приидите, руками восплещим, / от Нея рождаемого Бога славим.

Святителю отче Николае, моли Бога о нас.

Друг Христов и вторый Петр, явился еси, отче, радуйся, / яко еси столп церковный и чудесный орган, / Духом Святым чудодействуяй и бряцаая: / темже, Николае, радуйся приносим ти всегда.

Святителю отче Николае, моли Бога о нас.

Услышав Константин царь благочестивый во сне прещения твоя, со Авлавием епархом, / о мужех оных неправедно имевших погибнути, / вскоре повеле отпустить их, / тебе же радуйся вопияше, Николае.

Слава: Кораблю оному потопяюще в мори ты, отче, был еси кормчий, / и мне люте обуреваему от помышлений бесовских, / даждь ядрило благаго разума во уме и в сердце, / яко да всегда радуйся приношу ти, Николае прехвальне.

И ныне: Радуйся, Пречистая Дево, / радуйся, миру утверждение, / радуйся, яко родила еси Сына, всех Бога, / Того моли, Богородице пренепорочная, / спастися душам нашим.

Таже, чти кондаки и икосы:

Акафист святителю Николаю.

Кондак 1: Возбранный чудотворче и изрядный угониче Христов, / миру всему источаяй многоценное милости миро и неисчерпаемое чудес море, / восхваляю тя любовию, святителю Николае; / ты же, яко имеяй дерзновение ко Господу, / от всяких мя бед свободи, да зову ти:

Радуйся, Николае, великий чудотворче.

Икос 1: Ангела образом, земнаго суща естеством яви тебе
 всея твари Создатель, / благоплодную бо доброту души твоея
 провидев, преблаженне Николае, / научи всех вопити тебе сице:

Радуйся, от утробы матерния очищенный; / радуйся, даже до
 конца освященный. / Радуйся, рождением своим родителей
 удививый; / радуйся, силу душевную абие по рождестве явивый.
 / Радуйся, саде земли обетования; / радуйся, цвете
 Божественнаго саждения. / Радуйся, лозо добродетельная
 винограда Христова; / радуйся, древо чудоточное рай Иисусова.
 / Радуйся, крине райскаго прозябения; / радуйся, миро Христова
 благоухания. / Радуйся, яко тобою отгонится рыдание; / радуйся,
 яко тобою приносится радование.

Радуйся, Николае, великий чудотворче.

Кондак 2: Видяще твоих мур излиание, богомудре, /
 просвещаемся душами и телесы, / дивнаго тя мвроточца
 живоносна, Николае, разумюще. / Чудесы бо яко водами,
 благодатию Божиею изливающимися, / напаяеши верно
 вопиющих к Богу: Аллилуиа.

Икос 2: Разум неуразуменный вразумляя о Святей Троице, /
 был еси в Никее со святыми отцы / поборник исповедания
 православныя веры: / равна бо Отцу Сына исповедал еси,
 соприсносущна и сопрестольна, / Ария же безумнаго обличил
 еси. / Сего ради вернии научишася воспевати тебе:

Радуйся, великий благочестия столпе; / радуйся, верных
 прибежища граде. / Радуйся, твердое православия укрепление; /
 радуйся, честное Пресвятых Троицы носило и похваление. /
 Радуйся, Отцу равночестна Сына проповедавый; / радуйся, Ария
 возбесившагося от собора святых отгнавый. / Радуйся, отче,
 отец славная красото; / радуйся, всех богомудрых премудрая
 доброто. / Радуйся, огненная словеса испущая; / радуйся, добре
 стадо свое наставляя. / Радуйся, яко тобою вера утверждается; /
 радуйся, яко тобою ересь низлагается.

Радуйся, Николае, великий чудотворче.

Кондак 3: Силою, данною ти свыше, / слезу всяку отъял еси
 от лица люте страждущих, / богоносе отче Николае: / алчущим

бо явился еси кормитель, / в пучине морстей сущим изрядный правитель, / недугующим исцеление и всем всяк помощник показался еси, / вопиющим Богу: Аллилуиа.

Икос 3: Имéяше воистинну, óтче Никóлае, / с небесé песнь тебе воспеваема б́ити, а не от земли, / како бо кто от человекé возмóжет твоея святýни величия проповéдати? / Но мы, любóвию твоею побежда́еми, вопи́ем ти си́це:

Ра́дуйся, óбразе áгнцев и па́стырей; / ра́дуйся, святóе очисти́лище нра́вов. / Ра́дуйся, добродетелей вели́ких вмести́лище; / ра́дуйся, святýни чистое и честное жилище. / Ра́дуйся, свети́льниче всесвётлый и вселюбимый; / ра́дуйся, свéте златоза́рный и непорóчный. / Ра́дуйся, досто́йный А́нгелов собесéдник; / ра́дуйся, до́брый человекóв наста́вник. / Ра́дуйся, пра́вило véры благочестивыя; / ра́дуйся, óбразе крóтости духо́вныя. / Ра́дуйся, я́ко тобою́ от страстéй телéсных избавля́емся; / ра́дуйся, я́ко тобою́ сла́достей духо́вных исполня́емся.

Ра́дуйся, Никóлае, вели́кий чудотворче.

Кондак 4: Бúря недоумéния смуща́ет ми ум, / како досто́йно есть пéти чудеса́ твоя, блаже́нне Никóлае? / Никто́же бо мóжет я́ исчестí, / аще бы и мно́ги язы́ки имéл и глаго́лати восхотéл. / Но мы дивно́ Бо́гу в тебе́ прославля́ющемуся, / дерза́ем воспева́ти: Аллилуиа.

Икос 4: Слы́шаша, богому́дре Никóлае, / бли́жнии и да́льнии вели́чие чудес тво́их, / я́ко по возду́ху лёгкими благодáтными крила́ми / навы́кл еси́ сущих в беда́х предваря́ти, / ско́ро от тех избавля́я всех, вопи́ющих к тебе́ тако́вая:

Ра́дуйся, избавлéние от печáли; / ра́дуйся, пода́ние благодáти. / Ра́дуйся, неча́емых зол прогонителю; / ра́дуйся, жела́емых благих насадителю. / Ра́дуйся, ско́рый утéшителю в бедé сущих; / ра́дуйся, стра́шный наказáтелю обидящих. / Ра́дуйся, чудес пучино́, Бо́гом излия́нная; / ра́дуйся, зако́на Христо́ва скрижа́ли Бо́гом пи́санныя. / Ра́дуйся, крéпкое па́дающих возведéние; / ра́дуйся, пра́во стоящих утверждéние. / Ра́дуйся, я́ко тобою́ всякая лесть обнажа́ется; / ра́дуйся, я́ко

тобóу всякая ѳстина сбывáется.

Рáдуйся, Никóлае, вели́кий чудотворче.

Кондак 5: Боготéчная звезда явился еси́, / наставляя по мóрю плавающих люте, / ѳмже смерть предсто́яше вскóре иногда́, / аще не бы ты предста́л еси́ призыва́ющим тя в по́мощь, / чудотворче святы́й Никóлае; / уже́ бо несты́дно бесóм лета́ющим и погрузи́ти корабли́ хотя́щим запрети́в, отгна́л еси́ их, / ве́рныя же научи́л еси́ спаса́ющему тобóу Бо́гу взывáти: Аллилúа.

Икос 5: Видеша отрокови́цы, на брак скверный нищеты́ ра́ди уготованныя, / вели́кое твоё к ни́щим милосе́рдие, преблаже́нне óтче Никóлае, / егда́ ста́рцу родите́лю их но́щию узельцы́ три злата́ таяся по́дал еси́, / самаго́ со дще́рьми избавля́я от падéния грехóвнаго. / Того́ ра́ди слы́шиши от всех си́це:

Рáдуйся, мило́сти превели́кия сокровище; / ра́дуйся, промы́сления о лю́дех приятелище. / Ра́дуйся, пи́ще и отра́до к тебе́ прибега́ющих; / ра́дуйся, хле́бе неснеда́емый алчу́щих. / Ра́дуйся, бога́тство, бе́дне живу́щим на земли́ Бо́гом да́нное; / ра́дуйся, воздви́жение скóрое убо́гих. / Ра́дуйся, бы́строе ни́щих услы́шание; / ра́дуйся, скорбя́щих приятно́е попече́ние; / ра́дуйся, три́ех дев непоро́чный невестите́лю; / ра́дуйся, чистоты́ усе́рдный храните́лю. / Ра́дуйся, ненаде́жных наде́яние; / ра́дуйся, всего́ ми́ра наслажде́ние.

Рáдуйся, Никóлае, вели́кий чудотворче.

Кондак 6: Пропове́дует ми́р весь тебе́, преблаже́нне Никóлае, / скóраго в беда́х заступника́, / я́ко мно́гажды во еди́ном часе́ / по земли́ путешеству́ющим и по мóрю плавающим, предваря́я, посóбствуеши, / кúпно всех от злых сохраня́я, вопию́щих к Бо́гу: Аллилúа.

Икос 6: Возсия́л еси́ свет живóтный, избавлéние нося́ воево́дам, / неправедную смерть при́яти иму́щим, / тебе́, до́брый па́стырю Никóлае, призыва́ющим, / егда́ вскóре я́влься во сне царéви, устраши́л еси́ егó, / сих же невреждéнных отпусти́ти повелéл еси́. / Сего́ ра́ди с ними́ кúпно и мы благодарственнó вопие́м ти:

Рáдуйся, усе́рдно призыва́ющим тя помога́яй; / ра́дуйся, от

неправеднаго убиения избавляяй. / Радуйся, от лестных сохраняяй клеветы; / радуйся, неправедных разрушаяй советы. / Радуйся, растерзаяй лжу яко паучину; / радуйся, возношаяй славно истину. / Радуйся, неповинных от уз разрешение; / радуйся, и мертвецев оживление. / Радуйся, проявителю правды; / радуйся, помрачителю неправды. / Радуйся, яко тобою неповиннии избавлены от меча; / радуйся, яко тобою насладишася света.

Радуйся, Николае, великий чудотворче.

Кондак 7: Хотя богохульное еретическое отгнати злосрадие, / мро войстинну благовонное, таинственное явился еси, Николае: / люди мирейския пасьи, весь мир своим благодатным мром исполнил еси. / И от нас убо богомерзкое греховное злосрадие отжени, / да благоприятно Богу вопием: Аллилуиа.

Икос 7: Новаго тя Ноя, наставника ковчега спасительнаго разумеем, / отче святыи Николае, / бурю всех лютых разгоняющаго направлением своим, / тишину же Божественную приносящаго вопиющим такова:я:

Радуйся, обуреваемых тихое пристанище; / радуйся, утопающих известное хранилище. / Радуйся, плавающих посреде пучин добрый кормчий; / радуйся, треволнения морская уставляющий. / Радуйся, превождение сущих в вихрах; / радуйся, сограние сущих во мразех. / Радуйся, сияние, скорбный мрак разгоняющее; / радуйся, светило, вся концы земли просвещающее. / Радуйся, от бездны греховныя человеки избавляяй; / радуйся, в бездну адскую сатану ввергаяй. / Радуйся, яко тобою дерзновенно бездну милосердия Божия призываем; / радуйся, яко тобою от потопа гнева избавльшеся, мир с Богом обретаем.

Радуйся, Николае, великий чудотворче.

Кондак 8: Странное чудо является притекающим к тебе, блаженне Николае, / священная твоя церковь, / в ней бо и малое моление приносяще, / велиих недугов приемлем исцеление, / аще токмо по Бозе упование на тя возложим, / верно вопиюще:

Аллилу́иа.

Икос 8: Весь еси́ всем воистинну помощник, богонóсе Никóлае, / и собрал еси́ вкупе вся прибега́ющия к тебé, / яко свободитель, пита́тель и врач ско́рый всем земны́м, / на похвалу́ всех воздвиза́я вопити к тебé си́це:

Ра́дуйся, всяких исцелéний исто́чнице; / ра́дуйся, лю́те страждущим помощнике. / Ра́дуйся, зарé, сияющая в но́щи грехо́вней блужда́ющим; / ра́дуйся, росó небото́чная в зно́и трудо́в сущим. / Ра́дуйся, подава́яй тре́бующим благостроéние; / ра́дуйся, уготовля́яй прося́щим изобилие. / Ра́дуйся, мно́гажды проше́ние предваря́яй; / ра́дуйся, ста́рым седи́нам си́лу обновля́яй. / Ра́дуйся, мно́гих заблуждших от пу́ти йстиннаго обличите́лю; / ра́дуйся, та́ин Бо́жих ве́рный служите́лю. / Ра́дуйся, яко тобо́у за́висть попира́ем; / ра́дуйся, яко тобо́у благона́равное жити́е исправля́ем.

Ра́дуйся, Никóлае, вели́кий чудотво́рче.

Кондак 9: Всякия утоли́ болéзни, / вели́кий наш заступниче, Никóлае, / растворя́яя благода́тная врачевáния, усладжа́ющая ду́ши на́ша, / сердца́ же веселя́ющая всех усер́дно к по́мощи твоéй притека́ющих, / Бо́гу же вопию́щих: Аллилу́иа.

Икос 9: Ветия́ суемудренныя нечестивых / ви́дим тобо́у посрамленныя, богомудре́ отче Никóлае, / А́рия бо ху́льника, разделя́ющая Божество́, / и Савéллия, смеша́ющая Святу́ю Трóицу, препре́л, / нас же во правосла́вии укрепил еси́. / Сего́ ра́ди вопие́м ти си́це:

Ра́дуйся, щите́, защища́яй благоче́стие; / ра́дуйся, мечу́, посека́яй злочéстие. / Ра́дуйся, учителю́ Божественных велéний; / ра́дуйся, губителю́ богопротивных учéний. / Ра́дуйся, ле́стнице, Бо́гом утвержде́нная, ёю́же восходи́м к небеси́; / ра́дуйся, покрóве, Бо́гом зда́нный, имже покрыва́ются мно́зи. / Ра́дуйся, немудрых умудри́вый твоими́ словесы́; / ра́дуйся, лени́вых подви́гнувый твоими́ нра́вы. / Ра́дуйся, све́тлосте за́поведей Бо́жих неугасима́я; / ра́дуйся, луче́ оправда́ний Господних пресве́тлая. / Ра́дуйся, яко учéнием твоим сокруша́ются еретические́ главы́; / ра́дуйся, яко тобо́у ве́рнии сподобля́ются

славы.

Рáдуйся, Никóлае, вели́кий чудотвóрче.

Кондак 10: Спасти́ хотя́ дýшу, / плоть твою́ дýхови покорил еси́ воистинну, óтче наш Никóлае, / молча́ньми бо пре́жде и борёньми с по́мысли, / дея́нию богомы́слие приложил еси́, / богомы́слием же рáзум соверше́н стяжа́л еси́, / ýмже дерзнове́нно с Бóгом и А́нгелы бесе́довал еси́, / всегда́ вопию́щи: Аллилúа.

Икос 10: Стенá еси́ похваля́ющим, преблаже́нне, чудеса́ твоя́ / и всем к заступле́нию твоemú прибега́ющим; / те́мже и нас, в добродéтели убо́гих, / от нищеты́, напа́сти, недúгов и нужд разли́чных свобожда́й, / вопию́щих ти с любóвию такова́я:

Рáдуйся, от убо́жества вéчнаго изыма́яй; / рáдуйся, бога́тство нетле́нное подава́яй. / Рáдуйся, бра́шно неги́блющее а́лчущим пра́вды; / рáдуйся, питие́ неисчерпа́емое жа́ждущим жízни. / Рáдуйся, от мятежа́ и бра́ни соблюда́яй; / рáдуйся, от уз и пленéния свобожда́яй. / Рáдуйся, пресла́вный в беда́х заступниче; / рáдуйся, превели́кий в напа́стех защítниче. / Рáдуйся, мно́гих от поги́бели исхитивый; / рáдуйся, безчи́сленных невреждéнно сохрани́вый. / Рáдуйся, я́ко тобо́ю лю́бтыя смéрти грéшнии избега́ют; / рáдуйся, я́ко тобо́ю жизнь вéчную ка́ющиися получа́ют.

Рáдуйся, Никóлае, вели́кий чудотвóрче.

Кондак 11: Пéние Пресвяте́й Трóице / па́че иных́ принéсл еси́, преблаже́нне Никóлае, / умóм, слóвом и дéлом, мно́гим бо испытáнием / правове́рная повелéния уяснил еси́, / véрою, наде́ждою и любóвию наставля́я нас / в Трóице Еди́ному Бóгу воспевáти: Аллилúа.

Икос 11: Светозáрную лучу́ во мрáце жития́ сýщим неугаси́мую видим тя, / Бóгом избрáнне óтче Никóлае, / с невещéственными бо а́нгельскими свéты бесе́дуеши о несозда́нном Трóическом свéте, / véрных же дýши просвещáеши, вопию́щих ти такова́я:

Рáдуйся, озарéние Трисóлнечнаго Свéта; / рáдуйся, деннице́ незаходима́го со́лнца. / Рáдуйся, свещé, Божéственным

пламенем возжѣнная; / радуйся, яко угасил еси бесовский пламень нечестия. / Радуйся, светлое правоверия проповѣдание; / радуйся, доброзрѣчное свѣта Евангельскаго сияние. / Радуйся, мѳлние, ереси пожигающая; / радуйся, грѳме, устрашающий соблазняющия. / Радуйся, истиннаго наущителю разума; / радуйся, таинственнаго изъяснителю ума. / Радуйся, яко тобою попрася поклонѣние твари; / радуйся, яко тобою научихомся поклонятися Творцу в Троице.

Радуйся, Николае, великий чудотворче.

Кондак 12: Благодать, данную ти от Бога, сведущи, радуешься / твою память празднуем по долгу, преславный отче Николае, / и к чудному заступленію твоему вседушно притекаем; / преславных же твоих деяний, яко песка морскаго и множества звезднаго исцелити не могуще, / недоумѣнием объяти бывше, вопіем к Богу: Аллилуиа.

Икос 12: Поюще твоя чудеса, восхваляем тя, всехвальне Николае, / в тебе бо Бог, в Троице прославляемый, дивно прославися, / но аще и попремногу составленные от души псалмы и песни приносим ти, чудотворче святый, / ничтоже творим равно дарованію чудес твоих, / имже удивляющися, вопіем к тебе таковая:

Радуйся, Царя царствующих и Господа господствующих служителю; / радуйся, служителей Его небесных сожителю. / Радуйся, людем верным помощіе; / радуйся, рода христианскаго возвышеніе. / Радуйся, победы тезоименитый; / радуйся, венчѳсче нарочитый. / Радуйся, всех добродетелей зеркало; / радуйся, всех притекающих к тебе крепкое забрало. / Радуйся, по Бозе и Богородице все наше упованіе; / радуйся, телес наших здравіе и душ спасеніе. / Радуйся, яко тобою от вечныя смѳрти свободяемся; / радуйся, яко тобою безконечныя жизни сподобляемся.

Радуйся, Николае, великий чудотворче.

Кондак 13: О пресвятый и пречудный отче Николае, утешеніе всех скорбящих, / нынѣшнее наше приими приношеніе / и от геенны избавитися нам Господа умоли

богоприятным твоим ходатайством, / да с тобою воспеваем:
Аллилу́иа. [Трижды.]

Таже икос 1-й и кондак 1-й:

Икос 1: Ангела образом, земнаго суща естеством яви тебе
всея твари Создатель, / благоплодную бо доброту души твоея
пронидев, преблаженне Николае, / научи всех вопити тебе сице:

Ра́дуйся, от утробы ма́терния очищенный; / ра́дуйся, да́же до
конца́ освященный. / Ра́дуйся, рождением своим родителей
удививый; / ра́дуйся, силу душевную а́бие по рождестве явивый.
/ Ра́дуйся, са́де земли обетования; / ра́дуйся, цве́те
Божественнаго сажде́ния. / Ра́дуйся, лозо́ добродетельная
винограда Христо́ва; / ра́дуйся, дре́во чудото́чное ра́я Иису́сова.
/ Ра́дуйся, крине́ райскаго прозябе́ния; / ра́дуйся, му́ро Христо́ва
благоуха́ния. / Ра́дуйся, я́ко тобою отгони́тся рыда́ние; / ра́дуйся,
я́ко тобою прино́сится ра́дование.

Ра́дуйся, Николае, вели́кий чудотворче.

Кондак 1: Возбра́нный чудотворче и изря́дный уго́дник
Христо́в, / ми́ру всему́ источа́й многоце́нное ми́лости му́ро и
неисчерпа́емое чуде́с мо́ре, / восхваляю́ тя любóвию, святи́телю
Нико́лае; / ты же, я́ко имейя́ дерзнове́ние ко Го́споду, / от всяких
мя бед свободи́, да зову́ ти:

Ра́дуйся, Николае, вели́кий чудотворче.

Песнь 7.

Ирмос: Не послужи́ша тва́ри Богому́дрии, / па́че
Созда́вшего, / но о́гненное преще́ние му́жески попра́вше, /
ра́довахуся, пою́ще: / препе́тый отце́в Го́сподь и Бог благослове́н
еси́.

Святи́телю о́тче Нико́лае, моли́ Бо́га о нас.

Святе Нико́лае, святи́телю Христо́в / ра́дуйся, ты бо еси́
ра́дость всем неизглаго́ланная, / и мне пода́ждь ру́ку по́мощи, да
глаго́лю ти: / ра́дуйся, всеблаже́нне.

Святи́телю о́тче Нико́лае, моли́ Бо́га о нас.

Егда́ услы́шаша воево́ды отпу́щение из темни́цы повеле́нием

твоим, / взёмше свѣщники принесоша ти со свещами, велиим вопиюще гласом: / радуйся, отче преподобне, избавление наше.

Слава: Некогда услышал еси в темнице связанныя, / услыши и мене, Николае, радуйся приносяща ти, / и исхити мя огня геенскаго.

И ныне: Маріе Госпоже, Мати Избавителя, / прими мя, кающагося и прибегающаго под кров Твой, / яко да не престая вопию Тебе: / радуйся, Благодатная Богородице Приснодево.

Песнь 8.

Ирмос: Отроки благочестивыя в пещи / Рождество Богородично спасло есть, / тогда убо образуемое, / ныне же действующее, / вселенную всю воздвизает пети Тебе: / Господа пойте дела / и превозносите Его во вся веки.

Святителю отче Николае, моли Бога о нас.

Апостолов сопрестольниче, / со Ангелы служителю Святей Троице, / Николае прехвальне, радуйся, / и мне даруй радость молитвами твоими.

Святителю отче Николае, моли Бога о нас.

Кормчий обуреваемых, Николае, радуйся, / и бурю моих страстей, яже от прилога бесовскаго, утиши, / яко прочее не могу терпети, но вопию: / радуйся, помощниче мой и теплый предстателю.

Слава: О, колика туга обдержит мя от стреляний бесовских, / и язвы терпети ми несть мощно, / пластыря приложити несть врача, / но ты ми приложи пластырь, и елей молитв твоих, Николае, да зову ти: / радуйся, отче преподобне.

И ныне: Купино неопалимая, радуйся, / юже Моисей виде на Синаи, / и лестнице, юже Иаков виде, / Преблагословенная Богородице Приснодево.

Песнь 9.

Ирмос: Всяк земнородный / да възиграется, Духом просвещаемь, / да торжествует же Безплотных умов естество, / почитающее священное торжество Богоматере, / и да вопиет: //

ра́дуйся, Всеблаже́нная, / Богоро́дице Чистая Присноде́во.

Святите́лю о́тче Нико́лае, моли́ Бо́га о нас.

Льсти́ваго стреля́ния обдержа́т мя, и стремле́ния грехо́вная, / но наде́йся на покрóв твой, к тебе́ прибега́ю, о́тче, / я́ко да отжене́ши от мене́ вся ле́сти лука́ваго, да зову́ ти: / ра́дуйся, Нико́лае.

Святите́лю о́тче Нико́лае, моли́ Бо́га о нас.

А́рия безу́мновавшего посра́мил еси́, / пла́мень же ересей угаси́л еси́, / воево́ды в темни́це связа́нные услы́шал еси́, / и от них ра́дуйся прия́л еси́, / и мы вопие́м ти, Нико́лае: / ра́дуйся, всеблаже́нне.

Слава: А́грика о́наго услы́шавый, / и сы́на егó Васи́лия от Ами́ры восхитивый, / и предста́вивый родите́лем здра́ва во еди́н час от срацы́н, / и мне моля́щуся, исхити́ недугу́щую мою́ ду́шу, и грехи́ обложённую, / от огня́ геёнскаго, Нико́лае.

И ныне: Цари́це, всех Царя́ ро́ждшая / и носившая Нося́щаго всю тварь, / спаси́ мя, велича́ющаго Тя, Пресвята́я Влады́чице.

Молитва святому Николаю.

О всехва́льный и всечестный архиере́ю, вели́кий чудотво́рче, святите́лю Христо́в, о́тче Нико́лае, челове́че Бо́жий и ве́рный ра́бе, му́жу желаний, сосу́де избра́нный, крёпкий сто́лпе церко́вный, свети́льниче пресве́тлый, звездо́ осиява́ющая и освеща́ющая всю вселе́нную; ты еси́ пра́ведник, я́ко фи́ник процвётший, насажде́нный во дво́рех Го́спода своего́, живы́й в Ми́рех, му́ром благода́х еси́ и му́ро приснотеку́щее благода́ти Бо́жия источа́еши. Твои́м ше́ствием, пресвяты́й о́тче, мо́ре освяты́ся, егда́ многочуде́сныя тво́я мо́щи ше́ствоваху во град Ба́рский, от восто́ка до за́пада хвали́ти и́мя Го́сподне. О преизя́щенный и предивный чудотво́рче, ско́рый помо́щниче, тёплый засту́пниче, па́стырю предобро́ый, спаса́ющий словесное ста́до от всяких бед! Тебе́ прославля́ем и тебе́ велича́ем, я́ко наде́жду всех христиа́н, исто́чника чуде́с, защи́тителя ве́рных, премудра́го учи́теля, а́лчущих корми́теля, пла́чущих весе́лие,

нагих одеяние, болящих врачей, по морю плавающих управителя, пленников свободителя, вдов и сирот питателя и заступника, целомудрия хранителя, младенцев короткаго наказателя, старых укрепление, постников наставника, труждающихся упокоение, нищих и убогих изобильное богатство. Услыши нас, молящихся тебе и прибегающих под кров твой, яви предстательство твоё о нас к Вышнему и исходатайствуй твоими Богоприятными молитвами вся полезная ко спасению душ и телес наших; сохрани святую обитель сию [или храм сей], всякий град и весь, и всякую страну христианскую, и люди живущия от всякаго озлобления помощию твоёю, вемы бо, вемы, яко много может молитва праведнаго, поспешествующая во благое; тебе же, праведнаго, по Препоблагословенней Деве Марии, предстателя ко Всемилостивому Богу имамы, и к твоёму, преблагий отче, тёплому ходатайству и заступлению смиренно притекаем; ты нас соблюди, яко бодрый и добрый пастырь, от всяких врагов, губительства, труса, града, глада, потопы, огня, меча, нашествия иноплемёнников, и во всяких бедах и скорбех наших подавай нам руку помощи, и отверзи двери милосердия Божия; понеже недостойни есмы зрети высоту небесную от множества неправд наших, связаны есмы узами греховными, и никольже воли Создателя нашего сотворихом, ни сохранихом повелений Его. Тёмже приклоняем колёна сокрушенна и смиренна сердца нашего к Зиждителю своему, и твоего отеческаго заступления к Немю просим: помози нам, угодниче Божий, да не погубнем со беззаконии нашими, избави нас от всякаго зла и от всякия вещи сопротивная, управи ум наш и укрепи сердце наше в правой вере, в нейже твоим предстательством и ходатайством, ни ранами, ни прещением, ни мором, ни коим гневом от Создателя своего умалени будем, но мирное zde поживём житие и да сподобимся видети благая на земли живых, славяще Отца, и Сына, и Святаго Духа, Единаго в Троице славимаго Бога и поклоняемаго, ныне и присно, и во веки веков, аминь.

Молитва вторая.

О всесвятый Николае, угодниче презрядный Господень,

тѣплый наш заступниче, и вездѣ в скорбех скорый помощниче! Помози мне, грѣшному и унылому, в настоящем житиѣ, умоли Господа Бога даровати ми оставление всех моих грехов, елико согрѣших от юности моея, во всем житиѣ моем, делом, словом, помышлением и всеми моими чувствами; и во исходе души моея помози ми, окаянному, умоли Господа Бога, всея твари Содетеля, избавити мя воздушных мытарств и вечнаго мучения; да всегда прославляю Отца, и Сына, и Святаго Духа, и твоѣ милостивное предстательство, ныне и присно и во веки веков, аминь.

Молитва третья.

О всеблагий отче Николае, пастырю и учителю всех, верою притекающих к твоему заступлению и теплою молитвою тебе призывающих, скоро потщися и избави Христово стадо от волков, губящих е, и всяку страну христианскую оградѣ и сохрани святыми твоими молитвами от мирскаго мятѣжа, труса, нашествия иноплемѣнников и междоусобныя брани, от глада, потопа, огня, меча и напрасныя смерти. И якоже помиловал еси трех мужей, в темнице сидящих, и избавил еси их царѣва гнѣва и посечѣния мечнаго. Тако помилуй и мене, умом, словом и делом во тьме грехов суща, и избави мя гнѣва Божия и вечныя казни, яко да твоим ходатайством и помощию, Своим же милосердием и благодатию Христос Бог тихое и безгрѣшное житие даст ми пожити в вѣце сем и избавит мя шуияго стояния, сподобит же деснаго со всеми святыми, аминь.

Таже: Достойно есть яко воистинну блажити Тя, Богородицу, / Присноблаженную и Пренепорочную и Матерь Бога нашего. / Честнейшую Херувим и славнейшую без сравнения Серафим, / без ислѣния Бога Слова рождшую, сущую Богородицу Тя величаем.

Трисвятое: Пресвятая Троице: по Отче наш:

Тропарь, глас 4:

Правило веры и образ кротости, / воздержания учителя / являя стаду твоему / Яже вещей Истина. / Сего ради стяжал еси

КАНОН И АКАФИСТ СВЯТИТЕЛЮ НИКОЛАЮ

смирением высокая, / нищетою богата, / отче
священноначальниче Николае, / моли Христа Бога, / спаси
душам нашим.

Слава, и ныне, Богородичен: Еже от века угаемое / и
Ангелом несведомое таинство, / Тобою, Богородице, сущим на
земли явися Бог, / в неслитном соединении воплощаем / и, Крест
волею нас ради восприим, / имже воскресив первозданного, /
спасе от смерти души наша.

В оглавление

КАНОН АНГЕЛУ ХРАНИТЕЛЮ

Тропарь, глас 6:

Ангеле Божий, хранителю мой святый, / живот мой соблюди
во страхе Христа Бога, / ум мой утверди во истиннем пути, / и к
любви горней уязви душу мою, / да тобою направляемь, / получу
от Христа Бога велию милость.

Слава, и ныне, Богородичен: Святая Владычице, / Христа
Бога нашего Мати, / яко всех Творца недоуменно рождая, /
моли благодать Его всегда, / со хранителем моим ангелом, /
спасти душу мою, страстьми одержимую, / и оставление грехов
даровати ми.

Канон, глас 8.

Песнь 1.

Ирмос: Поим Господеву, / проведшему люди Своя сквозе
Чермное море, / яко един славно прославися.

Иисусу: Господи Иисусе Христе Боже мой, помилуй мя.

Песнь воспети и восхвалити, Спасе, / Твоего раба достойно
сподоби, / безплотному Ангелу, наставнику и хранителю моему.

Припев: Святый Ангеле Божий, хранителю мой, моли
Бога о мне.

Един аз в неразумии и в лености ныне лежу, / наставниче
мой и хранителю, / не остави мене, погибающа.

Слава: Ум мой твоею молитвою направи, / творити ми
Божия повеления, / да получу от Бога отдание грехов, / и
ненавидети ми злых настави мя, молюся ти.

И ныне: Молюся, Девице, о мне, рабе Твоем, ко
Благодателю, / со хранителем моим Ангелом, / и настави мя
творити заповеди Сына Твоего и Творца моего.

Песнь 3.

Ирмос: Ты еси утверждение / притекающих к Тебе, Господи,
/ Ты еси свет омраченных, / и поет Тя дух мой.

Святый Ангеле Божий, хранителю мой, моли Бога о мне.

Все помышление мое и душу мою к тебе возложих,
хранителю мой; / ты от всякия мя напасти вражия избави.

Святый Ангеле Божий, хранителю мой, моли Бога о мне.

Враг попирает мя, и озлобляет, / и поучает всегда творити
свои хотения; / но ты, наставниче мой, / не остави мене
погибающа.

Слава: Пети песнь со благодарением и усердием / Творцу и
Богу даждь ми, / и тебе, благому Ангелу хранителю моему: /
избавителю мой, изми мя от враг озлобляющих мя.

И ныне: Исцели, Пречистая, моя многонедужная струпы,
яже в души, / прожени враги, яже присно борются со мною.

Седален, глас 2.

Подобен: Вышних ищя:

От любви душевныя вопию ти, / хранителю моея души,
всесвятый мой Ангеле: / покрый мя и соблюди от лукаваго
ловления всегда, / и к жизни настави небесней, / вразумляя и
просвещая и укрепляя мя.

Слава, и ныне, Богородичен: Богородице безвестная
Пречистая, / Яже без семени рождши всех Владыку, / Того со
Ангелом хранителем моим моли, / избавити ми ся всякаго
недоумения, / и дати умиление и свет души моей и согрешением
очищение, / Яже едина вскоре заступающи.

Песнь 4.

Ирмос: Услышах, Господи, / смотрения Твоего таинство, /
разумех дела Твоя, / и прославих Твое Божество.

Святый Ангеле Божий, хранителю мой, моли Бога о мне.

Моли Человеколюбца Бога ты, хранителю мой, / и не остави
мене, / но присно в мире житие мое соблюди / и подаждь ми

спасение необоримое.

Святы́й А́нгеле Бо́жий, храните́лю мой, моли́ Бо́га о мне.

Я́ко засту́пника и храните́ля животу́ моему́ прие́м тя от Бо́га, А́нгеле, / молю́ тя, святы́й, / от всяких мя бед свободи́.

Слава: Мою́ скверно́сть твоёю святы́нею очисти́, храните́лю мой, / и от ча́сти шу́ия да отлуче́н бу́ду моли́твами твои́ми / и прича́стник сла́вы явлю́ся.

И ны́не: Недоуме́ние предлежи́т ми от обыше́дших мя зол, Пречи́стая, / но изба́ви мя от них ско́ро: / к Тебе́ бо еди́ней прибе́гох.

Песнь 5.

Ирмос: У́треннюю́ще вопие́м Ти: / Го́споди, спаси́ ны; / Ты бо еси́ Бог наш, / ра́зве Тебе́ ино́го не ве́мы.

Святы́й А́нгеле Бо́жий, храните́лю мой, моли́ Бо́га о мне.

Я́ко имéя дерзнове́ние к Бо́гу, / храните́лю мой святы́й, / Сего́ умоли́ от оскорбля́ющих мя зол изба́вити.

Святы́й А́нгеле Бо́жий, храните́лю мой, моли́ Бо́га о мне.

Свете́ све́тлый, све́тло просвети́ ду́шу мою́, / наста́вниче мой и храните́лю, / от Бо́га да́нный ми А́нгеле.

Слава: Спя́ща мя зле́ тягото́ю грехо́вною, / я́ко бдя́ща сохрани́, А́нгеле Бо́жий, / и возста́ви мя на славосло́вие моле́нием твои́м.

И ны́не: Мари́е, Госпоже́ Богоро́дице безневе́стная, наде́ждо ве́рных, / вра́жия возноше́ния низложи́, / пою́щия же Тя возвесели́.

Песнь 6.

Ирмос: Ри́зу ми пода́ждь све́тлу, / оде́йся све́том я́ко ри́зою, / многомилостиве́ Христе́ Бо́же наш.

Святы́й А́нгеле Бо́жий, храните́лю мой, моли́ Бо́га о мне.

Всяких мя напáстей свободи́, и от печа́лей спаси́, / молю́ся ти, святы́й А́нгеле, да́нный ми от Бо́га, / храните́лю мой до́брый.

Святы́й А́нгеле Божий, хранителю мой, моли́ Бóга о мне.

Освети́ ум мой, бла́же, и просвети́ мя, / молю́ся ти, святы́й А́нгеле, / и мы́сли ми полéзная всегдá настáви мя.

Слава: Уста́ви се́рдце моё от настоя́щаго мяте́жа, / и бде́ти укрепи́ мя во бла́гих, хранителю мой, / и настáви мя чу́дно к тишинé живóтней.

И ныне: Сло́во Божие в Тя вселі́ся, Богоро́дице, / и челове́ком Тя показá небéсную лéствицу; / Тобо́ю бо к нам Вы́шний соше́л есть.

Кондак, глас 4:

Явися мне милосе́рд, святы́й А́нгеле Господе́нь, хранителю мой, / и не отлуча́йся от мене́, скве́рнаго, / но просвети́ мя све́том неприкоснове́нным / и сотвори́ мя досто́йна Ца́рствия Небе́снаго.

Икос: Уничуже́нную ду́шу мою́ мно́гими собла́зны, / ты, святы́й предста́телю, / неизрече́нная сла́вы небе́сныя сподо́би, / и певе́ц с ли́ки безплóтных сил Божиих, / помилуй́ мя и сохрани́, и помы́сли до́брыми ду́шу мою́ просвети́, / да твоёю сла́вою, А́нгеле мой, обогащ́уся, / и низложі́ зломы́слящия мне враги́, / и сотвори́ мя досто́йна Ца́рствия Небе́снаго.

Песнь 7.

Ирмос: От Иуде́и доше́дше óтроцы, / в Вавилóне иногдá, / véрою Трóическою пла́мень пéщный попра́ша, пою́ще: / отце́в Бóже, благослове́н еси́.

Святы́й А́нгеле Божий, хранителю мой, моли́ Бóга о мне.

Ми́лостив бу́ди ми, и умоли́ Бóга, Господе́нь А́нгеле, / имéю бо тя застúпника во всем животе́ моём, наста́вника же и храните́ля, / от Бóга дарова́ннаго ми во ве́ки.

Святы́й А́нгеле Божий, хранителю мой, моли́ Бóга о мне.

Не оста́ви в путь шéствующия ду́ши моея́ окаянны́я / уби́ти разбо́йником, святы́й А́нгеле, / я́же ти от Бóга предана́ бысть непорóчне; / но настáви ю́ на путь покая́ния.

Слава: Всю посрамлену дýшу мою / привождý от лукавых ми помысл и дел: / но предварí, наставниче мой, / и исцеление ми подаждь благи́ми помыслы, / уклоня́ти ми ся всегда́ на правыя стези́.

И ныне: Прему́дрости испóлни всех и крѣпости Божѣственныя, / Ипостáсная Прему́дросте Вы́шняго, Богороди́цы ра́ди, véрою вопию́щих: / о́тец на́ших Бо́же, благословѣн еси́.

Песнь 8.

Ирмос: Царя́ Небѣснаго, / Егóже пою́т вои́ ангельстии, / хвалите и превозносите во вся véки.

Святѣй Ангеле Бо́жий, хранителю мой, моли́ Бо́га о мне.

От Бо́га по́сланный, / утверди́ живóт мой, раба́ твоегó, преблагий Ангеле, / и не остави́ мене́ во véки.

Святѣй Ангеле Бо́жий, хранителю мой, моли́ Бо́га о мне.

А́нгела тя сýща блага́, / души́ моея́ наставника и хранителя, преблаженне, / воспеваю во véки.

Слава: Буди ми покрóв и забрало / в день испытáния всех человек, / вóньже огнѣм искуша́ются дела́ благая́ же и злая́.

И ныне: Буди ми помóщница и тишина́, Богороди́це Приснодéво, рабú Твоемý, / и не остави́ мене́ лишѣна б́гити Твоегó влады́чества.

Песнь 9.

Ирмос: Воистинну Богороди́цу / Тя исповѣдуем, / спасѣннии Тобóю, Дéво чистая, / с безплóтными лики́ Тя велича́юще.

Иисусу: Гóсподи Иисýсе Христѣ Бо́же мой, помилуй мя.

Помилуй мя, еди́не Спа́се мой, / я́ко милостив еси́ и милосѣрд, / и праведных ликóв сотвори́ мя причáстника.

Святѣй Ангеле Бо́жий, хранителю мой, моли́ Бо́га о мне.

Мы́слити ми присно и творити, Господень Ангеле, / благая́ и полѣзная даруй, / я́ко сильна яви́ в нѣмощи и непорóчна.

Слава: Я́ко имѣя дерзновѣние к Царю́ Небѣсному, Тогó

моли́, / с прѡчими безплѡтными, помѡловати мя, окаяннаго.

И ныне: Мнѡго дерзновѣние имѡущи, Дѣво, к Воплѡщшемуся из Тебѣ, / преложѣ мя от уз и разрешѣние ми подаждь и спасѣние, моли́твами Твоѣими.

Молитва ко святому Ангелу Хранителю.

А́нгеле Христовъ святы́й, к тебѣ припада́я молю́ся, хранителю мой святы́й, приданны́й мне на соблюде́ние души́ и тѣлу моему́ грѣшному от свята́го крещѣния, аз же своѣю лѣностию и своѣм злымъ обы́чаем прогнѣвах твою́ пречѣистую свѣтлость и отгна́х тя от себѣ все́ми стѹдными дѣлы: лжа́ми, клеветáми, за́вистию, осужде́нием, презѡрством, непоко́рством, братоненавидѣнием, и злопомне́нием, сребролю́бием, прелюбоде́янием, я́ростию, ску́постию, объядѣнием без сы́тости и опѣвством, многоглаго́ланием, злы́ми по́мыслы и лука́выми, го́рдым обы́чаем и блѹдным возбешѣ́нием, имѣ́й самохотѣ́ние на всякое плотское́ вожделѣ́ние. О, зло́е моѣ произво́ление, егѡ́же и скѡти безсловѣ́снии не творя́т! Да ка́ко возмо́жеши воззрѣ́ти на мя, или́ приступи́ти ко мне, áки псу смердя́щему? Котѡ́рыма очѣ́ма, А́нгеле Христовъ, воззри́ши на мя, оплѣтшася зле во гнѹсных дѣ́лех? Да ка́ко ужѣ возмо́гу отпу́щения проси́ти го́рьким и злымъ моѣмъ и лука́вым де́янием, в ня́же впа́даю по вся дни и но́щи и на всяк час? Но молю́ся ти припада́я, хранителю мой святы́й, умило́сѣрдися на мя грѣшнаго и недостѡ́йнаго раба́ твоего́ (**имярек**), бѹди ми помо́щник и застѹпник на зла́го моего́ сопроти́вника, святы́ми твоѣими моли́твами, и Ца́рствия Бѡ́жия прича́тника мя сотвори́ со все́ми святы́ми, во ве́ки, ами́нь.

В оглавление

КАНОН ЧЕСТНОМУ И ЖИВОТВОРЯЩЕМУ КРЕСТУ

Тропарь Креста, глас 1:

Спаси, Господи, люди Твоя, / и благослови достояние Твое, / победы на сопротивных даруя, / и Твое сохраняя Крестом Твоим жительство.

Канон.

Творение Григория Синаита. Глас 4.

Песнь 1.

Ирмос: Отверзу уста моя, / и наполнятся Духа, / и слово отрыгну Царице Матери, / и явлюся, светло торжествуя, / и воспою, радуясь, Тоя чудеса.

Припев: Слава, Господи, Кресту Твоему Честному.

Кресте всеильне, апостолов похвала, / преподобных утверждение, и верных знамение, / и иерархов и мучеников слава, / победа и утверждение всех хвалящих тя.

Кресте всечестный, четвероконечная сила, / апостолов благолепие, и мучеников крепость, / немощных здравие показался еси, / мертвым воскресение, падающим воздвижение.

Слава: Кресте, ты ми сила буди, крепость и держава, / избавитель и предрачник на борющая мя, / щит и хранитель, победа и утверждение мое, / присно соблюдая мя и покрывая.

И ныне: На Кресте, Всенепорочная, Твоего Сына яко узрела еси, / оружие скорбное утробу Твою растерзав, / и восклицала еси рыдаючи в болезни, / но абие прославила еси Креста силу.

Песнь 3.

Ирмос: Твоя песнословцы, Богородице, / живый и независтный источник, / лик Себе совокупльшия духовно, утверди, / в Божественной Твоей славе / венцев славы сподоби.

Кресте, преподобных оружие, обоудный меч Христов, /

вѣрных удобрѣние, болящих исцелѣние и заступлѣние, / и
воздвѣженіе умерших, Всечѣстне.

Крѣсте, основаніе благочестія, / бесом показался еси
губитель, Цѣрквам благолѣпіе, / нечестивым погѣбель, врагом
посрамлѣние на день судный.

Слава: Крѣсте живоносный, / ты ми буди крѣпость и побѣда,
и щит, / и стѣна нератуема, бесом отгнаніе, / и помыслом
погашѣние, и ума моего сохранѣние.

И ныне: Распятіе поносное, Дѣво Владычице, Твой Сын
претерпѣл есть, и смѣрть неподобную. / Но вознесся, низверже
противныя вражія силы, яко безсмертен.

Седален, глас 8.

Подобен: Повелѣнное тайно:

Проображаше тайне дрѣвле Иисус Навин Крестá образ, /
егдá рѣце прострѣ крестовидне, Спасе мой, / и ста солнце,
дондеже врагѣ низложѣ, противостоящія Ти, Бóгу; / ныне же
зайде, на Крестѣ Тя зря, / и, державу смѣртную разрушив, / весь
мѣр совоздвѣгл еси.

Песнь 4.

Ирмос: Седяй в слáве на Престóле Божества, / во óблаце
лѣгце, / прииде Иисус Пребожественный, / нетлѣнною длáнию, и
спасѣ зовущія: / слáва, Христѣ, силе Твоей.

Четвероконѣчный сый мѣр, / и яко триобоудный меч, начала
тьмы сечѣши, / нами воображаемь, Крѣсте, оружіе великое
Христово, / и непобѣдимое победѣтельство всесильное.

Твоя высотá, Живоносне Крѣсте, воздушнаго князя биѣт, / и
глубинá всея бѣздны закалает змѣя, / широту паки воображает, /
низлагая мѣрскаго князя крѣпостию Твоею.

Слава: Вознесся сопривлѣкл еси падшія, / воздвѣгл еси
естество земное, / Престóлу Бóжию прославился еси, Крѣсте, /
высотó великая, мѣрскій мóсте, / дѣшу мою от страстей глубины
вознеси вскорѣ.

И ныне: Крестообразно, Пречѣстая Отроковице

Богорóдице, / длáни Твоѣ распростёрши ко ѣже на Крестѣ
Воздвѣженному, / и молѣтвы, Дѣво, ны́не принеси́, / за всех
вѣрно молящихся Тебѣ.

Песнь 5.

Ирмос: Ужасóшася вся́ческая / о Божѣственной сла́ве Твоѣй:
/ Ты бо, Неискусобра́чная Дѣво, / имѣла еси́ во утрóбе над все́ми
Бо́га / и родила́ еси́ Безлѣтнаго Сы́на, / всем воспева́ющим Тя /
мир подава́ющая.

Кресте, небѣсная лѣствице свята́ни, степѣнем наста́вниче, /
Христо́ва высотá и сла́ва еси́, / Бо́жий о́браз назнаменáтелен
ми́ру, / невидимому же и ви́димому, единочѣстне.

Кресте, о́бразе неисписа́нный си́лою, / освяще́ние вода́м,
очище́ние возду́ху, / освяще́ние и просвеще́ние вся́кому,
му́жества зна́мение, / и Христо́в ски́птр непрелóжный,
проти́вныя в зѣмлю попира́я.

Слава: Кресте́ всеси́льне, / злочестѣвья низложи́ враги́,
ненави́дящия и хуля́щия тя безу́мно, / язы́ки попали́ и угаси́
шатáния их. / О Кресте́ всесвяты́й и Христонóсный, / сохрани́
нас держа́вою Твоѣю.

И ны́не: Всех Цари́це Влады́чице, ски́птром Рожде́ства
Твоѣго́ / разруши́, Девѣ́це, воста́ние хуля́щих крѣстную си́лу. /
Даждь крѣпость и очище́ние, / побѣду и по́мощь вѣрным лю́дем
Твоѣим.

Песнь 6.

Ирмос: Божѣственное си́е и всечестно́е / соверша́юще
пра́зднество, / Богому́дри, Богома́тере, / приидите, рука́ми
восплѣщим, / от Неѣ́ ро́ждшагося Бо́га сла́вим.

Кресте всех воскресе́ние, / Крест па́дших исправле́ние, /
страсте́й умерщвле́ние и плóти пригвожде́ние, / Крест душáм
сла́ва и свет вѣчный.

Крест враго́в губи́тель, / Крест злочестѣ́вых я́зва и пленѣние,
и вѣрных держа́ва, / благочестѣ́вых храните́ль и бесо́в
отгоните́ль.

Слава: Крест страстѣй па́губа, / Крест помыслѡв отгн́ание, / Крест сокруше́ние язы́ческо иску́сительно / и духо́вом показáся лови́тельство.

И ныне: Крест воздв́ижется и па́дают духо́в возду́шных чи́нове, / Крест снизх́одит, и нечести́вии вси ужа́саются, / я́ко мо́лнию ви́дяще крѣстную си́лу.

Кондак, глас 4. Самоподобен:

Вознеси́йся на Крест во́лею, / тезоимени́тому Твоему́ но́вому жи́тельству / щедро́ты Тво́я да́руй, Христе́ Бо́же, / возвесели́ нас си́лою Твое́ю, / победы́ дай нам на сопоста́ты, / посѡбие иму́щим Твоѡ ору́жие ми́ра, / непобеди́мую побѡду.

Икос: Ёже до трѣтияго Небесе́ восхищенъ бысть в рай / и глаго́лы слы́шав неизрече́нныя и Божѣственныя, / ихже не леть язы́ки [челове́ческими] глаго́лати, / что Гала́том пи́шет, я́ко рачи́телие Писа́ний прочтѡсте и позна́сте: / мне, глаго́лет, хвали́тися да не бу́дет, то́кмо во еди́ном Крестѣ Господни, / на нёмже, страда́в, уби́ страсти. / Того́ у́бо и мы изве́стно держи́м, Крест Господе́нь, хвалу́ вси: / есть бо нам спаси́тельное сие́ Дре́во / ору́жие ми́ра, непобеди́мая побѡда.

Песнь 7.

Ирмос: Не послужи́ша тва́ри Богому́дрии, / па́че Созда́вшаго, / но о́гненное прещѣ́ние му́жески попра́вше, / ра́довахуся, пою́ще: / препѣ́тый отце́в Госпо́дь и Бог благослове́н еси́.

Неразде́льную Трои́цу и неслиянну, / естество́ еди́нством благосло́вим, / Отца́ нерождѣ́нна, и рождѣ́нна Сы́на, / и Свята́го исходите́льнаго Божѣственнаго Ду́ха, пе́снями пою́ще: / благослове́н Бог оте́ц на́ших.

Незаходи́тельными мо́лниями Твои́ми, Триипоста́сне, / на́ша озари́ умныя о́чи, / добро́ту Твою́, Трисвѣ́тне, пресу́щественную зрѣти, / я́же челове́ком недове́домая и непристу́пная А́нгелом.

Слава: Луча́ми све́та Твоего́ / па́дшую мою́ ду́шу возведи́ от глубины́, / благи́й Бо́же, препѣ́тый и всеси́льный, / попо́лзшуюся

от свѣта благодѣтнаго и во тьму воглѹблѣшуюся.

И ныне: Крестообразно простѣрши рѹце, Чїстая, / к распростѣршему свой рѹце на Дрѣве Крѣстнем, / и вознѣсшему естество наше, и умертвѣвшему враждѣбныя полкі, / молящи не прѣстай.

Песнь 8.

Ирмос: Отроки благочестївья в пещї / Рождество Богородично спасло есть, / тогда ѹбо образуемое, / ныне же действующее, / вселенную всю воздвїзает пѣти Тебѣ: / Господа пойте делѣ / и превозносите Его во вся вѣки.

Высота Христовыхъ страстѣй и лук, и оружіе, и меч, / оружіе непостыдное, и сила непобѣдимая, / Христово подножіе и победительство на врагї, / знаменїя Царствїя, скиптре вѣрныхъ, / показался есї, Кресте победоносне.

Воздвїгл есї наше падшее естество, Христомъ распеншимся, совозставив; / высоту Божественная, глубинѣ неизглаголанная, / Христово ты есї знамение, Кресте пребогате, и ширѣта безмѣрная, / и знамение непостижимья Троицы, жизнѣносче.

Слава: Устнами, душею же и сѣрдцем Крест Господень лобызѣюще, / приидите ныне вознесемъ вси и возвеличимъ, / поклоняющеся рцемъ вкупѣ, песнь пречїстую, вопїюще: / радуйся, великое богатство, Кресте, церковное украшенїе.

И ныне: Дрѣво жїзни и спасенїя, / Дрѣво безсмертїя, Дрѣво разума, / Дрѣво трилюбѣзно, нетлѣнно и неизнуряемо, / Крест трисоставный, честное Дрѣво, / Троицы бо носитъ Триипостасныя образъ.

Песнь 9.

Ирмос: Всяк земнородный / да възграется, Духомъ просвѣщаемъ, / да торжествуетъ же Безплѣтныхъ умѣв естество, / почитающее священное торжество Богоматере, / и да вопїетъ: / радуйся, Всеблаженная, / Богородице Чїстая Приснодево.

Кто слышана сотворитъ, якоже пишется, действия твоѣ, миролюбѣзный Кресте, / силы и чудеса, умершимъ востанїе; / и

мір весь совознёсл есі, вознесійся к Бóгу многожелаемый.

Утверждѣние вѣрным Крест треблаженный, / знамение и похвалá, Дрѣво всесильное, / Крест Христов великий и совершенный, / апóстолом похвалá, преподóбным утверждѣние / и мучеником крѣпость и держáва, / вѣрным побѣда и похвалá.

Слава: Рáдуйся, Крѣсте, образе неопísанный и многоименítый, / Дрѣво требогáтное, страшно же и всеблаженно; / рáдуйся, Крѣсте всесвятый и всесильный; / рáдуйся, хранítелю жízни нашея, / Господень Крѣсте многопѣтый.

И ныне: Крѣсте Честный, хранítель душí и тѣла бóди ми, / образом своим бѣсы низлагáя, врагí отгоняя, страсти упражняя, / и благословѣние даруя ми, и жízнь и сíлу, / содѣйствием Свягáго Дúха, и честными Пречíстыя мольбáми.

Молитва Честному и Животворящему Кресту.

Гóсподи Иисусе Христе, Сíне Бóга живáго, Творче нѣба и землí, Спасítелю мíра, се аз, недостóйный и пáче всех грешнѣйший, смиренно колѣна сѣрдца моего пред славою величества Твоегó преклоняя, воспѣваю и величаю безмѣрное страданіе Твое, и благодарѣние Тебѣ, Царю всех и Бóгу приношóу, я́ко благоизволил есі снítи с небеснаго Престола Твоегó и воплотítися от Пречíстыя Дѣвы Марíи, рáди спасенія человѣческаго; безплóтен сый, плотскóе естество́ Божеству́ совокупляя; богáт сый, волею обнищáл есі, да человѣка во Цáрствии Твоем обогатíши; труды́ и всякія человѣческія бѣды́, я́ко человек, на Себѣ понесл есі, да всем во всяких печáлех и нúждах посóбствуеши; четы́редесять дней постíввйся, всем к воздержáнию путь показáл есі; мно́жицею от лукавых искушен был есі, всех от искушеній всяких избавляя. Вем, всесильный Влады́ко, я́ко вся сія́ Тебѣ непотрѣбна бы́ша, но человѣческаго рáди спасенія вся претерпѣл есі: прѣдан был есі за тридесять срѣбреник, да человѣка искúпиши от лю́тыя рабóты вра́жия; от немíлостивых Иудѣй, я́ко незлóбивый áгнец, похищен был есі, род человѣческій от поглощенія вóлка мысленнаго исторгáя; на

судіщи пред А́нною и Каиа́фою предста́л еси́, всех от осужде́ния огня́ вѣчнаго отводя́; связа́н, поруга́н, оплева́н, от ложныхъ свидѣтелей оклеветанъ и на поно́сную смерть осужде́н, человека́ от всякя́ напа́сти, муче́ния и от вѣчна́я сме́рти свобожда́я; Пилату, никѣ́го зла соде́явый, преда́н был еси́ и ко Ё́роду посла́н, и па́ки поруга́н, человека́ от зла́го обстоя́нія и от поруга́ній вра́жиих избавля́я. Что у́бо возда́м Тебе́, Влады́ко Человеколю́бче, о всех, я́же претерпел еси́ мене́ ра́ди грѣшнаго? Не вем. Ду́ша бо и тѣло, и вся благая́ от Тебе́ суть, и вся моя́ Твоя́ суть, и аз Твой есмь; то́чию на безчи́сленное Твое́ милосѣ́рдие, благоутро́бне Го́споди, надѣяся, пою́ Твое́ неизрече́нное долготерпе́ние, велича́ю неиспове́димое смотре́ние Твое́, сла́влю Твою́ безме́рную ми́лость, и́миже преклоні́лся еси́ мене́ ра́ди осужде́ннаго, да аз оправда́н бу́ду. К столпу́, Спа́се, привяза́н и без ми́лости биѣ́н, ми́лостив сый, разреши́ мя, молю́ся, от грехо́в мои́х; те́рнием венча́н, ду́ши моя́ грехо́вное те́рние искорени́; трѣ́стию биѣ́н по главе́, сокруши́ главу́ зми́я, уязвля́ющаго мя жа́лом греха́; в багря́ну ри́зу оболче́н и мучи́телем преда́н, просвети́ ми, Царю́ Пресвяты́й, одея́ние душе́вное, да вни́ду в черто́г Твой всекра́сный; с разбо́йники вменѣ́н и Крест на ра́му Своёю понесы́й, разбо́йника врага́, и́щущаго ду́шу мою́ уби́ти, Твои́м Кресто́м прожени́. Вем Тя, Иису́се долготерпели́ве, лю́те уязвленнаго; от верху́ главы́ Твоея́ святы́я, да́же до стопы́ ножны́я, не бе в Тебе́ ме́ста це́ла. Что же возглаго́лю о неизрече́нном человеколю́бии Твоём, Христе́ Спаси́телю? То́чию в сокруше́нии се́рдца моего́, покланя́ясь Твои́м Пречи́стым страсте́м и вселюбе́зно ты́я лобыза́я, вопию́: помилуй мя, грѣшнаго. На Кресте́ пригвозди́тися изво́ливый, пригвозди́ заповедемъ Твои́м се́рдце мое́; воздви́жен со Кресто́м на горе́ Голго́фе, воздви́гни мы́сли моя́ к небеси́, да всегда́ го́рняя му́дрствую; же́лчию со о́цтом напоѣ́н, огорче́нное ми грехо́м се́рдце услади́ любѣ́вию Твоею́, и жа́ждуща напо́й пото́ком сла́дости Твоея́; ру́це Свои́ пречи́стей распрости́й на прія́тие всех, приими́ мя, грѣшнаго; но́зе пригвожде́ны имѣ́вый, хотя́ всегда́ со грѣшники бы́ти, бу́ди со мно́ю, грѣшным,

возбраняя ногам моим от всякаго пути лукаваго; сердце отверсто имевый, яви мне благодать Свою, грешному; главу пресвятую на Кресте преклонивый, услыши недостойныя молитвы моя. О, пречудная и неизмеримая глубино милосердия, Христэ Бóже, за врагí распинатели Своя́ Бóгу Отцú моливыйся, даждь и мне, грешному, сию́ благодать, любíти врагí моя́ и молíтся за них; разбóйнику каюшемуся рай отвёрзый, воззри, Свёте мой, на мя, грешнаго, подаждь покаяние и отвёрзи ми двéри мíлости Твоея́, и помяни́ мя, недостóйнаго, во Цáрствии Твоём. Наконéц, Дúха Своего́ Пресвята́го преда́вый в рúце Бóгу Отцú, приими́, Создáтелю, дух мой во врёмя кончыны моея́; со Крестá снят и во грóбе я́ко мертв положён, Спáсе, живы́й во свёте непристúпнем, возьми́ от менé тяжкое брёмя грехóвное, и не возгнушáйся, Человеколю́бче, вселíтся во гробъ сёрдца моего́ недостóйнаго, на умерщвлéние моего́ плотска́го мудровáния; я́ко да не ктому́ себé, брénное создáние Твоё, но Тебé, Гóсподеви и Бóгу моему́ живы́й, Твоим, о Всемило́стиве, благоутрóбием, слодóблюся видети Тебé, Создáтеля и Спасíтеля моего́, за прíятие смёрти крестныя, славою́ и чéстию венчáннаго, во свёте неприкосновénныя Твоея́ слáвы; идéже со Безначáльным Твоим Отцём, и со Пресвяты́м, и Благím, и Животворящим и Единосúщным Твоим Дúхом цáрствуеши прёжде век, ны́не и прíсно и во вéки векóв, амíнь.

В оглавление

КАНОН ЧТОМЫЙ ЗА БОЛЯЩЕГО

Глас 3. Песнь 1.

Ирмос: Пресекаемое море жезлом древле, / Израиль пройде яко по пустыни, / и крестообразно яве, предуготовляет стези. / Сего ради поим во хвалении чудному Богу нашему, / яко прославися.

Милостиве Господи, услыши молитву раб Своих, молящихся Тебе.

В день печали нашедшия на ны / к Тебе, Христэ Спасе, припадающе, / Твоея милости просим. / Облегчи болезнь раба Твоего, / изрекй нам, яко сотнику: / иди, се здрав есть отрок твой.

Милостиве Господи, услыши молитву раб Своих, молящихся Тебе.

Мольбы и моления с воздыханием к Тебе вопиём, Сыне Божий: / помилуй нас. / Воздвигни со одра лежащаго, яко разслабленнаго словом: / возьми одр твой, глаголя, отпускаются ти греси твой.

Слава: Твоего, Христэ, образа подобию поклоняющиеся, верою целуем, / и болящему здравия просим, подражающе кровоточивей, / яже подольца риз Твоих коснуса и исцеление недуга прият.

И ныне: Пречистая Госпоже Богородице, всем известная Помощница, / не презри нас к Тебе припадающих, / моли яко блага Своего Сына и Бога нашего / дати здравие болящему, да Тя с нами прославляет.

Песнь 3.

Ирмос: Иже от не сущих вся приведый, / словом созидаемая, / совершаемая Духом / Вседержителю Вышний, / в любви Твоей утверди мене.

Мілоствиве Гóсподи, услыши молітву раб Своіх, молящихся Тебѣ.

Иже от тяжких болѣзней на землі повержен / к Тебѣ, Христѣ, с нами вопиѣт, / подаждь здравіе телесі егó, / якоже и Езекии плакавшуся к Тебѣ.

Мілоствиве Гóсподи, услыши молітву раб Своіх, молящихся Тебѣ.

Прізри, Гóсподи, на наше смиреніе и не помяни беззаконій наших, / но веры ради болящаго, / яко прокаженнаго словом, исцели ему болѣзнь, / да Твоѣ, Христѣ Бóже, славится имя.

Слава: Церковь, юже еси освятил, / на ту, Христѣ, не даждь поношенія, / но воздвигни невидимо в недуге на одре лежащаго, / в нейже молим Ти ся: / да не рекут невернии, где есть Бог их.

И ныне: К Твоему пречистому, Богородице, образу рuce воздеюще вопиѣм: / услыши раб Твоих молітву и спаси в болѣзни лежащаго, / да от болѣзни востав, воздаст обѣты, / яже в печали глаголаша уста егó.

Седален, глас 8:

На одре греховнем лежаща мя, и страстми уязвлена, / и якоже воздвигл еси Петрову тещу / и спасе расслабленнаго носима со одром, / тако и ныне посети, Мілоствиве, болящаго, / понесий недуги рода нашего. / Тебѣ Единаго вѣмы терпелива и милосерда, / милостива врача душам и телесем, Христа Бóга нашего, / наводяща недуги и паки исцеляюща, / подавающа прощѣние кающимся о согрешениих, / Единаго Милосердаго и Милостиваго.

Слава: Аз грешный плачуща на одре своем лежѣ, / прощѣние ми подаждь, Христѣ Бóже, / и от болѣзни сея воздвигни мя, / и яже есмь от юности грехи сотворил, / избѣйти ми сих молітвами Богородицы даруй.

И ныне: Умилосердися и спаси мя, / воздвигни мя от одра болѣзненнаго, / мощь бо моя во мне изнеможе / и весь нечаянием одержим есмь, Мати Божия Пречистая, / исцели недугующа люте, / Ты бо еси Помощница христианом.

Песнь 4.

Ирмос: Положил еси к нам твердую любовь, Господи, / Единороднаго бо Твоего Сына за ны на смерть дал еси. / Темже Ти зовем благодарще: / слава силе Твоей, Господи.

Милостиве Господи, услыши молитву раб Своих, молящихся Тебе.

Уже отчаянна лютым недугом / и к смерти приближившася возврати, Христе, на живот / и даждь плачущимся утеху, / да вси прославляем Твою святая чудеса.

Милостиве Господи, услыши молитву раб Своих, молящихся Тебе.

Тебе, Творче, каемся во своих гресех, / яко не хощеши смерти грешници, / оживи, уздрави болящаго, / да возстав послужит Ти, / исповедуя с нами Твою благодать.

Слава: Слезы Манасиины, ниневитян покаяние, / Давидово исповедание приим, вскоре спасл еси, / и наши молитвы ныне приими, / даждь здравие болящему, о немже Тя молим.

И ныне: Подаждь нам Твою милость, Госпоже, / всегда на Тя надеющимся, / испроси здравие болящему, / врачевнии Твой руке с Предтечею, Богородице, / ко Господу Богу простираючи.

Песнь 5.

Ирмос: На земли невидимый явился еси, / и человеком волею сожил еси непостижимый, / и к Тебе утренююще, / воспеваем Тя, Человеколюбче.

Милостиве Господи, услыши молитву раб Своих, молящихся Тебе.

Дщерь Иаинову уже умершу, яко Бог оживил еси, / и ныне возведи, Христе Боже, от врат смертных болящаго, / Ты бо еси путь и живот всем.

Милостиве Господи, услыши молитву раб Своих, молящихся Тебе.

Сына вдовича оживив, Спасе, / и тоя слезы преложив на радость, / спаси от недуга тлеющего раба Своего, / да и наша

скорбь и болѣзнь на радость придет.

Слава: Огненну болѣзнь Петрове тѣще прикосновѣнием Твоим исцелив, / и ныне возстави болящаго раба Твоего, / да востав, яко Иона, послужит Ти.

И ныне: Скорбнии, смиреннии, грешнии, не имущии дерзновѣния / к Тебѣ, Пречистая Богомати, вопиѣм: / умоли Сына Своего Христа / дати болящему здравие телеси.

Песнь 6.

Ирмос: Бѣдна послѣдняя грехов обиде мя, / и исчезает дух мой: / но прострой, Владыко, высокую Твою мѣщцу, / яко Петра мя Управителю, спаси.

Милостиве Господи, услыши молитву раб Своих, молящихся Тебѣ.

Бѣдну милосердия и милости имѣя, Христѣ Бже, / услыши молѣния раб Твоих. / Ты бо еси Петром Тавифу воскресив, / Ты и ныне в болѣзни лежащаго воздвигни, / послушав церковных молитвенник.

Милостиве Господи, услыши молитву раб Своих, молящихся Тебѣ.

Врачу душам и телесем нашим, / понесый недуги всего мира, Христѣ, / и Енея Павлом исцеливый, / Ты и ныне болящаго исцели, / святых апостол молитвами.

Слава: Преложи, Христѣ, на радость рыдание о недужнем скорбящих, / да Твою получишь милость, внидет в дом Твой, со обѣтными дарми, / славяща Тя в Троице Единого Бога.

И ныне: Приидите, о друзи, поклонимся / молящеся о болящем Божией Матери. / Та бо имѣет власть недужныя исцеляти, со безмѣздникама вкупе, / духовным невидимо помазующе маслом.

Кондак, глас 3:

Душу мою, Господи, во гресех всяческих, / безмѣстными деяньми разслаблену, / воздвигни Божественным Своим человеколюбием, / якоже и разслабленнаго воздвигл еси древле,

/ да зову́ Ти спаса́ем: / ще́дре Христе́, даждь ми исцелёние.

Икос: Ёже руки́ Своея́ го́рстию содержа́й концы́, Иису́се Бо́же, / Ёже Отцу́ Собезнача́льный и Ду́ху Свято́му совлады́чествуя, / я́ко плоти́ю, яви́лся еси́, недуги́ исцеля́я, / и стра́сти очисти́л еси́, слепы́я просвети́л еси́, / и разсла́бленнаго сло́вом Божество́нным совозста́вил еси́, / сего́ пра́во ходя́ща сотвори́в, и одр повелёл еси́ на ра́мо взяти. / Те́мже вси с ним воспева́ем и поём: / ще́дре Христе́, даждь ми исцелёние.

Песнь 7.

Ирмос: Пре́жде образу́ злато́му, / перси́дскому чтілицу́ о́троцы не поклоні́шася, / три́е пою́ще посреде́ пе́щи: / отце́в Бо́же, благослове́н еси́.

Мілостиве Го́споди, услы́ши моли́тву раб Свои́х, моля́щихся Тебе́.

О Кресте́ Пресвяты́й Христо́в, Честно́е Дре́во живото́ное, / тобою́ смерть поги́бе и ме́ртвии воскресо́ша, / и ны́не боля́щаго исцели́ и оживи́, / я́коже при Еле́не уме́ршую деви́цу.

Мілостиве Го́споди, услы́ши моли́тву раб Свои́х, моля́щихся Тебе́.

До́лгую и лю́тую болёзнь Ёвлю́ на гно́ици и в че́рвех тогó моля́щася, / сло́вом исцели́л еси́, Го́споди. / И ны́не же в Це́ркви о боля́щем мо́лим Тя: / я́ко благ исцели́ невидимо моли́твами святы́х Твои́х.

Слава: Вси ве́мы, я́ко умре́ти нам есть, Тебе́ Бо́гу та́ко изво́лившу, / но на ма́ло вре́мя, Мілостиве, здра́вия про́сим боля́щему, / премені́ от сме́рти на живо́т, даждь скорба́ющим утёху.

И ны́не: Посо́бствуй и помога́й нашему́ сирото́тству, Богоро́дице, / Ты бо ве́си вре́мя и час, егда́ умо́лити Сы́на Твоего́ и Бо́га на́шего, / да́ти боля́щему здра́вие и прощё́ние от всех грех.

Песнь 8.

Ирмос: Служі́ти живото́му Бо́гу, в Вавило́не о́троцы

претерпéвше, / о мусикійских оргáнех нерадѣша, / и посреде
плáмени стояще боголѣпную песнь воспева́ху, глаголюще: /
благословите вся дела́ Господня́ Гóспода.

**Мѣлостиве Гóсподи, услы́ши моли́тву раб Своѣх,
моля́щихся Тебѣ.**

Мѣлость покажи́, Влады́ко, в болѣзни раба́ Твоего́, / и скоро
исцели́, мѣлостиве Христѣ́ Бóже, / и ещѣ́ смѣрти не преда́ждь
судней, да Ти покая́ние возда́ст. / Сам бо рекл еси́: не хочу́
смѣрти грѣшници.

**Мѣлостиве Гóсподи, услы́ши моли́тву раб Своѣх,
моля́щихся Тебѣ.**

Гóсподи мѣлостиве, Тво́я пресла́вная чудеса́ да и до нас
ны́не достѣгнут: / бѣсы проженѣ́, недуги́ погуби́, / ра́ны исцели́,
болѣзни уврачу́й, / и потво́ры и чародѣ́яния, и вся́кие я́зи изба́ви
ны.

Слава: Запрети́вый, Христѣ́, морскимъ вѣ́тром, / и страх
учени́к на ра́дость преложи́вый, / запрети́ и ны́не тѣжким
болѣзнем, тружда́ющим раба́ Твоего́, / да вси возвесели́мся,
хваля́ще Тя во ве́ки.

И ны́не: Изба́ви, Богороди́це, от обыше́дших ны печа́лей, /
разли́чных недугъ, отравы́ же и чародѣ́йства, / и бесо́вского
мечта́ния и от наве́та злыхъ челове́к / и напрáсныя смѣрти, мо́лим
ти ся.

Песнь 9.

Ирмос: На Сина́йстей горѣ́ ви́де Тя в купинѣ́ Моисѣ́й, /
неопáльно огонь Божества́ зачѣншую во чрѣ́ве; / Даниѣ́л же Тя
ви́де го́ру несекóмую, / жезлъ прозя́бший, Иса́ия взыва́ше, / от
кóрене Дави́дова.

**Мѣлостиве Гóсподи, услы́ши моли́тву раб Своѣх,
моля́щихся Тебѣ.**

Источни́че жи́зни, подáтелю, Христѣ́, мѣлости, / не отврати́
лица́ Твоего́ от нас. / Облѣ́гчи болѣзнь утружда́нному болѣзнею,
/ и воздвѣ́гни я́ко Фаддѣ́ем А́вгаря, / да при́сно Тебѣ́ сла́вит, со
Отцѣ́м и Святы́м Ду́хом.

Мілоствіве Гóсподи, услы́ши молі́тву раб Сво́іх, моля́щихся Тебе́.

Ева́нгельскому ве́рующе гла́су, / Твоєго́ йщем обѣта, Христѣ: / просы́те, рекл есѣ́ бо, рече́, и да́тся вам. / Тем и ны́не предстоя́ще мо́лим Тя, / возста́ви со одра́ здра́ва лю́тым по́вержена недúгом, / да Тя с на́ми вку́пе велича́ет.

Слава: Му́чимый недúгом, внутрь невидимыми ра́нами, / Тебе́, Христѣ, с на́ми вопіе́т, / не нам, Гóсподи, не нас ра́ди, вси бо испо́лнены грехо́в, / но Ма́терними Ти и Предте́чевыми молі́твами / даждь исцелѣ́ние боля́щему, да Тя вси возвели́чим.

И ныне: Бо́жия Ма́ти Пречы́стая, / со все́ми свята́ми призы́ваем Тя, / со А́нгелы и Арха́нгелы, / со проро́ки и патриа́рхи, со апо́столы, / с преподо́бными и пра́ведными / моли́ся Христу́ Бо́гу на́шему / да́ти здра́вие боля́щему, да Тя вси велича́ем.

Молитва

Бо́же си́льный, мілостію стро́яй вся на спасѣ́ние ро́ду челове́ческому, посети́ раба́ Своего́ сегó (**имярек**), нарица́юща й́мя Христа́ Твоего́, исцели́ его́ от всякаго недúга плотска́го и душе́внаго; и отпусти́ грех, и грехо́вные собла́зны, и всяку напа́сть, и всяко нашѣ́ствие неприязненно далѣ́че сотвори́ от раба́ Твоего́. И воздв́игни от одра́ грехо́внаго, и устро́й его́ во Святу́ю Твою́ Цѣ́рковь здра́ва душе́ю и тѣлом, и дѣ́лы до́брыми сла́вющаго со все́ми людьми́ й́мя Христа́ Твоего́, я́ко Тебе́ сла́ву возсыла́ем, со Единоро́дным Тво́им Сы́ном, и со Святы́м Ду́хом ны́не и прѣ́сно и во ве́ки веко́в. Ами́нь.

В оглавление

ЧАСЫ СВЯТЫЯ ПАСХИ И ВСЕЯ СВЕТЛЫЯ СЕДМИЦЫ

Подобает ведати, яко от сего дне святых и великия Недели Пасхи даже до субботы, часы сице поются.

Наченшу иерею: Благословен Бог наш:

Аще ли не иерей: Молитвами святых отец наших, Господи Иисусе Христе, Боже наш, помилуй нас, аминь.

Лик: Аминь. Христос воскрес из мертвых, / смертию смерть поправ / и сущим во гробех живот даровав. **Трижды.**

Таже глаголем трижды:

Воскресение Христово видевше, / поклонимся Святому Господу Иисусу, / единому безгрешному, / Кресту Твоему поклоняемся, Христе, / и святое Воскресение Твое поем и славим: / Ты бо еси Бог наш, / разве Тебе иного не знаем, / имя Твое именуем. / Приидите вси вернии, / поклонимся Святому Христову Воскресению: / се бо прииде Крестом радость всему миру. / Всегда благословяще Господа, / поем Воскресение Его: / распятие бо претерпев, / смертию смерть разруши.

Таже ипакои, глас 4, единощи:

Предваривши утро, яже о Марии, / и обретши камень отвален от гроба, / слышаху от Ангела: во свете присносущнем Сущаго / с мертвыми что ищите, яко человека? / Видите гробныя пелены, тецыте и миру проповедите, / яко воста Господь, умертвивый смерть, / яко есть Сын Бога, спасающаго род человеческий.

Таже кондак, глас 8, единощи:

Аще и во гроб снизшел еси, Безсмертне, / но адову разрушил еси силу / и воскресл еси, яко Победитель, Христе Боже, / женам мирносицам вещавый: радуйтесь! / И Твоим апостолом мир даруй, / падшим подай воскресение.

Таже и сей тропарь единощи:

Во гробе плóтски, во аде же с душею яко Бог, / в рай же с разбóйником, и на Престоле был еси Христé, со Отцém и Дúхом, / вся исполняй, неопíсанный.

Слава: Яко Живонóсец, яко рай краснейший, / воистину и чертога всякаго царскаго показáся светлейший, Христé, гроб Твой, / источник нашего воскресения.

И ныне, Богородичен: Вbшняго освящénное Божéственное селение, радуйся, / Тобою бо дадеся радость, Богородице, зовúщим: / благословénна Ты в женах еси, Всенепорóчная Владычице.

Таже Гóсподи, помíлуй, 40.

Слава, и ныне: Честнейшую Херувím и славнейшую без сравнения Серафím, / без ислéния Бóга Сло́ва рóждшую, / сущую Богородицу Тя величаём.

Именем Господним благослови, óтче.

Иерей: Молíтвами святых отец наших: **Мы же речем:** Амíнь.

И паки глаголем подобне: Христóс воскресе из мёртвых, / смёртию смерть поправ, / и сущим во гробéх живóт даровав. Трижды.

Слава, и ныне: Гóсподи, помíлуй, трижды. Благослови. И отпуст первого часа.

Христóс воскресе из мёртвых, / смёртию смерть поправ, / и сущим во гробéх живóт даровав. Трижды.

И нам дарова живóт вéчный, / поклоняемся Егó / триднёвному Воскресению.

В оглавление

**ЧИН, КАКО ПОДОБАЕТ ПЕТИ
ДВНАДЕСЯТЬ ПСАЛМОВ ОСОБЬ,**

ихже пояху преподобнии
отцы пустыннии во дни и в нощи,
о нихже воспоминается в книгах отеческих
и в житиях и мучениях святых многих.

Сей же чин принесе от Святыя горы
преподобный Досифей,
архимандрит Печерский.

Егоже начало:

Аще иерей, глаголет: Благословен Бог наш:

Аще же несвященный, глаголет: Молитвами святых отец наших, Господи Иисусе Христе, Боже наш, помилуй нас, аминь.

Царю Небесный: Святый Боже: [трижды.] Слава, и ныне: Пресвятая Троице: Господи помилуй, [трижды.] Слава, и ныне: Отче наш: Господи помилуй, 12. Слава, и ныне: Приидите, поклонимся: [трижды.]

Псалом 26.

Господь просвещение мое и Спаситель мой, кого убоюся? Господь Защититель живота моего, от кого устрашуся? Внегда приближатся на мя злобующим, еже снести плоти моя, оскорбляюши мя, и врази мой, тии изнемогоша и падоша. Аще ополчится на мя полк, не убойтся сердце мое, аще востанет на мя брань, на Него аз уповаю. Едино просих от Господа, то възыщу: еже жити ми в дому Господни вся дни живота моего, зрети ми красоту Господню и посещати храм святый Его. Яко скры мя в селении Своём в день зол моих, покры мя в тайне селения Своего, на камень вознесе мя. И ныне се вознесе главу мою, на враги моя: обыдох и пожрох в селении Его жертву хваления и воскликновения, пою и воспую Господеви. Услыши, Господи, глас мой, имже воззвах: помилуй мя и услыши мя.

Тебѣ рече сердце моѣ, Господа възшѹ. Възскá Тебѣ лице моѣ, лица Твоегó, Господи, възшѹ. Не отврати лица Твоегó от менѣ и не уклони́ся гнѣвом от раба Твоегó: помощник мой бѹди, не отрини менѣ, и не остави менѣ, Бóже Спасителю мой. Яко отец мой и мáти моя остависта мя, Господь же восприят мя. Законоположи ми, Господи, в пути Твоём и настави мя на стезю правую враг моих ради. Не предаждь менѣ в души стужающих ми, яко восташа на мя свидѣтеле неправеднии и солга неправда себе. Вѣрую видети благая Господня на земли живых. Потерпи Господа, мужайся и да крепится сердце твоѣ, и потерпи Господа.

Псалом 31.

Блажени, ихже оставишася беззакония и ихже прикрѣшася греси. Блажен муж, емуже не вменит Господь грехá, ниже есть во устех его лесь. Яко умолчах, обетшаша кости моя, от еже звáти ми весь день. Яко день и ночь отяготѣ на мене рука Твоя, возвратихся на страсть, егда унзе ми терн. Беззаконие моѣ познах и грехá моего не покрѣх, рех: исповѣм на мене беззаконие моѣ Господеву, и Ты оставил еси нечестие сердца моего. За то помолится к Тебѣ всяк преподобный во время благопотребно: обаче в потопе вод многих к нему не приближатся. Ты еси прибежище моѣ от скорби обдержажия мене: радости моя, избави мене от обышедших мене. Вразумлю тя и наставлю тя на путь сей, вонже пойдешу, утвержу на тебе очи Мои. Не будите яко конь и мек, имже несть разума: бродами и уздоу челюсти их востягнешу, не приближающихся к тебе. Многи раны грешному, уповающего же на Господа милость обидет. Веселитесь о Господе, и радуйтесь, праведнии, и хвалитесь, вси правии сердцем.

Псалом 56.

Помилуй мене, Бóже, помилуй мене, яко на Тя упова душа моя, и на сень крилу Твоею надеюся, дондеже прейдет беззаконие. Воззову к Бóгу Вышнему, Бóгу, благодѣявшему мне. Посла с Небесѣ и спасе мене, даде в поношение попирающих мене, посла Бог милость Свою и истину Свою, и избави душу мою от среды

скімнов. Поспáх смущён, сынове челоуэчестии, зúбы их ору́жия и стрéлы, и язýк их меч остр. Вознесíся на Небесá, Бóже, и по всей землí слава Тво́я. Сеть угото́ваша ногáм мо́им и сляко́ша дúшу мою́, ископа́ша пред лицём мо́им я́му и впадо́ша в ню. Гото́во сёрдце моё, Бóже, гото́во сёрдце моё, воспою́ и пою́ во славе моёй. Востáни слава мо́я, востáни псалтíрю и гúсли, востáну рáно. Испове́мся Тебе́ в лю́дех, Гóсподи, воспою́ Тебе́ во язýцех, я́ко возвели́чися до Небес́ мíлость Тво́я, и да́же до о́блак и́стина Тво́я. Вознесíся на Небесá, Бóже, и по всей землí слава Тво́я.

Таже, Трисвятое. И по О́тче наш:

Тропари, глас 1:

Объя́тия О́тча отвёрсти ми потщи́ся, / блúдно моё иждíх житíе, / на богáтство неиждивáемое взира́й щедро́т Тво́их, Спа́се, / ны́не обнищáвшее моё да не прэ́зриши сёрдце. / Тебе́ бо, Гóсподи, умилéнием зову́: / согрешíх на не́бо и пред Тобóю.

Слава: Егдá прийдеси, Бóже, на зéмлю со сла́вою, / и трепéшут вся́ческая, / река́ же о́гненная пред суди́щем влечёт, / кнíги разгиба́ются и та́йная явля́ются, / тогда́ избáви мя от огня́ неугасíмага, / и сподо́би мя одесну́ю Тебе́ стáти, Судие́ прáведнейший.

И ны́не: Мáтерь Тя Бóжию свéмы вси Дéву во́истинну и по Рождестве́ явльшуюся, / любóвию прибега́ющи к Твоёй блага́сти: / Тебе́ бо íмамы грéшнии предста́тельство, / Тебе́ стяжа́хом в напáстех спасéние, / Еди́ну Всенепоро́чную.

Посем: Гóсподи, помíлуй, **30. Таже,** Приидите́, поклонíмся: [трижды.]

Псалом 33.

Благословлю́ Гóспода на вся́кое вре́мя, вíну хвалá Егó во устéх мо́их. О Гóсподе похва́лится душа́ мо́я, да услы́шат крóтцыи и возвеселя́тся. Возвели́чите Гóспода со мно́ю и вознесём́ íмя Егó вку́пе. Взыска́х Гóспода и услы́ша мя, и от всех скорбéй мо́их избáви мя. Приступите́ к Немú и

просветітесе, и лица ваша не постыдятся. Сей нищий воззва, и Господь услыша ѱ, и от всех скорбей его спасе ѱ. Ополчится Ангел Господень окрест боящихся Его, и избавит их. Вкусите и видите, яко благ Господь; блажен муж, иже уповает Нань. Бойтесе Господа, вси святіи Его, яко несть лишения боящимся Его. Богатіи обнищаша и взалкаша, взыскающии же Господа не лишатся всякаго блага. Приидите, чада, послушайте мене, страху Господню научу вас. Кто есть человек хотяй живот, любяй дни видети блага? Удержи язык твой от зла, и устне твой, еже не глаголати лести. Уклонися от зла и сотвори благо. Взыщи мира, и пожені ѱ. Очи Господни на праведныя, и уши Его в молитву их. Лице же Господне на творящыя злая, еже потребити от земли память их. Возваша праведнии, и Господь услыша их, и от всех скорбей их избави их. Близ Господь сокрушенных сердцем, и смиренныя духом спасет. Многи скорби праведным, и от всех их избавит я Господь. Хранит Господь вся кости их, ни единая от них сокрушится. Смерть грешников люта, и ненавидящии праведнаго прегрешат. Избавит Господь души раб Своих, и не прегрешат вси, уповающии на Него.

Псалом 38.

Рех: сохраню пути моя, еже не согрешати ми языком моим: положих устом моим хранило, внемда востати грешному предо мною. Онемех и смирихся, и умолчах от благ, и болезнь моя обновися. Согреяся сердце мое во мне, и в поучении моем разгорится огонь. Глаголах языком моим: скажи ми, Господи, кончину мою и число дней моих, кое есть? Да разумю, что лишаяся аз? Се пяди положил еси дни моя, и состав мой яко ничтоже пред Тобою, обаче всяческая суета всяк человек живый. Убо образом ходит человек, обаче все мятется: сокровиществует, и не весть, кому соберет я. И ныне кто терпение мое, не Господь ли? И состав мой от Тебе есть. От всех беззаконий моих избави мя, поношение безумному дал мя еси. Онемех и не отверзох уст моих, яко Ты сотворил еси. Отстави от мене раны Твоя: от крепости бо руки Твоея аз исчезох. Во обличениих о беззаконии наказал еси человека и истаял еси, яко

паучіну, дўшу егó: абáче всúе всяк человек. Услýши молітву мою, Гóсподи, и молéние моé внуші́, слез мо́их не премолчи́: я́ко пресéльник аз есмь у Тебé и пришлéц, я́коже вси отцы́ мой. Осла́би ми, да почи́ю, прéжде да́же не отъиду́, и ктому́ не б́уду.

Псалом 40.

Блаже́н разумева́й на ни́ща и убо́га, в день лю́т избáвит егó Госпо́дь. Госпо́дь да сохрані́т егó и живі́т егó, и да ублажи́т егó на землі́, и да не преда́ст егó в ру́ки враго́в егó. Госпо́дь да помо́жет ему́ на одре́ болéзни егó: все ло́же егó обрати́л еси́ в болéзни егó. Аз рех: Гóсподи, помі́луй мя, исцели́ дўшу мою́, я́ко согреші́х Ти. Врази́ мой рéша мне злáя: когдá ўмрет и погібнет і́мя егó? И вхожда́ше видети́, всúе глаго́лаше се́рдце егó, собра́ беззакóние себе́, исхожда́ше вон и глаго́лаше вку́пе. На мя шепта́ху вси врази́ мой, на мя помышля́ху злáя мне. Сло́во законопресту́пное возложи́ша на мя: еда́ спяй не приложі́т воскресну́ти? Ибо человек мíра моего́, на него́же упова́х, яды́й хлéбы мой, возвели́чи на мя запина́ние. Ты же, Гóсподи, помі́луй мя и возста́ви мя и возда́м им. В сем позна́х, я́ко восхотéл мя еси́, я́ко не возра́дуется враг мой о мне. Мене́ же за незло́бие прия́л и утверди́л мя еси́ пред Тобою́ в век. Благословéн Госпо́дь Бог Израі́лев от véка и до véка: б́уди, б́уди.

Таже, Трисвятое. И по О́тче наш:

Тропари, глас 4:

Смирéнную мою́ дўшу посети́, Гóсподи, / во гресéх все житиé иждівшую, / імже óбразом блудни́цу, приими́ и мене́, и спасі́ мя.

Слава: Все житиé моé сра́мно ижді́х, Гóсподи, со блудни́цами окаянный. / Я́коже блудный умилéнием зову́: / О́тче Небéсный, согреші́х, очисти́ и спасі́ мя, / и не отрини́ мене́, сама́го себе́ от Тебé удалівшаго, / и беспло́дных ра́ди дел ны́не обнищáвшаго.

И ныне: К Богороди́це приле́жно ны́не притеце́м, / грéшнии и смире́ннии, и припаде́м, / в покая́нии зову́ще из глубины́

душі: / Владычице, помози, на ны милосердовавши, / потщися, погибаем от множества прегрешений, / не отврати Твоя рабы тщи, / Тя бо и едину надежду имамы.

Посем: Господи, помилуй, **30. Таже,** Приидите, поклонимся: **[трижды.]**

Псалом 69.

Боже, в помощь мою вонми, Господи, помощи ми потщися. Да постыдятся и посрамятся ищущи душу мою, да возвратятся вспять и постыдятся хотящие ми злая. Да возвратятся абие стыдящиеся глаголющие ми: благоже, благоже. Да возрадуются и возвеселятся о Тебе вси ищущи Тебе, Боже, и да глаголют выну, да возвеличится Господь, любящий спасение Твое: аз же нищ есмь и убог, Боже, помози ми: Помощник мой и Избавитель мой еси Ты, Господи, не закосни.

Псалом 70.

На Тя, Господи, уповах, да не постыжуся в век. Правдою Твоею избави мя и изми мя, приклони ко мне ухо Твое и спаси мя. Буди ми в Бога Защитителя и в место крепко спасти мя, яко утверждение мое и прибежище мое еси Ты. Боже мой, избави мя из руки грешнаго, из руки законопреступнаго и обидящаго, яко Ты еси терпение мое, Господи, Господи, упование мое от юности моя. В Тебе утвердихся от утробы, от чрева матере моя Ты еси мой покровитель: о Тебе пение мое выну. Яко чудо бых многим, и Ты помощник мой крепок. Да исполнятся уста моя хваления, яко да воспую славу Твою, весь день великолепие Твое. Не отвержи мене во время старости, внегда оскудевати крепости моей, не остави мене. Яко реша врази мой мне, и стрегущи душу мою совещаша вкупе, глаголюще: Бог оставил есть его, пожените и имите его, яко несть избавляяй. Боже мой, не удалися от мене, Боже мой, в помощь мою вонми. Да постыдятся и исчезнут оклеветавшие душу мою, да облекутся в студ и срам ищущи злая мне. Аз же всегда возуповаю на Тя и приложу на всяку похвалу Твою. Уста моя возвестят правду Твою, весь день спасение Твое, яко не познах книжная. Вниду в

сіле Господни, Гóсподи, помяну́ правду Тебé Едінаго. Бóже мой, їмже научїл мя есі от юности моея, и до нїне возвещу́ чудеса́ Твоя, и да́же до ста́рости и престаре́ния, Бóже мой, не оста́ви мене́, до́ндеже возвещу́ мѣшцу Твою́ ро́ду все́му гряду́щему, сілу Твою́ и правду Твою́, Бóже, да́же до вѣшних, я́же сотвори́л ми есі вели́чия. Бóже, кто подо́бен Тебé? Еліки яви́л ми есі ско́рби мно́ги и злы, и обра́щяся оживотвори́л мя есі, и от бездн землі возвѣл мя есі. Умно́жил есі на мене вели́чествіе Твоё, и обра́щяся утѣшил мя есі, и от бездн землі па́ки возвѣл мя есі. Ё́бо аз испове́мся Тебé в лю́дех, Гóсподи, в сосу́дех псаломских ѝстину Твою́, Бóже, воспою́ Тебé в гу́слех, Святы́й Израїлев. Возра́дуется устне́ мой, егда́ воспою́ Тебé, и душа́ моя, ю́же есі избáвил. Ещѣ же и язы́к мой весь день поучїтся правде Твое́й, егда́ посты́дятся и посра́мятся ищущи́и зла́я мне.

Псалом 76.

Гла́сом моїм ко Гóсподу воззва́х, гла́сом моїм к Бо́гу, и внят ми. В день ско́рби моея́ Бо́га взыска́х рука́ма моїма, но́щию пред Ним, и не прельще́н бых. Отве́ржеса утѣшится душа́ моя́. Помяну́х Бо́га и возвесели́хся, поглумля́хся и малоду́шествоваше дух мой. Предварїсте стражбы́ о́чи мої: смято́хся и не глаго́лах. Помы́слих дни пе́рвыя, и ле́та вѣчная помяну́х, и поуча́хся: но́щию се́рдцем моїм глумля́хся, и тужа́ше дух мой: еда́ во ве́ки отринет Господь, и не приложїт благово́лити па́ки? Или́ до конца́ мїлость Свою́ отсече́т, сконча́ глаго́л от ро́да в род? Еда́ забудет ущѣдрити Бог? Или́ удержїт во гнѣве Своём щедрóты Своя́? И рех: нїне нача́х, сїя зміна десніцы Вѣшняго. Помяну́х дела́ Господня, я́ко помяну́ от нача́ла чудеса́ Твоя, и поучу́ся во всех дѣлех Твоїх, и в начинáниих Твоїх поглумлю́ся. Бóже, во святе́м путь Твой: кто бог ве́лий я́ко Бог наш? Ты есі Бог творя́й чудеса́: сказа́л есі в лю́дех сілу Твою́, избáвил есі мѣшцею Твое́ю лю́ди Твоя, сы́ны Иа́ковли и Ио́сифовы. Видеша Тя во́ды, Бóже, видеша Тя во́ды, и убо́яшася: смято́шася бѣздны, мно́жество шу́ма вод, глас да́ша о́блацы, ї́бо стрѣлы Твоя́ прехо́дят. Глас гро́ма Твоего́ в колесї,

освети́ша мо́лния Тво́я вселѣнную: подви́жеса и трѣпетна бысть земля́. В мо́ри пути́е Тво́й, и стези́ Тво́й в вода́х мно́гих, и следы́ Тво́я не позна́ются. Наста́вил еси́ я́ко о́вцы лю́ди Тво́я руко́ю Моисе́овою и Ааро́нею.

Таже, Трисвятое. И по О́тче наш:

Тропари, глас 6:

Помышля́ю день стра́шный / и пла́чу дея́ний мо́их лука́вых, / ка́ко отвеща́ю Безсме́ртному Царю́? / Или́ ко́им дерзнове́нием воззрю́ на Судию́, блу́дный аз? / Благоутро́бный О́тче, Сы́не Единоро́дный, / Ду́ше Святы́й, поми́луй мя.

Слава: Во юдо́ли плачевне́, / на ме́сте, е́же завеща́л еси́, / егда́ сядеши, Милостиве, сотвори́ти пра́ведный суд, / не обличи́ моя́ сокрове́нная, / ниже́ посрами́ мене́ пред А́нгелы, / но пощади́ мя, Бо́же, и поми́луй мя.

И ныне: Милосе́рдия двѣри отвѣрзи нам, / благослове́нная Богоро́дице, / наде́ющися на Тя да не поги́бнем, / но да изба́вимся Тобо́ю от бед, / Ты бо еси́ спасе́ние ро́да христиа́нскаго.

Го́споди, поми́луй, **30. Таже,** Прииди́те, поклони́мся: [трижды.]

Псалом 101.

Го́споди, услы́ши моли́тву мою́, и вопль мой к Тебе́ да приидет. Не отврати́ лица́ Твоего́ от мене́: во́ньже а́ще день скорблю́, приклони́ ко мне́ у́хо Твое́: во́ньже а́ще день призову́ Тя, ско́ро услы́ши мя. Я́ко исче́зша я́ко дым дние́ мой, и ко́сти моя́ я́ко суши́ло сохос́шася. Уязвен бых я́ко трава́, и изсше се́рдце моё́, я́ко забы́х снести́ хлеб мой. От гла́са воздыха́ния моего́ прильпе́ кость моя́ плоти́ моёй. Уподобихся не́ясыти пусты́нней, бых я́ко но́щный вран на ны́рищи. Бдех и бых я́ко пти́ца осóбьящаяся на зде. Весь день поноша́ху ми врази́ мой, и хваля́щии мя мно́ю кленя́хуся. Зане́ пепел я́ко хлеб я́дях, и пити́е моё́ с пла́чем растворя́х. От лица́ гне́ва Твоего́ и я́рости Твое́я: я́ко возне́с низве́ргл мя еси́. Дние́ мой я́ко сень уклони́шася, и аз

яко сѣно изсхóх. Ты же, Гóсподи, во век пребывáеши, и пáмьятъ Тво́я в род и род. Ты воскрѣс ущѣдриши Сиóна, яко вре́мя ущѣдрити егó, яко прииде вре́мя. Яко благоволи́ша раб́и Тво́и ка́мение егó, и персть егó ущѣдрят. И убо́ятся язы́цы и́мене Гóсподня, и вси ца́рие зѣмстии сла́вы Твое́я. Яко сози́ждет Гóсподъ Сиóна, и явится во сла́ве Сво́ей. Призрэ на моли́тву смирен́ных, и не уничи́жи молѣния их. Да напи́шется сие́ в род ин, и лю́дие зи́ждемии восхва́лят Гóспода. Яко прини́че с высот́и свята́я Сво́ей, Гóсподъ с Небесé на зѣмлю призрэ, услы́шати воздыхáние оковáнных, разрешити сы́ны умерщвлѣнных, возвестити в Сиóне И́мя Гóсподне, и хвалу́ Егó во Иерусали́ме. Внегда́ собратися лю́дем вку́пе, и царѣм, е́же рабóтати Гóсподеви. Отвещá ему́ на пути́ крѣпости егó: умалѣние дней мо́их возвести́ ми. Не возведи́ мене́ в преполовѣние дней мо́их: в родѣ родóв лѣта Тво́я. В началѣх Ты, Гóсподи, зѣмлю основáл еси́, и делá руку́ Твое́ю суть небесá. Та погíбнут, Ты же пребывáеши: и вся, яко рíза обетша́ют, и яко одѣ́жду сви́еши я́ и изменятся. Ты же то́йжде еси́, и лѣта Тво́я не оскуде́ют. Сы́нове раб́ Тво́их вселя́тся, и сѣмя их во век испрáвится.

Молитва Манассии, царя Иудейска.

Гóсподи Вседержителю, Бóже отецъ нáших, Авраáмов, и Исаáков, и Иáковль, и сѣмене их прáведнаго: сотвори́вый нѣбо и зѣмлю со всею́ лѣпотою их, связáвый мóре слóвом повелѣния Твоегó, заключи́вый бѣздну, и запечатствовавый ю́ стра́шным и сла́вным и́менем Тво́им, егóже вся бо́ятся, и трепещут от лица́ силы Твое́я, яко непостоянно великолѣпие сла́вы Твое́я, и нестерпимъ гнев, е́же на грѣшники прещѣния Твоегó. Безмѣрна же и неизслѣдованна мѣлость обещáния Твоегó: Ты бо еси́ Гóсподъ В́ышний, благоутрóбен. долготерпелив и многомѣлостив, и кáйся о злóбах человѣческих. Ты Гóсподи, по мно́жеству блага́сти Твое́я, обещáл еси́ пока́ние и оставлѣние согрѣшив́шим Тебѣ, и мно́жеством щедрóт Тво́их, определил еси́ пока́ние грѣшником во спасѣние. Ты ўбо Гóсподи Бóже сил, не

положил еси покаяние праведным, Аврааму и Исааку и Иакову, не согрешившим Тебе. Но положил еси покаяние на мене, грешнем: зане согреших паче числа песка морскаго. Умножишася беззакония моя, Господи, умножишася беззакония моя: и не смею достоин возрети, и видети высоту небесную от множества неправд моих. Слячен есмь многими узами железными, во еже не возвести главы моея, и несть ми ослабления: зане прогневах ярость Твою, и лукавое пред Тобою сотворих, не сотворивый воли Твоея, и не сохранивый повелений Твоих. И ныне приклоняю колена сердца, требуя от Тебе благодати: согреших, Господи, согреших, и беззакония моя аз вем, но прошу моляся, ослаби ми, Господи, ослаби ми, и не погуби мене со беззаконными моими. Ниже в век враждовав соблюдеши зол моих, ниже осудиши мя в преисподних земли. Зане Ты еси Боже, Бог кающихся, и на мене явивши всю благодать Твою, яко недостойна суща спасеши мя, по мнозей милости Твоей, и восхвалю Тя ныне во днех живота моего, яко Ты поет вся сила небесная, и Твоя есть слава во веки веков, аминь.

Таже:

Слава в вышних Богу, и на земли мир, в человецех благоволение. Хвалим Тя, благословим Тя, кланяем Ти ся, славословим Тя, благодарим Тя, великия ради славы Твоея. Господи, Царю Небесный, Боже, Отче Вседержителю, Господи Сыне Единородный, Иисусе Христе, и Святыи Душе. Господи Боже, Агнче Божий, Сыне Отечь, вземляй грех мира, помилуй нас. Вземляй грехи мира, прими молитву нашу. Седяи одесную Отца, помилуй нас. Яко Ты еси Един Свят; Ты еси Един Господь, Иисус Христос, в славу Бога Отца, аминь. На всяк день благословлю Тя и восхвалю имя Твое во веки, и в век века. Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой, яко у Тебе источник живота, во свете Твоем узрим свет. Пробави милость Твою ведущим Тя. Сподоби, Господи, в день сей без греха сохранитися нам. Благословен еси Господи Боже

отец наших, и хвально и прославлено имя Твое во веки, аминь. Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святыи, просвети мя оправданием Твоими. Господи, милость Твоя во век, дел руку Твоею не презри: Тебе подобает хвала, Тебе подобает пение, Тебе слава подобает, Отцу, и Сыну, и Святому Духу, ныне и присно, и во веки веков, аминь.

Молитва святого Евстратия:

Величая величаю Тя, Господи, яко призрел еси на смирение мое, и неси мене затворил в руках вражиих, но спасл еси от нужд душу мою. И ныне, Владыко, да покрыйт мя рука Твоя, и да придет на мя милость Твоя, яко смятеса душа моя, и болезненна есть во исхождении своем, от окаянного моего и скверного телесе сего. Да не когда лукавый сопостата совет срящет, и препнет ю во тме, за неведомыя и ведомыя в житии сем бывшия ми грехи. Милостив буди ми, Владыко, и да не узрит душа моя мрачнаго взора лукавых демонов, но да примут ю Ангели Твои светлии и пресветлии. Дажь славу имени Твоему святому, и Твоею силою возведи мя на Божественное Твое судище, внегда судитися ми, да не примет мя рука князя мира сего, еже исторгнути мя, грешника, во глубину ядову, но предстани ми, и буди ми Спас и Заступник. Телесныя бо и сия мучения, веселия суть рабом Твоим. Помилуй, Господи, осквернившуюся страстьми жития сего душу мою, и чисту ю покаянием и исповеданием примими, яко благословен еси во веки веков, аминь.

Таже, Трисвятое. И по Отче наш:

Тропари, глас 8:

Оком благоутробным, Господи, / виждь мое смирение, / яко помале жизнь моя иждивается, / и от дел несть мне спасения. / Сего ради молюся: / оком благоутробным, Господи, / виждь мое смирение и спаси мя.

Слава: Век мой скончавается, / и страшный Твой престол
готовится, / житие мое мимоходит, / суд мене ждет, претя мне
огненную мукою, / и пламенем негасимым. / Слез тучу подаждь
ми и угаси его силу, / хотяй спастися всем человеком.

И ныне: Иже нас ради рождейся от Девы / и распятие
претерпев, Благий, / испровергий смертью смерть, / и
воскресение явлей, яко Бог, / не презри, яже создал еси рукою
Твоею; / яви человеколюбие Твое, Милостиве, / приими
рождшую Тя Богородицу, молящуюся за ны, / и спаси, Спасе
наш, люди отчаянныя.

Таже, Господи, помилуй, 30. И отпуст.

В оглавление

ПРАВИЛО ОТ ОСКВЕРНЕНИЯ

Внегда случится кому искушиться во сне по действию диаволу.

Востав от одра, творит поклоны, глаголя:

Бóже, мѣлостив бѹди мне, грѣшному.

Таже начало обычное.

Приидѣте, поклонѣмся Царѣви нáшему Бóгу.

Приидѣте, поклонѣмся и припадѣм Христу́, Царѣви нáшему Бóгу.

Приидѣте, поклонѣмся и припадѣм Самому́ Христу́, Царѣви и Бóгу нáшему.

Псалом 50:

Помѣлуй мя, Бóже, по велицей мѣлости Твоеѣй, и по мнóжеству щедрóт Твоѣих очѣисти беззакóние моѣ. Наипáче омѣй мя от беззакóния моего́, и от грехá моего́ очѣисти мя; ꙗко беззакóние моѣ аз знáю, и грех мой предо мною́ есть вѣну. Тебѣ Единому́ согрѣших и лукавое пред Тобóю сотворѣх, ꙗко да оправди́шися во словесѣх Твоѣих, и победи́ши внегда́ судѣти Ти. Се бо, в беззакóниях зачатъ есмь, и во гресѣх роди́ мя мáти моя́. Се бо, ѣстину возлюбѣл еси́; безвѣстная и та́йная премѹдрости Твоея́ явил ми еси́. Окропи́ши мя иссо́пом, и очѣщуся; омѣеши мя, и пáче снѣга убелю́ся. Слѹху моему́ дáси рáдость и весѣлие; возра́дуются кóсти смиренныя. Отврати́ лице́ Твое́ от грех моихъ и вся беззакóния моя́ очѣисти. Сѣрдце чѣсто сози́жди во мне, Бóже, и дух прав обнови́ во утрóбе моеѣй. Не отвѣржи мене́ от лица́ Твоего́ и Дѹха Твоего́ Свята́го не отыми́ от мене́. Возда́ждь ми рáдость спасѣния Твоего́ и Дѹхом Владѣ́чным утверди́ мя. Научу́ беззакóнныя путѣм Твоѣим, и нечестѣвнии к Тебѣ обратѣтся. Избáви мя от кровѣй, Бóже, Бóже спасѣния моего́; возра́дуется язѹк мой правде Твоеѣй. Гóсподи, устне́ мой отвѣрзеши, и уста́ моя́ возвестѣят хвалѹ Твою́. ꙗко áще бы восхотѣл еси́ жѣртвы, дал

бых убо: всесожжѣния не благоволиши. Жѣртва Бѣгу дух сокрушѣн; сѣрдце сокрушѣнно и смиренѣнно Бог не уничижит. Ублажи, Господи, благоволеніем Твоим Сиона, и да созиждутся стѣны Иерусалимскія. Тогда благоволиши жѣртву правды, возношѣние и всесожегаемая; тогда возложат на олтарь Твой тельцы.

И тропари сия, глас 7:

Пастырю добрый, душу Твою положи выи о нас, / свѣдый сокровенная, содеянная мною, / Едине Блаже, упаси мя разумом заблуждшаго, / и исхити мя от волка, Агнче Божий, / и помилуй мя.

Отягчен сном уныния, / помрачаюся прѣлестію греховною: / но даруй ми утро покаяния, / просвѣщая очи мысленныя, Христе Бже, / просвѣщение души моея, и спаси мя.

Мглою греховною и сластми житейскими сплетаем / ум окайныя души моея, страсти различныя раждает, / и в помысл умиления не приходит. / Но ущѣдри, Спасе, смирение мое, / и даждь ми помысл умиления, / да и аз спасаем прѣжде конца воззову благоутробию Твоему: / Господи Христе Спасе мой, / отчаяннаго спаси мя и недостойнаго.

Яко впадый в разбойники, и уязвен, / тако и аз впадх во многія грехи, / и уязвена ми есть душа. / К кому прибегну повинный аз: / токмо к Тебе, милосердому душ Врачу: / излей на мя, Бже, великую Твою милость.

Слава: Яко блудный сын, приидх и аз, Щѣдре: / прими мя, Отче, возвращающаяся, / яко единого от наемник Твоих, Бже, и помилуй мя.

И ныне, Богородичен: Избави, Богородице, от обдержавших нас грехов: / яко иного упования вернии не имамы, разве Тебе, / и от Тебе рождшагося Господа.

Таже: Господи, помилуй, 40. **И поклонов 50, с молитвою:** Бже, милостив ми буди, и прости мя, блуднаго, за имя Твое Святое.

Посем молитва, святаго Великаго Василия.

Паки запят бых окайнный умом и лукавым обычаем, работая греху. Паки князь тьмы и страстных сладостей родитель, пленена мя сотвори, и якоже раба смиренного, того хотением, и желанием плотским работати принуждает мя. И что сотворю, Господи мой, и Избавителю, и Заступниче, уповающим на Тя, аще не к Тебе паки возвращуся и постеню, и милости испрошу о содеянных мною; но боюся и трепещу, да не како всегда исповедаяся, и отступити злых обещаваясь, и на кийждо час согрешая: и не воздав молитвы моея Тебе Богу моему, долготерпение Твое воздвигну к негодованию. И кто стерпит гнева Твоего, Господи; ведый убо множество щедрот Твоих, и пучину человеколюбия Твоего, паки возверзаю себе на милость Твою, и взываю Ти: еже согреших, прости. Помилуй мя, падшаго, даждь ми руку помощи, в тине сладостей погруженному. Не остави, Господи, создание Твое растлится беззаконными моими и грехи моими, но обычным Твоим милосердием и благодатию принуждаем, избави от кала и скверны телесныя и страстных помышлений, оскверняющих всегда душу мою окайнную: се бо, Господи, якоже зриши, несть в ней места чиста, но вся проказися, и все тело объят язва. Сам убо, Человеколюбче, врачу душ и телес, и милости источниче, очисти ту слез моих течением, сих изливая на мя обильно: излей на мя человеколюбие Твое, и даждь ми исцеление и очищение, и исцели сокрушение мое, и не отврати лица Твоего от мене, да не якоже вещь, пояст мя отчаяния огонь, но якоже рекл еси, неложный Боже, яко велия радость бывает на небеси о едином грешнице кающемся, сие сотвори и на мне, грешнем, и не затвори ушию благоутробия Твоего, в молитве покаяния моего, но отверзи их, и яко кадилу исправи ту пред Тобою: веси бо немощь естества, Создателю, и удобь поползновение юности, и тяжесть тела, и презираеши грехи, и покаяние приемлещи призывающих Тя истинною. Яко благословися и прославися пречестное и великолепое имя Твое, Отца и Сына и Святаго Духа, ныне и присно и во веки веков. Аминь.

Молитва тогожде святого Василия.

Многомилостиве, нетлѣнне, несквѣрне, безгрѣшне Гóсподи, очисти мя, непотрѣбнаго раба Твоего, от всякия сквѣрны плотскія и душѣвныя, и от невниманія и унѣнія моего прибѣвшую ми нечистоту, со инѣми беззаконіи моими, и яви мя несквѣрна, Владыко, за благасть Христа Твоего, и освяти мя нашѣтвием Пресвятаго Твоего Духа: яко да возбнѣв от мглы нечѣстных привидѣній диавольских, и всякия сквѣрны, сподоблюся чѣстою совѣстію отвѣрсти сквѣрная моя и нечѣстая уста, и воспѣвати всесвятое имя Твое, Отца и Сына и Святаго Духа, ныне и присно и во веки веков. Аминь.

Молитва третья.

Гóсподи Бóже наш, еже согрѣших во дни сем словом, делом и помышлѣнием, яко Благ и Человеколѣбец прости ми. Мирен сон и безмятежен даруй ми. Ангела Твоего хранителя послѣ, покрывающа и соблюдающа мя от всякаго зла, яко Ты еси хранитель душам и телесам нашим, и Тебѣ славу возсылаем, Отцу и Сыну и Святому Духу, ныне и присно и во веки веков. Аминь.

Молитва четвертая, святого Иоанна Златоустаго.

Гóсподи, не лишѣ мене небесных Твоих благ. Гóсподи, избави мя вечных мук. Гóсподи, умом ли или помышлѣнием, словом или делом согрѣших, прости мя. Гóсподи, избави мя всякаго неведѣнія и забвѣнія, и малодушія, и окаменѣннаго нечувствія. Гóсподи, избави мя от всякаго искушенія. Гóсподи, просвети мое сердце, еже помрачи лукавое похотѣние. Гóсподи, аз яко человек согрѣших, Ты же яко Бог щедр, помилуй мя, видя немощь души моея. Гóсподи, послѣ благодать Твою в помощь мне, да прославлю имя Твое святое. Гóсподи Иисусе Христѣ, напиши мя раба Твоего в книзе животней и даруй ми конец благій. Гóсподи, Бóже мой, аще и ничтоже благо сотворих пред Тобю, но даждь ми по благодати Твоей положити начало благое. Гóсподи, окропи в сердце моем росу благодати Твоея.

Господи небесé и земли, помяни мя грéшнаго раба Твоегó, стúднаго и нечíстаго, во Цáрствии Твоём. Амíнь.

Господи, в покаянии приими мя. Господи, не остави мене. Господи, не введи мене в напасть. Господи, даждь ми мысль благу. Господи, даждь ми слéзы и пáмьть смéртную, и умилéние. Господи, даждь ми пóмысл исповéдания грехóв мо́их. Господи, даждь ми смире́ние, целомúдрие и послуша́ние. Господи, даждь ми терпе́ние, великоду́шие и крóтость. Господи, всели в мя ко́рень благíх, страх Твой в се́рдце моё. Господи, сподóби мя любíти Тя от всея́ души моея́ и помышлéния и творíти во всем волю́ Твою. Господи, покрýй мя от человекé некоторых, и бесóв, и страстéй, и от всякия инья́ неподóбныя вéщи. Господи, вéси, я́ко творíши, я́коже Ты во́лиши, да бúдет во́ля Твоя́ и во мне грéшнем, я́ко благословéн еси́ во вéки. Амíнь.

Молитва пятая, ко Пресвятей Богородице.

Пресвятáя Влады́чице моя́ Богородице, святы́ми Твоими́ и всесíльными мольба́ми отженí от мене́, смире́ннаго и окаяннаго раба́ Твоегó, ун́ение, забв́ение, неразу́мие, нераде́ние, и вся сквёрная, лука́вая и ху́льная помышлéния от окаяннаго моего́ се́рдца и от помраче́ннаго ума́ моего́; и погасí пла́мень страстéй мо́их, я́ко нищ есмь и окая́нен. И избáви мя от мно́гих и лю́тых воспомина́ний и предприя́тий, и от всех действé злых свободí мя. Я́ко благословéна еси́ от всех родóв, и сла́вится пречестно́е íмя Твоё́ во вéки веко́в. Амíнь.

Таже: Честне́йшую Херувíм и сла́внейшую без сравне́ния Серафíм, без ислéния Бóга Сло́ва рóждшую, сущую́ Богородицу́ Тя велича́ем.

Сла́ва, и ны́не: Господи, помíлуй, **трижды**. Господи, благослови́, **и отпуст:**

Господи Иисýсе Христé, Боже наш, моли́тв ра́ди Пречíстыя Твоея́ Ма́тере и всех святых, спаси́ мя, грéшнаго.

Молитва от осквернения.

Господи Бóже наш, Еди́не Благíй и Человеколю́бче, Еди́не

ПРАВИЛО ОТ ОСКВЕРНЕНИЯ

Святѣй и на святѣх почиваѣй, Иже верховному Твоему апостолу Петру явѣвый видѣнием, ничтоже скверно, или нечисто мнѣти, от Тебѣ сотворенных на пищу и в наслаждение человеком, и сосудом Твоим избранным, апостолом Павлом вся чѣста чѣстым заповѣдавый: Ты Сам, Владыко Пресвятѣй призываніем страшнаго и пречѣстаго Твоего ѣмене, и знаменіем Честнаго и Животворящаго Креста, благословіи и очисти мя, раба Твоего (имярек), осквернишагося от всякаго неприязненнаго дѣха, от всякаго мечтания и гада ядовитаго, от всякаго беззаконія и от всякаго лѣсти, от всякаго потвора и от всякаго суеты, и от всякаго недуга, и всяка язи, и от всякаго противнаго злодѣйства дѣаволя. И ныне, недостойнаго менѣ, раба Твоего (имярек), сподоби по Твоему милосердію служити пречѣстым Твоим Тайнам. И прежде очисти ми дѣшу и тѣло от всякаго скверны, и остави всякое прегрѣшеніе, вольное и невольное, еже согрѣших во вся дни живота моего, дѣлом, словом и помышленіем, во дни и в ношѣ, и до нынешняго часа. И даждь ми, Господи, служеніе сіе страшное небесных Чинѣв, и причастіе пречѣстных Твоих Таин, не в суд, ни во осужденіе, но в прощеніе грехѣв, и в Дѣха Святаго пришѣствие, и живѣт присносущныя радости, егѣже уготѣвал еси истинным Твоим служѣбником. Сохрани мя, Владыко Всесильне, от всякаго греха и злобы, соблюди нескверна и непорѣчна от всякаго проказы противнаго дѣаволя, и даждь ми, Господи, служити Тебѣ в преподѣбии и правде до послѣдняго дне и часа и скончания моего.

Ты бо еси благословляѣй и освящяѣй всяческая, Христѣ Бѣже наш, и Тебѣ славу возсылаем со Безначальным Твоим Отцѣм и с Пресвятѣм и Благим и Животворящим Твоим Дѣхом, ныне и присно и во вѣки вѣков. Аминь.

В оглавление